

ማርቆስ ፃፊዳ ሚሺራቸዋ ቃላ ጌሉዋ

ማርቆስ ፃፊዳ ሚሺራቸዎ ኮይሮ ደሚዲካ፣ «ሃዌ ያሳ ናዓ ዩሱሲ ኪሪሰቶሳ ሚሺራቸዋ ቃላው ደሚዳ» ያጌ። ሃ ሚሺራቸዋ ቃላ ጊደን ዩሱሲ ኦሱዋ ኣሳኔ ማታይ ዳዒያ ኣሳ ጊዲዳ ሸቄዳ። ዩሱሳ ማታይ ኣ ቲሚርቲያን፣ ፃላሂያ ጨታ ቦላ ኣው ዳዒያ ዋልቃኒኔ ኣሳ ናጋራ ኣቶ ጊያዋን ቤዔቲዳ። ዩሱሲ፣ «ታኒ ኣሳ ናዓይ ዩዳዌ፣ ኣሳ፣ ናጋራ ኣይሌቲላፕ ላዓ ኬሳናው ታ ዴዑዋ ኣላዳ ኢማናሳ» ያጊዳ ኢ ባሬ ሁጳው ሃሳዩዳ።

ማርቆስ ዩሱሳ ታሪኪያ ሱሬኔ ዋልቃ ኩሜዳ ኦጊያን ኦዳዳ። ኢ ጋናው ኮዮ ቆፋይካ ዩሱሳ ቃላኔ ቲሚርቲያ ጊዳናን ኢ ኦሌዳ ማላሊሲያ ኦሳቲዋ ቦላና። ፃማቂያ ዮሃኒሳ ታሪኪያ፣ ዩሱሳ ዲንቃታኔ ፓጨያ ቃንላን ኤሪሲ ሰሚዳ፣ ዩሱሳ ቲሚርቲያኔ ፓሱዋባ ኣሲዳ ኦዳዳ። ዋዲያፕ ጉዪያን ዩሱሳ ካሊያዋንቲ ኣ ሎይሊ ኤሪ ቤዳዋ ኬና ኣናና ኤቄቲያዋንቲ ኣ ሎይሊ ኢፃዲኖ። ወርሴላ ሸምፓቲ ዩሱሳ ዴዑዋን ወርሴላ ሳሚንታ ጊደን ፖሌቲዳ ኦሳቲዋ፣ ሄዋንቲካ ኣ ካቄሳባኔ ኣ ዳንዲዋባ ኦዲያዋንታ።

ማርቆሳ ሚሺራቸዋ ወርሴላን ቂንፊያ ጊደን ዳዒያ 16:9-20 ፓይዳቲ ጌሻ ቃላ ኢቲ ኢቲ ቢሌላ ፃላላን ዳዒያዋንታ።

ሸምፓቲዋ ኡባቲዋሲ ኢሜቲዳ ቃንላ ቆፋቲዋ

- ሚሺራቸዋ ደሚዳ (1:1-13)
- ዩሱሲ ኦሱዋ ጋሊላን ደሚዳዋ (1:14-9:50)
- ዩሱሲ ዩሩሳላሜን ኦሶዋ (10:1-52)
- ዩሩሳላሜኒኔ ኢዚ ዩሹዋን ዩሱሳ ወርሴላ ሳሚንታ (11:1-15:47)
- ጎዳ ዩሱሳ ዳንዲዋ (16:1-8)
- ሃይቄዋፕ ዳንዴዳ ጎዳ ቆንጨፍላኔ ሳሉዋ ቡሳ (16:9-20)

ፃማቂያ ዮሃኒሳ ኣዋጁዋ
(ማት 3:1-12፣ ሉቅ 3:1-18፣ ዮሀ 1:19-28)

1 ያሳ ናዓ * ዩሱሲ ኪሪስቶስን ዋናው ሚሺራቸው ደረሰ።
 2 ናቢያ ኢሲያሲ ፃፊዳ ማፃፋን ያሳይ።
 «ቤዓ፤ ታ ከቲያዎ ታኒ ኔፔ ሲንገላው ዩዳና።
 ኢ ኔው ኦጊያ ከሳናዎ።
 3 ኢቲ ቢታኒ ቢታ ባዙዋን ባሬ ኮሻ ቶቁ ኦሊዳ።
 ሳዳ ኦጊያ ገቢሲቲ።
 ኢ ሃሜታና ሎሱዋካ ኦው ሱሪሲቲ፤ ጌዳዋዳን»
 ሃኔዳ።

4 ፃማቂያ የሃኒሲ ኦሳ ፃማቂዳ፤ «ያሳይ ሃንቲ ናጋራ ኦቶ ጋና ማላ። ሃንቲንቲ ናጋራ፤ ሲሚዳ ፃማቂቲቲ» ያገባ ቃላ ኦዲዳ ቢታ ባዙዋን ከሲ ዋዴዳ። 5 ዩሁዳ ጋዲያን ዳዲያ ኦሳይ ኡባይኔ ዩሩሳላሚ ካታማ ኦሳይ ኡባይ የሃኒሳኮ ዩዲና። ባሬንቲ ናጋራካ ፓዲና። የሃኒሲ ሄ ኦሳ የርዳናሳ ሻፋን ፃማቂዳ።

6 የሃኒሲ ጋሉዋ ኢሰኪያ፤ ዳዴቲዳ ማዩዋ ማዩዳ። ባሬ ያሳን ዳፋዎ ዳንጩዳ፤ ቃሲ ቦሊያኔ ዋራ ኤሳ ሜዳ። 7 የሃኒሲ ቃላ ኦዲዳ። «ታ፤ ጉዩና ዳሮ ሚኒያዌ ዩ፤ ሃራይ ኦቶ፤ ኦ ጫማካ ጌዲያ፤ ከሳ ቶካናው ታኒ ቤሲከ። 8 ታኒ ሃንቲንታ ሃላን ፃማቂያ፤ ሺን ኢ ሃንቲንታ ጌሻ ኦያናን ፃማቂናዎ» ያገባ።

ዩሱሲ ፃማቂቲዳዎኔ ፓጩቲዳዎ
 (ማት 3:13-17፤ 4:1-11፤ ሉቅ 3:21-22፤ 4:1-13)

9 ዩሱሲ ሄ ዋዴ ጋሊላ ጋዲያን ዳዲያ ናዚሬቲ ካታማ፤ ዩና። የሃኒሲ የርዳናሳ ሻፋን ኦ ፃማቂዳ። 10 ዩሱሲ ሃላ፤ ከሶሳና ሳሉ ደዩቲሺናኔ ጌሻ ኦያናይ ባሬ ቦላ ሃራዲያዳን ዋዲሺን ቤዔዳ። 11 ቃሲ ሳሉዋ፤ «ታኒ ሲቂያ ታ ናዓይ ኔና፤ ታና ኔባይ ናሽቸ» ያገባ ቃላይ ሲሴቲዳ።

12 ኤሌካ ጌሻ ኦያናይ ኦሳይ ባዩና ሚላሳ ኦ ዩዳዳ። 13 ዩሱሲ ኦሳይ ባዩናሳኒ ባሬና ሴፃናይ ፓጩሺን፤ ኦይታሙ ጋላሳ ጋሌዳ፤ ዲናናካ ዳዔዳ፤ ኪታንቻቲካ ዩዳ፤ ኦው ኦሌዲና።

ዩሱሲ ዋሊያ ኦይቂያ ኦይዱ ኦሳቲዎ ዪሴዳ
 (ማት 4:12-22፤ ሉቅ 4:14-15፤ 5:1-11)

14 የሃኒሲ ቃሽቶዋ፤ ጉዩያን፤ ዩሱሲ ያሳ ካውቲላ ዋንጋላ ሚሺራቸው ኦዲዳ። ጋሊላ ጋዲያ ቢዳ። 15 «ዋዲ ጋኬዳ፤

* 1:1 ያሳ ናዓ። ቤኒ ፃፊቲዳ ኢቲ ኢቲ ቢሌላን ሃዌ ባዎ። 1:2 ሚል 3:1
 1:6 2ካት 1:8 1:11 ዶዎ 22:2፤ ማዝ 2:7፤ ኢሳ 42:1፤ ማት 3:17፤
 12:18፤ ማር 9:7፤ ሉቅ 3:22

ፆሳ ካወቱላይካ ማታቱዳ። ሂንቱንቱ ናጋራፔ ሲሚዳ። ዋንጋላ ሚሽራቸዋ አማኒቲ» ያጌዳ።

16 ዬሱሲ ጋሊላ አባ ላንቂያና አዲዳ። ሞሊያ ኦይቂያዋንታ። ሲሞና ኦ ኢሻ ኢንዲራሳ። ባሬንቱ ዳባ አባን ዩጊያዋንታ ቤዔዳ። 17 ያቲዳ ኡንቱንታ። «ታና ካሊቲ፤ ታኒ ሂንቱንታ ሞሊያ ኦይቂያዋዳን አሳ ታኮ አሂያ ኦጊያ ታማሪሳና» ያጌዳ። 18 ሄዋፔ ጉዩያን ኡንቱንቱ ኤሌካ ባሬንቱ ዳባ አጊዳ። ዬሱሳ ካሌዲኖ።

19 ዬሱሲ ጉላ ሲንሳወኮ ቢዳ። ዛቢዲዮሳ ናና ላዑ አሻቱዋ። ያዩቆባኔ ዮሃንሳ ዋንጊሪያ ጊደን ባሬንቱ ዳባ ጊጊሲያዋንታ ቤዔዳ። 20 ኢ ቤዖሳንካ ኡንቱንታ ፆሲና። ባሬንቱ አወዋ። ዛቢዲዮሳ። አ ኦሳንቻቱዋና ዋንጊሪያ ጊደን አጊዳ። ዬሱሳ ካሊዳ ቤዲኖ።

ኢታ አያናይ ኦይቂዳ ቢታኒ ፓፆዳ
(ሉቅ 4:31-37)

21 ኡንቱንቱ ቂፊሪናሆማ ጌቲቲያ ካታማ ዪዳ ጌሌዲኖ፤ ዬሱሲ ሳሞባታ ጋላሳይ ጋኮ ዋዳ። አዪሁዳ ዋሳ ጎሌ ጌሊዳ። ታማሪሱዋ ደሚ አጌዳ። 22 ባሬው ማታይ ዴዲያ አሳዳን፤ አሳ ኢ ታማሪሲያዋፔ ኦቲን፤ ሂጊያ ታማሪሲያዋንቱዳን ታማሪሴና ዲራው። አሳይ አ ቲሚርቲያን ማላሌቲዳ።

23 ሄ ዋዳ ኢታ አያናይ ዴዲያ ኢቲ ቢታኒ አዪሁዳ ዋሳ ጎሌ ጌሎሳናካ ባሬ ኮሻ ጶቁ ኦሊዳ። 24 «ናዚሬቲያ ዬሱሳ፤ ኔኒ ኑፔ አያ ኮያይ? ኑና ጳዩሳናው ያዲ? ኔኒ ኦኔንቶ ኤራይ፤ ኔኒ ዖሳፔ ከቲቲዳ ጌሻ ጊዲኪ!» ያጌዳ።

25 ዬሱሲ ሄ ኢታ አያና፤ «ሃይዛ፤ ቢታኒያፔ ኬሳ» ያጊዳ አዛዜዳ።

26 ኢታ አያናይ ቢታኒያ ቡጨራላ፤ ዳሪ ዋሲሲዳ፤ አፔ ኬሲ አጌዳ። 27 አሳይ ኡባይ ማላሌቲዳ፤ «ሃዌ አዬ? ሃ ቢታኒ ባሬ ማታኒ ሃራይ አቶ፤ ኢታ አያናቱዋካ አዛዜዳ፤ ኡንቱንቱካ ቃሲ አው አዛዜቲኖ፤ ሃዌ አይቤ ኦራላ ቲሚርቲ?» ያጊዳ፤ ባሬ ጊደን ኢቲ ኢቲዋ ኦቸዳ።

28 ጋሊላ ጋዲያን ዴዲያ ሄራይ ኡባይ ኤሌካ ዬሱሳ ዋሪያ ሲሴዲኖ።

ዮሱሲ ዳር ሃርጋንቻቱዋ ፓሌዳ
(ማጥ 8:14-17፤ ሉቅ 4:38-41)

29 ዮሱሲ አዪሁዳ ዋሳ ጎሊያፔ ኬሶሳን፤ ያዩቆባናኔ ዮሃንሳና ኢቲፔ ሲሞና ኢንዲራሳ ሶይ ቢ አጌዳ። 30 ሲሞና ቦሎታታ ቆፀዋ ሃርጋዳ ጊሴዳዉኒባ ኢ ያ ጋኮሳናካ አው ኦዲ አጌዲኖ።

31 ኢ ኢዚኮ ሸቂዳ፣ ኢዚ ኩሺያ ኦይቂዳ፣ ኢዘ ዴንሉ ኤሴዳ፤ ቆፀ ኢዘ ኣገና፣ ኢዘ ኡንቲንቶ ኦላዲ።

32 ሃርጌዳ ኣሳ ኡባኔ ኢታ ኣያናቲ ኦይቂዳ ኣሳ ኡባ ኦማርሲ ኣዋይ ዉሌዳዋፔ ጉዩያን፣ ኣሳይ ኣኮ ኣሄዲኖ። 33 ካታማን ዴዒያ ኣሳይ ኡባይ ሄ ካሪያ ሸቂዳ። 34 ዩሱሲ ዲማ ዲማ ሃርጌያን ኦይቂቲዳ ጮራ ኣሳ ፓሊዳ፣ ጮራ ፃላሃቲዋካ ኬሴዳ። ኢ ከሪሰቶሳ ጊዲያዋ ኢታ ኣያናቲ ኤሬዳ ዲራው፣ ኡንቲንታ ሃሳዩሴናጊ ዲጌዳ።

ዩሱሲ ጋለላን ታማሪሴዳ
(ሉቕ 4:42-44)

35 ዩሱሲ ጉራ ዋንቲማላጊ ዴንዲዳ፣ ሶዩፔ ኬሲዳ፣ ኣሳይ ባይናሳ ቢዳ ያጊ ያሳ ዋሴዳ። 36 ሲሞኒኔ ኣናና ዴዒያዋንቲ ኣ ኮዩዳ ቤዲኖ። 37 ኡንቲንቲ ኣ ዴሚዳ፣ «ኣሳይ ኡባይ ኔና ኮዬ» ያጌዲኖ።

38 ሄዋፔ ጉዬ ዩሱሲ ቃሲ ኡንቲንታ፣ «ሄዋ ሄራን ዴዒያ ሃራ ካታማቲዋ ቦይቲ፤ ታጊ ሄዋን ቃላ ኦዲናው ቤሴ፤ ኣዩሲ ጎፔ፣ ታጊ ዩዳዋ ሄዋሳ» ያጌዳ። 39 ኣዩሁዳ ዋሳ ጎሌቲዋን ቃላ ኦዲዲኔ ኢታ ኣያናቲዋ ኬሲዳ፣ ጋለላ ጋዲያ ኡባ ዩዩዳ።

ዩሱሲ ኦሉ ኦይቂዳ ቢታኒያ ፓሌዳ
(ማጥ 8:1-4፤ ሉቕ 5:12-17)

40 ኦሉ ኦይቂዳ ኢቲ ቢታኒ ዩሱሳኮ ዩዳ፣ ኣ ሲንላን ጉልባቲዳ፣ «ኔኒ ኮዮፔ፣ ታና ጌሻ ፓላናው † ዳንዲያ» ያጌዳ ዋሴዳ።

41 ዩሱሲ ኣው ቃሪቲዳ፤ ባሬ ኩሺያ ዩዲ፣ ኣ ቦቲዳ፣ «ታኒ ኮያይ፤ ጌያ፤ ፓፃ!» ያጌዳ። 42 ኤሌካ ኦሉ ቢታኒያ ዩዲ ኣገና፣ ቢታኒ ጌዩ ፓዲ ኣጌዳ። 43 ዩሱሲ ዳሪ ሃንቂቲዳ፣ ኤሌካ ኣ ኬሲ ዩዳዳ። 44 ኢ ቢታኒያ፣ «ኔና ኤራ! ሃዋ ኦሲኔ ኦድፓ፤ ሺን ባዴ ኔ ቦላ ቂሳ ቤሳ፤ ቃሲ ኔኒ ሃዲ ጌሻ ጊዴዳዋ ኣሳ ኤሪሳናው፣ ሙሴ ኣዛዜዳ ያርሹዋ ያርሻ» ያጌዳ።

45 ሺን ቢታኒ ቢዳ፣ ዩዉዋ ኡባሳን ኣሳ ኡባው ኦዲዋኔ ላሌላ ደሚዳ፤ ሄዋ ዲራው፣ ዩሱሲ ቆንጨያ ኬሲዳ፣ ካታማ ጌላናው ዳንዳዩሴና፤ ሺን ኣሳይ ባዩናሳ ጋፃን ዴዒዳ፤ ቃሲ ኣሳይ ኡባሳፔ ኣኮ ዩዲኖ።

† 1:40 ታና ጌሻ ፓላ፣ ሃዋ ጉሳይ፣ ሃ ሃርጌ ቆፊቲዳዌ ላማታናው ዳንዳዩና ኤሬቲዳ ጋዴ ዋጋኔ ማሬኒ፣ ሃራ ኣሳ ቆፋን ኢቲ ኣሳይ ጌሻ ጊዩና ጋና ማላ ኦዲያዋ።

2

ዩሱሲ ቦላይ ሲሌዳ ቢታኒያ ፓሌዳ

(ማጥ 9:1-8፤ ሉቃ 5:17-26)

1 አማራዳ ጋላሳፔ ጉዩያን፡ «ዩሱሲ ቁፊሪናሆማ ጉዩ ሲሚዳ፡ ሶዪን ዳዔ» ጊያ ሃሳያይ ሲሴቲዳ። 2 ጎሊ ኣኮናን ኢዲና፡ ሃሪይ ኣቶ፡ ካሪካ ኡንዳና ጋካናሲ ጮራ ኣሳይ ሺቄዳ፤ ሄዋንቲሲ ዩሱሲ ቃላ ኦዴ። 3 ኦይዲ ኣሳቱ ቦላይ ሲሌዳ ኢቲ ቢታኒያ ቶኪዳ፡ ኣኮ ኣሄዲና። 4 ኣሳይ ጮራዳ ዲራው፡ ቢታኒያ ዩሱሳኮ ኣፋናው ኡንቲንቶ ዳንዳዬቲናን ኢዲና፡ ዩሱሲ ዳዒያ ባጋና ጎሊያ ቃሪዳ፡ ካራ ሉኩዲና፤ ሄ ሉኩዳሳና ቢታኒያ ኢ ገሴዳ ሻንቻማና ዲጌ ዋሌዲና። 5 ዩሱሲ ኡንቲንቲ አማኑዋ ቤዒዳ፡ ሄ ቦላይ ሲሌዳ ቢታኒያ፡ «ታ ናዓው፡ ኔ ናጋራይ ኣቶ ጌቲቲዳ» ያጌዳ።

6 ሂጊያ ታማሪሲያዋንቲፔ ሄዋን ኡቲዳ ኢቱ ኢቱ ባሬንቲ ዋዛና፤ 7 «ላ ሃ ቢታኒ ሃዋ ማላ ኢታባ ያሳ ቦላ ኣዪሲ ሃሳዪ? ያሳ ያላላፔ ኣቲን፡ ሃሪይ ኦኔ ናጋራ ኣቶ ጋናው ዳንዳዪያዎ?» ያጊዳ ቆፔዲና።

8 ኡንቲንቲ ባሬንቲ ዋዛናን ሄዋዳን ቆፖዋ ዩሱሲ ኤሌካ ባሬ ኣያናን ኤሪዳ፡ ኡንቲንታ «ሂንቲንቲ ሂንቲ ዋዛናን ኣዪሲ ሄዋዳን ቆፒቲ? 9 ቦላይ ሲሌዳ ቢታኒያ፡ «ኔ ናጋራይ ኣቶ ጌቲቲዳ» ጊያዎ ማቲዬ? ዎይ፡ «ዳንዳ ኤቃዳ ኔ ሻንቻማ ቶካዳ ሃሜታ» ጊያዎ ማቲ? 10 ሺን ታኒ፡ ኣሳ ናዓው፡ ሳዓ ቦላን ናጋራ ኣቶ ጋናው ማታይ ዳዒያዎ ታኒ ሂንቲንታ ኤሪሳና» ያጊዳ ሄ ቦላይ ሲሌዳ ቢታኒያ፡ 11 «ኔና ጋይ፤ ዳንዳ ኤቃ፤ ያታዳ ኔ ሻንቻማ ቶካዳ ኔ ሶይ ባ» ያጊዳ።

12 ቢታኒ ኤሌካ ዳንዲ ኤቄዳ፡ ባሬ ሻንቻማ ቶኪዳ፡ ኣሳይ ኡባይ ያሊሺን ቢና ኣሳይ ኡባይ ማላሌቲዳ፡ «ኦኒ ሃዋ ማላባ ኡባካ ቤዒ ኤርኮ» ያጊዳ ያሳ ጋላቲዲና።

ዩሱሲ ሌዊያ ያሴዳ

(ማጥ 9:9-13፤ ሉቃ 5:27-32)

13 ዩሱሲ ጉጃካ ጋሊላ ኣባ ዶና ቤዳ፤ ኣሳይ ኡባይ ኣኮ ዩዳዋንታ ታማሪሴዳ። 14 ሄዋና ኣጂዳ፡ ኢላፒዮሳ ናዓ ሌዊያ፡ ጊያዎ ቃራፃ ቃንዲያሳን ኡቲዳዋ ዳሚዳ፡ «ታና ካላ» ያጌዳ። ሄዋፔ ጉዩ ሌዊ ዳንዲ ኤቄዳ፡ ኣ ካሌዳ።

15 ዩሱሲ ቁማ ማናው ሌዊያ ሶዪን ኡቲዳ ዎዴ፡ ቃራፃ ኣኪያ ጮራ ኣሳይ ናጋራንቻቲ ኣናና ኣ ካሊያዋንቲና ኢቲፔ ኡቲዲና። ኣ ካሊያዋንቲ ጊዲን ሄዋንቲ ማላ ኣሳቲ ዳሬዲና። 16 ሂጊያ ታማሪሲያ ኢቲ ኢቲ ፓሪሳዋቲ ዩሱሲ ናጋራንቻቲዋና ኔ ቃራፃ

አኪያዋንቱና ቁማ ሚሺን ቤዲዳ፡ «ኢ አዩሲ ናጋራንቻቱዋናኔ ቃራፃ አኪያዋንቱና ቁማ ሚ?» ያጊዳ፡ አ ካሊያዋንታ ኦቼዲኖ።

17 ዩሱሲ ኡንቱንቱ ጊያዋ ሲሲዳ፡ «ሃርጋንቻቱዋ፤ አቲን፡ ፓፃ አሳው አኪሚ ኮሼና፤ ታኒ ናጋራንቻቱዋ ያሳናው ዩዳዋ፤ አቲን፡ ያላቱዋ ያሳናው ያቤይኬ» ያጊዳ ኡንቱንቶ ዛሬዳ።

ፆማባ ኤራናው ሺቄዳ ኦሻ
(ማት 9:14-17፤ ሉቅ 5:33-39)

18 ፆማቄያ ዮሃንሳ ካሊያዋንቱኔ ፓሪሳዋቱ ፆሚኖ፤ አማሬዳ አሳቱ ዩሱሳኮ ዩዳ፡ «ዮሃንሳ ካሊያዋንቱኔ ፓሪሳዋቱዋ ካሊያዋንቱ ፆሚኖ፤ ሺን ኔና ካሊያዋንቱ አዩሲ ፆሚኪኖ?» ያጊዳኖ።

19 ዩሱሲ ኡንቱንታ «ቡላቻ ዩዳ አሳቱ ማቻቶ አኪያዌ ባሬንቱና ዳዒሺን፡ ፆማናው ዳንዳዩኖ? ማቻቶ አኪያዌ ኡንቱንቱና ዳዒሺን፡ ፆማናው ዳንዳይኪኖ። 20 ሺን ማቻቶ አኪያዋ ኡንቱንቱ ማታፔ አፋና ዋዲ ያናዋ፤ ኡንቱንቱ ሄ ዋዳ ፆማናዋንታ።

21 «ኤጫ ማዩዋ ቦላ ኦራላ ዴፊያ ዋሊ ሲኪያ አሳይ ባዋ፤ ኤጫ ዋሊ ሲኮፔ፡ ኦራላ ዴፊ ኤጫ ማዩዋ ፔዴሬጼ፤ ፔዴላይካ ኮይሮዋፔ ራራና። 22 ቃሲ ሆዎ ዋዩኒያ ኤሳ ኤጫ ኦጎሩዋን ናዒያ አሳይ ባዋ፤ ሺን ናዎፔ፡ ሄ ዋዩኒያ ኤሳይ ኦጎሩዋ ዳኬ፤ ባሬዉካ ዋፊቱ፤ ኦጎሩካ ባዩ፤ ሺን ሆዎ ዋዩኒያ ኤሳ ኦራላ ኦጎሩዋን ናዒቴ» ያጊዳ።

ሳምባታባ ኤራናው ሺቄዳ ኦሻ
(ማት 12:1-8፤ ሉቅ 6:1-5)

23 ዩሱሲ ኢቲ ሳምባታ ጋላሲ ቲሻ ባንጋ ጊዶና አዲሺን፡ አ ካሊያዋንቱና አናና ቢዳ፡ ባንጋ ቲሻፔ ዲሳ ዶሜዲኖ።

24 ፓሪሳዋቱ ዩሱሳ፡ «ቤዳ፤ ኔና ካሊያዋንቱ ሳምባታ ጋላሲ ሂጌ ጊዳናባ አዩሲ ኦሊኖ?» ያጊዳኖ።

25 ዩሱሲ ኡንቱንታ፡ «ዳዊቱ ኮሻቲዳ፡ ሚያባ ኮዬዳ ዋዳ፡ ባሬናና ዳዒያዋንቱና ኦሌዳዋ ኡባካ ናባቢቤይኪቱ?»

26 አቢያታሪ ቄሳቶ ኡባቶ ካፖ ጊዳዳ ዋዳ፡ ዳዊቱ ያሳ ጎሊያ ጌሊዳ፡ ቄሳቱዋ ያላላይ ማናፔ አቲን፡ ኦኒኔ ማናው ሂጌ ጊዳናዋ ጎዳ ሲንላን ዋሌዳ ቁማ ሚዳ፡ ባሬናና ዳዒያዋንቶካ ኢሜዳ» ያጊዳ።

27 ቃሲካ ዩሱሲ ኡንቱንታ፡ «ሳምባታይ አሳው ማደጃቲዳዋፔ አቲን፡ አሳይ ሳምባታው ማደጃቲቤና። 28 ሄዋ ዲራው፡ ታኒ፡ አሳ ናዓይ፡ ሃራይ አቶ፡ ሳምባታውካ ጎዳ» ያጌዳ።

3

ኩሺ ሲሌዳ ቢታኒያ
(ማት 12:9-14፤ ሉቅ 6:6-11)

1 ዩሱሲ አዩሁዳ ዋሳ ጎሊያ ሺሬቲካ ጌሌዳ፤ ሄዋን ኩሺ ሲሌዳ አቲ ቢታኒ ዳዔ። 2 አቲ አቲ አሳይ ዩሱሳ ሞታናው ኮዪዳ፡ ኩሺ ሲሌዳ ቢታኒያ ሳምባታን ኢ ፓሶፔ ቤዓናው ናጌ። 3 ዩሱሲ ሄ ኩሺ ሲሌዳ ቢታኒያ፡ «ዳንዳ ኤቃዳ ሲንሳው ሃ ያ» ያጌዳ። 4 ሄዋፔ ጉዪያን አሳ፡ «ሳምባታን ሎዎባ አሊያዌ ዋጌዬ ኢታባ አሊያዌ ዋጌ? አሳ ሽምቸዋ አሺያዌ ዋጌዬ ዋዲያዌ ዋጌ?» ያጌዳ ኦቼዳ።

ሺን አሳይ ጮው ጌዳ። 5 ዩሱሲ ሃንቄቲዳ፡ ኡንቱንታ ዩሺ አሊ ያሊዳ፡ ኡንቱንቱ ኦዲና ሲሴናዋንታ ጌዲያ ዲራው፡ ኡንቱንቶ ዳሪ ካዮቲዳ፤ ሄ ቢታኒያ፡ «ኔ ኩሺያ ፒዲ አላ» ያጌዳ፤ ቢታኒ ፒዲ አሊና፡ አ ኩሺ ፓዲ አጌዳ። 6 ፓሪሳዋቱ አዩሁዳ ዋሳ ጎሊያፔ ካሬ ኬሲዳ፡ ዩሱሳ ዋቲ ዋዳኔንቶ ሄሮዲሳና ዳዒያዋንቱና ማቄቲዲና።

አሳይ አባ ላንቄያን ዩሱሳኮ ሺቄዲኖ

7 ዩሱሲ ባሬና ካሊያዋንቱና ጋለላ አባ ቤዳ፤ ጋለላፔ ጮራ አሳይ አ ካሌዳ። 8 ቃሲካ ጮራ አሳይ ዩሁዳፔ፡ ዩሩሳላማፔ፡ ኤዶሚያሳፔ፡ ዮርዳኖሳ ሻፋፔ ሄፊንሳ ባጋፔ፡ ዲሮሳ ካታማፔኔ ሲዶና ካታማፔ ዩሱሲ አሌዳዋ ሲሲዳ፡ አኮ ዩዳ። 9 ዩሱሲ ጮራ አሳይ ባሬና ሱጊ ኡንዔሌና ማላ፡ ባሬና ካሊያዋንታ ዋንጊሪያ ባሬው ጋሚዔላና ማላ አዛዜዳ። 10 ዳር አሳ ኢ ፓሌዳ ዲራው፡ ሃርጊያ አሳይ ኡባይ አ ቦቻናው ሱጌሬቲ። 11 ኢታ አያናይ ዳዒያ አሳቲካ አ ቤዔዳ ዋዳ ኡባን አ ሲንሳን ጉፋኒዳ፡ ባሬንቱ ቃላ ቋቁ አሊዳ፡ «ኔን ያሳ ናዓ ጌዲኪ!» ያጌዲኖ።

12 ዩሱሲ ሄ ኢታ አያናቱ ባሬባ አሳው ኦዲዳ፡ ባሬና ቆንጩያ ኬሴና ማላ፡ ኡንቱንታ ሚኒሲዳ አዛዜዳ።

ዩሱሲ ባሬ ከቲያዋንታ ዶሬዳ
(ማት 10:1-4፤ ሉቅ 6:12-16)

13 ዩሱሲ ዳሪያ ቦላ ኬሲዳ፡ ባሬ ኮዪዳ አሳቲዋ ባሬኮ ያሴዳ፤ ሄዋፔ ጉዬ አኮ ቤዲኖ። 14-15 ኡንቱንቱ ባሬናና ዳዓና ማላኔ ቃላ

ኦዳናው ኤንቴንታ ኪታና ማላ፣ ኢታ ኣያናቱዋ ኣሳፔ ኬሳናው ኤንቴንቶ ማታይ ዳዓና ማላ፣ ታማኔ ላዑ ኣሳቱዋ ደሬዳ።

16 ኢ ደሬዳ ታማኔ ላዓቱ ሃዋንታ፡ ጳጳሮሳ ያጊዳ ሱንጹዳ ሲሞና፣ 17 ቦዓኔርጌሳ ያጊዳ ሱንጹዳ ዘቢዲዮሳ ናና ያዩቆባኔ ያዩቆባ ኢሻ ዮሃኒሳ። «ቦዓኔርጌሳ» ጊያዌ «ዋልቃማ ኣሳቱዋ» ጊያዋ። 18 ኢንዲራሳኔ ፒሊጶሳ፣ ባርታላሞሳኔ ማቶሳ፣ ቶማሳኔ ኢልፒዮሳ ናዓ ያዩቆባ፣ ታዶሳኔ ባሬ ቢታው ሴሌቲያ ሲሞና፣ 19 ዩሱሳ ኣሉ ኢሜዳ ዩሁዳ ኣሰቆርታ።

ዩሱሳኔ ቢዔል-ዘቡላ
(ማት 12:22-32፤ ሉቅ 11:14-23፤ 12:10)

20 ዩሱሲ ሶይ ቤዳ፤ ላዒንሱዋካ ቃሲ ጮራ ኣሳይ ሺቂና፣ ኢኔ ኣ ካሊያዎንቱና ሃራይ ኣቶ፣ ቁማ ማናውካ ዳንዳይቤይኪና፤ 21 ኣሳይ ኣ፣ «ኅዌ» ጊያ ዲራው፣ ኣ ዳባቱ ሄዋ ሲሲዳ፣ ኣ ኣካናው ቤዲና።

22 ሂጊያ ታማሪሲያ ኢቲ ኢቲ ኣሳቱ ዩሩሳላሚፔ ዩዳ፣ «ዩሱሳ ቦላ ቢዔል-ዘቡላ ዳዔ» ያጌዲና፤ ቃሲ፣ «ፃላሃቱዋ ካፑ ባሬው ዋልቃ ኢሚና፣ ኢታ ኣያናቱዋ ኬሴ» ያጊዳ ሃሴዩዲና።

23 ዩሱሲ ኣሳ ባሬኮ ፃሲዳ፣ ለሚሱዋ ኦዲዳ፣ «ሴፃናይ ሴፃና ዋቲ ኬሳናው ዳንዳዩ? 24 ኢቲ ካወቱላይ ባሬ ጊዶን ሻኬቶፔ፣ ሄ ካወቱላይ ኤቃናው ዳንዳዩና፤ 25 ቃሲ ኢቲ ኅሌ ኣሳይካ ባሬ ጊዶን ሻኬቶፔ፣ ሄ ኅሌ ኣሳይካ ኤቃናው ዳንዳዩና። 26 ሴፃናይ ባሬናና ዋላቄቲዳ ሻኬቶፔ፣ ባያናፔ ኣቲን፣ ዳዓና ዳንዳዩና።

27 «ሺን ዋልቃማ ኣሳ ኅሌ ጌሊዳ ካሴቲዳ ኣ ቃቼናን ዳዒዳ፣ ኣ ሚሻ ቦንቃናው ዳንዳዩያ ኣሳይ ባዋ፤ ቃቼዳዋፔ ጉዩያን፣ ኣ ኅሊያ ቦንቃናው ዳንዳዩ።

28 «ታኒ ሂንቴንቶ ቱሙዋ ጋይ፤ ያሳይ ኣሳ ናናው ናጋራ ኡባኔ ኤንቴንቱ ቦሪያ ቦሪያ * ኡባ ኣቶ ጋና፤ 29 ሺን ጌሻ ኣያና ቦላ ኢታ ቦሪያ ሃሳዩያ ኦሲኔ ማዲናው ናጋራ ጊዳናፔ ኣቲን፣ ያሳይ ኡባካ ኣቶ ጌና» ያጌዳ። 30 ዩሱሲ ሄዋ ጌዳዌ፣ ኢቲ ኢቲ ኣሳቱ፣ «ዩሱሳ ቦላ ኢታ ኣያናይ ዳዔ» ያጌዳ ዲራሳ።

ዩሱሳ ዳዮኔ ኢሻቱዋ
(ማት 12:46-50፤ ሉቅ 8:19-21)

31 ዩሱሳ ዳያኔ ኣ ኢሻቱ ዩዳ፣ ካሬን ኤቂ ኣኮ ኣሳ ኪቲዳ፣ ኣ ፃሲሴዲና። 32 ጮራ ኣሳይ ኣ ማታን ኡቲዲና፤ ሄ ኪቲቲዳዌ ኣ፣

3:19 14:10 3:22 ማት 9:34፤ 10:25 * 3:28 ቦሪያ ቦሪያ፣ ጉሳይ ያሳ ቦላን ኣሳይ ሃሳዩያ ኢታ፣ ባላኔ ጌላ ሃሳያ። 3:29 ሉቅ 12:10

«በዓ፤ ኔ ዳያኔ ኔ አሻቱ ካሬን ኤቁዴ፣ ኔናና ጋኩታናው ኮዩኖ» ያጌዳ።

33 ዩሱሲ ዛሬዴ፣ «ታ ዳያ ኦኔ? ቃሲ ታ አሻቱ ኦኔ?» ያጌዳ።
34 ባሬ ማታን ኡቲዳ አሳ ዩሺ አሊ ያሊዴ፣ «በዒቲ፤ ታ ዳያኔ ታ አሻቱ ሃዋንቱሺ። 35 ያሳይ ኮዩያዋ ኦሊያ ኡባይ ታ አሻ፣ ታ ሚቻቶኔ ታ ዳዮ» ያጌዳ።

4

ዜሬላ ዜሬያዋ ለሚሱዋ (ማት 13:1-9፤ ሉቅ 8:4-8)

1 ዩሱሲ ሺሬቲካ ጋሊላ አባ ማታን ታማሪሱዋ ደሜዳ፤ ጮራ አሳይ ባሬ ሚዩያን ዩዩ አጲዴ ሸቂ ኡቲና፣ አባን ዴዒያ ዋንጊሪያ ጊዶ ጌሊዴ፣ አኒ ኡቲዳኖ፤ ቃሲ ሄ አሳይ ኡባይ አባ ሚዩያን ዴዒ። 2 ኢ ኡንቱንታ ዳርባ ለሚሱዋን ታማሪሲዴ፣

3 «ሲሲቲ፤ ኢቲ ቢታኒ ዜሬላ ዜሬናው ኬሴዴ። 4 ኢ ዜሬሺን፣ ኢቲ ኢቲ ዜሬላይ ኦጊያ ዶናን ዋጲዳ፤ ሄዋ ካፉ ዩዴ ሜዳ። 5 ኢቲ ኢቲ ዜሬላይ አንጮ ቢታ ቦላ ዋጲዳ፤ ዳር ቢታይ ባይና ዲራው፣ ሄ ዜሬላይ ኤሌካ ሞኬዳ። 6 አዋይ ኬሴዳ ዋዴ ሹሌዳ፤ አዲሳ ዓጲዋ ዩዲቤና ዲራው፣ ሜሊ አጌዳ። 7 ኢቲ ኢቲ ዜሬላይ አጉንላ ጊዶን ዋጲዳ፤ ሄዋን ሞኬዳዋ አጉንላይ ዲጨዴ ጨለና፣ አይፊናን አቲዳ። 8 ኢቲ ኢቲ ዜሬላይ ቱዔ ቢታን ዜሬቲዴ ሞኬዳ፤ ዲጨዴ ኢቲ ሃታሙዋ፣ ኢቲ ኡሱቱን ታሙዋ አይፊና፣ ኢቲ ያቲዋ አይፊዳ።» 9 ቃይካ ዩሱሲ፣ «ሲሳናው ሃይላይ ዴዒያ ኡራይ ሲሶ» ያጌዳ።

ዩሱሲ ለሚሱዋን ኦዴዳ ጋሱዋ (ማት 13:10-17፤ ሉቅ 8:9-10)

10 ታማኔ ላዑ ዩሱሳ ካሊያዋንቱኔ ኢ ኦዴዳዋ ሲሴዳ ሃራ አሳቱ ኢ ባሬካ ዴዒሺን አኮ ሸቂዴ፣ ሄ ለሚሱዋ ቢሌላ ኦ ኦቹዲና። 11-12 ዩሱሲ ኡንቱንቱሲ፣ «ሂንቱንቶ ያሳ ካዉቲላ ፀራ ዩዉዋ ኤራይ ኢሜቲዳ፤ ሺን ሃራቱ ካዉቲላ፤ ካሬና ዴዒያዋንቱ፣ ያላ ያሊዴ በዔና ማላ፣ ቃሲ ሲሳ ሲሲዲካ አኬኬና ማላ፣ ኡንቱንቱ ሺሬቲዴ ያሳኮ ሲሚና፣ ኢ ኡንቱንቱ ናጋራ አቶ ጌና ማላ፣ ኡንቱንቶ ኡባባይ ለሚሱዋን ኦዴቲ» ያጌዳ።

ዜሪያዎ ለሚሱዋ ቢሌላ
(ማጥ 13:18-23፤ ሉቅ 8:11-15)

13 ዬሱሲ ከንቱንታ፡ «ሃ ለሚሱዋ ከሪኪቱ? ያጥና፡ ለሚሱዋ ኡባ ዋቲ ኤራኒቱ? 14 ዜሪያዌ ያሳ ቃላ ዜራ። 15 ቃላይ ዜሪቲያ ኪያ ደናን ደዒያዋንቱ ሃዋንታ፤ ከንቱንቱ ቃላ ሲሲያ ዎዴ፡ ስፃናይ ኤሌካ ዪዴ፡ ከንቱንቱ ዎዘናን ዜሪቲዳ ቃላ ኣፊዲጌዳ። 16 ሃዋዳንካ ቃሲ ኣንጮቲያ ቢታን ዜሪቲዳዋንቱ ሃዋንታ፤ ከንቱንቱ ቃላ ሲሲዴ፡ ኤሌካ ናሼቻን ኣኪኖ። 17 ከንቱንቱ ሃረው ደዒኖፕ ኣቲን፡ ከንቱንቶ ሚኖ ፃጹ ባዋ፤ ጉዬፕ ቃላ ጋሱዋን ዎዪ ዎይ ዬዳርሱ ዪያ ዎዴ፡ ከንቱንቱ ኤሌካ ቆቤቲ ኣገኖ። 18 ቃሲ ኣጉንላ ገደን ዜሪቲዳዋንቱ ሃዋንታ፤ ከንቱንቱ ቃላ ሲሲያዋንታ። 19 ሺን ሃ ሳዓ ዴዎ ሃርጊያዌ ዳራቴላ ደሲያዌኔ ሃራባ ኣሞቲያዌ ከንቱንቱ ዎዘናን ጌሊዴ፡ ቃላ ጩሊና ኣይፊናን ኣቲ ኣጌዳ። 20 ሺን ቱዔ ቢታን ዜሪቲዳዋንቱ ቃላ ሲሲዴ ኣኪያዋንታ፤ ኣቲ ሃታሙዋ፡ ኣቲ ኡሱፕን ታሙዋ ኣይፊና፡ ኣቲ ፃቱዋ ኣይፊዳ» ያጌዳ።

ያምፒያ ለሚሱዋ
(ሉቅ 8:16-18)

21 ዬሱሲ ጉጂዴ፡ «ያምፒያ ኣሂዴ፡ ገላፕ ዎይ ኣርሳፕ ጋርሳና ዎሊያ ኣሳይ ደዒ? ቶቃሳን ዎሌኔ? 22 ኣዪሲ ጎፔ፡ ቆሴዳባይ ኡባይ ቆንጩያ ከሳናዎ፤ ቃሲ ጌማን ዎሌዳባይ ኡባይ ቤቲናን ኣቲና። 23 ሲሳናው ሃይላይ ደዒያ ኡራይ ዴዎፕ ሲሶ» ያጌዳ። 24 ቃሲካ ከንቱንታ፡ «ሂንቱንቱ ሲሲያዎ ኣከኪዴ ሲሲቲ፤ ያሳይ ሂንቱ ማኬዳ ቁንዓን ሂንቱንቶ ማካናዎ። ኢ ሂንቱንቶ ዳሪሲዴ ኣማና፤ 25 ደዒያ ኡራው ጉጂ ኣማና፤ ባይናዎፕ ሃራይ ኣቶ፡ ኣው ደዒያ ሄ ጉላቶካ ኣኪዲጋና» ያጌዳ።

ዲጩያ ዜሪላ ለሚሱዋ

26 ዬሱሲ ቃሲካ፡ «ያሳ ካዉቲላይ ጋዴን ካላ ዜሪያ ኣሳ ማላ። 27 ሄ ቢታኒ ቃማ ጌሚሲሼ፤ ጉራ ዴንዴ፤ ኢ ባሪ ሁጹው ዋኒንቶ ኤሪናን፡ ሄ ዜሪላይ ዎኮኔ ዲጩ። 28 ቢታይ ካላ ባሪካ ዎኮኔ ኣይፊ፤ ኮይር ጫርሻይ ጫሬ፤ ጉዬፕ ኣይፋናው ኩኩሚ፤ ቃሲ ወርሴላን ኩሚንላ ኣይፊያ ኣይፊ። 29 ሺን ካላይ ጋኪያ ዎዴ፡ ካላ ሺሺያ ዎዲ ጋኬዳ ዲራው፡ ቢታኒ ኤሌካ ባጫን ጫኩዋ ጌሊ ኣጌዳ» ያጌዳ።

ሳናፊጪያ ዜሬላ ለሚሱዋ

(ማት 13:31-34፤ ሉቅ 13:18-19)

30 ዩሱሲ፡ «ኑኒ የሳ ካዉቱላ ኣያ ማላቲ ንኔ? ዋይ ኣያና ለሚሳኔ? 31 የሳ ካዉቱላይ ሳናፊጪያ ኣይፋቶ ማላቲ። ሄ ኣይፋታ ዜሪያ ዋዴ፡ ሳናን ዴዒያ ሚላ ኣይፊያ ኡባፔካ ጉፃው፤ 32 ሄኖ ዜሪና ሞካዴ ሃራ ኣታኪልቲያ ኡባፔ ዳራው፤ ዳሮ ዳሻ ዳሻው። ካፉ ኢዚ ቃንካ ኩዋን ጎሊያ ኬፃና ዳንዳዬ» ያጌዳ።

33 ዩሱሲ ሃዋ ማላ ዳሮ ለሚሱዋን ኣሳይ ሲሳናው ዳንዳዩያዋ ከና፡ ባሬ ቃላ ኦዴዳ። 34 ኣሳው ለሚሱ ባይናን ኦዴና፤ ሺን ዩሱሲ ባሬና ካሊያዋንቱ ፃላላና ዴዒያ ዋዴ፡ ኡንቱንቶ ኡባባ ቢሊዴ ኦዴ።

ዩሱሲ ቤታ ጮው ኦሴዳ

(ማት 8:23-27፤ ሉቅ 8:22-25)

35 ሄ ገላሲ ሳዓይ ኦማርሲና፡ ዩሱሲ ባሬና ካሊያዋንታ «ኣባፔ ሄፊንላ ፒኖይቲ» ያጌዳ። 36 ኣ ካሊያዋንቱ ኣሳ ኣጊዴ፡ ዩሱሲ ካሴ ጌሊ ኡቲዳ ዋንጊሪያን ጌሊዴ፡ ዩሱሳ ባሬንቲና ኣፌዲኖ፤ ሃራ ዋንጊራቲካ ሄዋን ዴዒኖ። 37 ዋልቃማ ጎቱ ዴንዲና፡ ቤታይ ዋንጊሪያ ሾጪና፡ ሃላይ ኩማና ጋካናው ዋንጊሪያ ጊዶ ጌሌዳ። 38 ሄ ዋዴ ዩሱሲ ዋንጊሪያን ጉዬ ባጋና ቦርኮላ ቦርኮቲዴ ጌሚዒሼዳ። ዩሱሳ ካሊያዋንቱ ኣ ዴንሲዳ፡ «ታማሪሲያዎ፡ ኑኒ ጳዩያ ዋዴ ጮው ጋዴ ፃላይ?» ያጌዲኖ።

39 ኢ ቤጎቲዴ ጎቱዋ፡ «ጮው ጋ» ጊዴ፡ ኣባካ፡ «ዋፑ ጋ» ጌዳ፤ ጎቱካ ጮው ጊና፡ ኡባባይካ ዋፑ ጌዳ። 40 ዩሱሲ ባሬና ካሊያዋንታ «ኣዩሲ ሃዋዳን ያዩቲ? ሂንቲንቱ ዋኒ ኣማኒኪቲ?» ያጌዳ።

41 ኡንቲንቱ ዳሮ ያዩዴ ባሬንቱ ጊዶን፡ «ሃዌ ላ ሃራይ ኣቶ፡ ጎቱኔ ኣባይ ኣዛዜቲያዌ ኦኔ?» ያጌዲኖ።

5

ዩሱሲ ኢታ ኣያናይ ኦይቄዳ ቢታኒያ ፓሌዳ

(ማት 8:28-34፤ ሉቅ 8:26-39)

1 ዩሱሲኔ ኣ ካሊያዋንቱ ኣባፔ ሄፊንላው ፒኒዴ፡ ጌርጌሴኖና ጌቲቲያ ጋዲያ ጋኬዲኖ። 2 ኣሳ ሞጊያ ዲፉ ዴዒያሳፔ ኢታ ኣያናይ ዴዒያ ኢቲ ቢታኒ ኬሲዴ፡ ዩሱሲ ዋንጊሪያፔ ኬሴዳ ዋዴ፡ ዩሱሳና ጋኬቲዳ። 3 ቢታኒ ሄ ዲፉ ዴዒያሳን ኣቂ ፔሺዴ፡ ያኒ ዴዒ፤ ኣ ኦኒኒ ሃራይ ኣቶ፡ ሳንላላታን ቃቻናዉካ ዳንዳይቤና።

4 አዲስ ጎፎ፣ ኢ ዳር ዎዴ ኡቁናኒኔ ሳንላላታን ቃሹቲዴ ዴዔ፤ ሺን ሳንላላታ ዱሴሪሌዳ፤ ኡቁናኒኒ ማንሌሪሌዳ፤ አ ያናናው ዳንዳዬዳዌ ኦኒኔ ባዎ። 5 ኢ ኡባ ዎዴ ጋላሲኔ ቃማ፣ ሄ ዱፋ ዴዒያሳኒኔ ዴሪያ ቦላ ዋሴ፤ ባሪ ቦላካ ሹቻን ጋሪ።

6 ዬሱሳ ሃኩዋን ቤዔዳ ዎዴ፣ አኮ ዎዲ ዪዴ አው ጎዪኔዳ።

7 ሄ ቢታኒ ባሪ ኮሻ ጶቁ አሏዴ፣ «ኡባፔ ቦላ ያሳ ናባው፣ ዬሱሳ፣ ኔናኔ ታና አዬ ጋሏ? ታና ሙሪና ማላ፣ ታኒ ኔና ያሳ ሱንላን ዎሳይ» ያጌዳ። 8 ኢ ሄዎ አዲሲ ጌዴ ጎፎ፣ ዬሱሲ አ፣ «ላ ሃ ኢታ አያናው፣ ሃ ቢታኒያፔ ኬሳ» ያጌዳዋሳ።

9 ዬሱሲ አ፣ «ኔ ሱንላይ ኦኔ?» ያጌዴ ኦቹዳ።

ኢ፣ «ኦኔ ጮራ ጊዲያ ዲራው፣ ታ ሱንላይ ለጊዮና» ያጌዳ።

10 ኢታ አያናቱዎ ሄ ጋዲያፔ ኬሲ ዬዴና ማላ፣ ዬሱሳ ማኒሲዴ ዎሴዳ።

11 ሄ ዴሪያ ቦላን ጮራ ጉዲንላ ዉዲ ሄማቴ፤ 12 ኢታ አያናቱ ዬሱሳ፣ «ኦና ሂኒ ጉዲንላ ዉዲያኮ ዬዳርኪ፤ ኡንቱንቱን ቢዴ ጌላና» ያጌዴ ዎሲና፣ 13 ዬሱሲ፣ «ቢቲ» ያጌዳ። ኢታ አያናቱ ቢታኒያፔ ኬሲዴ፣ ጉዲንላቱዋን ጌሌዲኖ፤ ላዐ ሻዓ ጊዲያ ጉዲንላ ዉዲ ካካ ሁጲያና ካጆቲዴ፣ አባን ጌሊዴ፣ ማቲቲ አጌዳ።

14 ጉዲንላ ዉዲያ ሄማጎዎንቱ ባቃቲዴ፣ ሃኔዳዎ ካታማኒኔ ካታማፔ ጋፃ ጋዲያን ኦዴዲኖ፤ ሄዎ ቤዓናው አሳይ ዬዳ።

15 አሳይ ዬሱሳኮ ዪዴ፣ ጮራ ኢታ አያናቱ ቤኒ ኦይቄዳ ቢታኒ ባሪ ዎዛናይ ሰሚና፣ ማዩዎ ማዪዴ፣ ሄዋን ኡቲዳዎ ቤዒዴ፣ ኡባይ ያዬዳ። 16 ሄዎ ቤዔዳ አሳቱ ኢታ አያናቱ ኦይቄዳ ቢታኒ ሃኔዳዎኔ ቃሲ ጉዲንላ ዉዲያባ ሄ አሳሲ ኦዴዲኖ። 17 ሄዎ ዲራው፣ አሳይ ባሪንቱ ጋዲያፔ ዬሱሲ ባና ማላ፣ ዎሳ ደማዳ።

18 ዬሱሲ ዎንጊሪያን ጌሊሺን፣ ኢታ አያናቱ ኦይቄዳ ቢታኒ ዬሱሳና ዴዓና ማላ፣ ዬሱሳ ዎሴዳ። 19 ሺን ዬሱሲ ኢዳዴ አ፣ «ኔ ሶይ ሲማዴ፣ ጎዳይ ኔው አይ ማላ ዎልቃማባ ኦሌዴንቶኔ ቃሲ ኢ ኔው አይ ማላ ኬኬንቶ ኔ ሶይ አሳው ኦዳ» ያጌዳ። 20 ቢታኒ ቢዴ፣ ታሙ ካታማ * ጊያሳን ዩዪዴ፣ ዬሱሲ ባሪው አይ ማላ ዎልቃማባ ኦሌዴንቶ፣ ኦዲዎ ደማዳ፤ ኢ ኦዲዳዎ ሲሴዳ አሳይ ኡባይ ማላሌቲዳ።

* 5:20 ታሙ ካታማ፡ ሃዋንቱ ኢቲ ጨታ ጊዴዳ ካታማቱ ሳማሪያፔኔ ጋለላ ጋዲያ አዎይ ደሊያ ባገና ዴዒያዎንታ ጊዲዴ፣ ሄዋንቱን ዴዒያ አሳቱዎ ኡሻይካ ግሪኬ አሳቱዎ ዴዐዎ ኦጊያ ካሊያዎ ቤሴ።

ያዲሮሳ ናቶኔ ዩሱሳ ማዩዋ ቦቹዳ ሚሺራቶ
(ማጥ 9:18-26፤ ሉቃ 8:40-56)

21 ዩሱሱ ሲሚዳ፡ ዋንጊሪያን ጌሊዳ፡ አባ ፒኔዳዋፔ ጉዩያን፡ ጮራ አሳይ አባ ማታን አኮ ዩዩ አጲዳ ሺቄዲኖ። 22 ያዲሮሳ ጊያዌ፡ አዩሁዳ ዋሳ ጎሊያ ካፓቱዋፔ ኢቱ፡ ዩሱሳ ቤዔዳ ዋዴ አኮ ዩ አ ጌዲያን ኩንዲዳ። 23 «ታ ናታ ሃርጋዴ ሃይቃና ሃናው፤ ኢዛ ፓፃዴ ሎፆ ዴዓና ማላ፡ ያዴ ኔ ኩሺያ ኢዚ ቦላ ዋላሪኪ» ያጊዴ ዩሱሳ ሚኒሲዴ ዋሴዳ።

24 ዩሱሱ ያዲሮሳና ቤዳ፤ ኢ ቢሺን ጮራ አሳይ አ ካሊዴ ማቶሌዲኖ።

25 ታማኔ ላዑ ላይላ ኡባ ኢዚ ቦላፔ ሱላይ ጎጊያ አቲ ሚሺራታ ዴዓው። 26 ጮራ አከማቱ ኢዞ አከሚሺንካ፡ ኢዛ ፓፃ ካዔታዲ፤ ባሬ ሚሻ ኡባ ወርሲናካ ኢዚው ሃ አቲዳዋፔ አቲን፡ አይኔ ኢዞ ማዲቤና። 27 ሄ ሚሺራታ ዩሱሳ ሲሳዳ፡ አሳ ጊዶና ዩሱሳፔ ጉዬና ያዴ፡ አ ማዩዋ ቦቻዲ። 28 አዩሲ ጎፔ ኢዛ፡ «ታኒ ሃራይ አቶ፡ አ ማዩዋ ቦቻፔካ ፓፃና» ያጋዴ ቆፓዲ።

29 ኢፔ ጎጊያ ሱላይ ኤሌካ ኤቁ አጌዳ፤ ኢዛ ባሬ ዋዩያፔ ፓፃዳዋ ባሬ ቦላን ኤራ አጋዲ። 30 ዩሱሱ ባሬፔ ዋልቃይ ኬሴዳዋ ባሬ ሁጳው ኤሪዳ፡ ኤሌካ ጮራ አሳ ጊዶን ጉዬ ሲሚዳ፡ «ታ ማዩዋ ቦቹዳዋ ኦኔ?» ያጌዳ።

31 ዩሱሳ ካሊያዋንቱ አ፡ «አሳይ ኔና ሱጊያ ዋዴ ቤዓዳ፡ ሳታና ኦኔ ቦቹዳዋ?» ያጋይ?» ጌዲኖ።

32 ዩሱሱ ሄዋ ኦኔ ኦሌዳንቶኔ ቤዓናው ዩሺ አሊዴ ፃሌዳ፤

33 ሺን ሚሺራታ ባሬው ሃኔዳዋ ኤራዳ፡ ያሻ ኮኮራዴ ያዴ ዩሱሳ ሲንሳን ጉፋናዲ፤ ቃሲ ቱማቲሳን ሃኔዳዋ ኡባ አው ኦዳዲ።

34 ዩሱሱ ኢዞ፡ «ታ ናቱ፡ ኔና ኔ አማኑ ፓሌዳ፤ ሳሩዋን ባ፤ ኔ ዋዩያፔኔ ፓፃ» ያጌዳ።

35 ዩሱሱ ቢር ሄዋ ጊሺን፡ አዩሁዳ ዋሳ ጎሊያ ካፑዋ ሶዩፔ ከቲቱዳ አሳቱ ዩዳ፡ «ኔ ናታ ሃይቃዲጋዲ፤ ሲሚ ታማርሲያዋ አዩሲ ዳቡርሳይ?» ያጌዲኖ።

36 ሺን ዩሱሱ ኡንቱንቱ ጊያዋ ሲሲዳ፡ አዩሁዳ ዋሳ ጎሊያ ካፑዋ፡ «አማኖ ፃላላ አማናፔ አቲን፡ ያኖፓ» ያጌዳ። 37 ዩሱሱ ጳደርሳፔ፡ ያዩቆባፔኔ ያዩቆባ ኢሻ ዮሃንሳፔ ሃራይ ኦኒኔ ባሬና ካሊና ማላ ዲጌዳ። 38 ኡንቱንቱ አዩሁዳ ዋሳ ጎሊያ ካፑዋ ሶይ ጋኬዳ ዋዴ፡ ዩሱሱ አሳይ ሎይሉ ዩኪያዋኔ ዚላሊያዋ ቤዔዳ።

39 ጌሊዴ አሳ፡ «አዩሲ ሎይሉ ዩኪቱ? ናታ ጌሚሳሻዲፔ አቲን፡ ሃይቃቤይኩ» ያጌዳ።

40 ህዋፔ ጉዬ አሳይ አ ሰላ ሚጩዳ፤ ሺን አሳ ኡባ ካሪ ኬሲዳ፣ ናቲ አወዋኔ አቶ ህዋን ባሪናና ዳዒያ አ ካሊያዋንታኔ አኪዳ፣ ናታ ዳዒያሳ ጌሌዳ። 41 ዩሱሲ ናቲ ኩሺያ ኦይቁዳ፣ «ፃሊታ፣ ቁሚ» † ያጌዳ፤ ህዋ ቢሌላይ፣ «ጉላ ናቲ፣ ታኒ ኔና ዴንዳ ጋይ» ገያዋ።

42 ናታ ኤሌካ ዴንዳ ኤቃዳ ሃሚታዳ፤ ኢዛ ታማኔ ላዑ ላይላ ናቶ፤ ህዋ ሃኒያዋን አሳይ ዳሮ ማላሌቲዳ። 43 ዩሱሲ ህዋ ኡንቲንቲ ኦሲኔ ኦዴና ማላ፣ ኡንቲንታ ሚኒሲ አዛዚዳ፣ «ኢዚው ሚያባ ኢሚቲ» ያጌዳ።

6

ዩሱሳ ናዚሬቲን አኬናን ኢጭዲኖ (ማት 13:53-58፤ ሉቅ 4:16-30)

1 ዩሱሲ ህዋፔ ኬሲዳ፣ ባሪ ጋዲያ ናዚሬቲ ካታማ ቤዳ፤ አ ካሊያዋንቲካ አ ካሊዴ ቤዲና። 2 ሳሞባታ ጋላሲ አዩሁዳ ዋሳ ጎሊያን ታማሪሱዋ ዶሜዳ፤ ኢ ታማርሲያዋ ሲሴዳ ጮራ አሳይ ማላሌቲዳ፣ «ሃዌ ሃ ኡባባ ሃቃፔ ዳሜዳ? ሃ አው ኢሚቲዳ አቶ ኤራቲላይ አዩ? ያሳይ ኦሊያ ማላታ ኢ ዋቲ ኦሊ?» 3 ሃዌ አናዲያ * ገዴኔ? ማይራሚ ናባ፣ ያዩቆባ አሻ፣ ዮሳ አሻ፣ ዩሁዳ አሻ፣ ሲሞና አሻ ገዴኔ? አ ሚቻቲ ኑናና ሃዋን ዳዒያዋንታ ገዲኪኖ?» ያጌዳ፣ ኢ ገያዋ አኬናን ኢጭዲኖ።

4 ዩሱሲ ህ አሳሲ፣ «ናቢ ባሪ ጋዲያን፣ ባሪ ዳባቲዋኒኔ ባሪንቲ ሶይ አሳን ቦንቲቲናዋፔ ኣቲን፣ ኡባሳን ቦንቲቲ» ያጌዳ።

5 ኢ ህዋን ባሪ ኩሺያ አማራዳ አሳቲዋ ሰላ ዋሊዳ፣ ኡንቲንታ ፓሌዳዋፔ ኣቲን፣ ጮራ ማላታ ኦላናው አይኔ ዳንዳይቤና። 6 አሳይ አማኒቤና ዲራው ማላሌቲዳ።

ዩሱሲ ታማኔ ላዑ ባሪና ካሊያዋንቲ ታማሪሳናዳን ኪቲዳ (ማት 10:5-15፤ ሉቅ 9:1-6)

ህዋፔ ጉዬያን፣ ዩሱሲ ህዋ ሄራን ዳዒያ ቄሪ ካታማቲዋን ዩዩ ዩዩዳ፣ አሳ ታማርሲዳ። 7 ዩሱሲ ታማኔ ላዑ ባሪና ካሊያዋንታ ባሪኮ ያሲዳ፣ ላዑዋ ላዑዋ ኪቲዳ፤ ቃሲ ኡንቲንቶ ኢታ አያናቲዋ ኬሲያ ማታ ኢሜዳ። 8 ኡንቲንታ፣ «ኦጊያ ፃሞባፔ ኣቲን፣ ቁማ፣

† 5:41 ፃሊታ፣ ቁሚ፣ ሃ ቃላቲ አራማዩኬ ጌቲቲያ ቃላን ዩሱሳ ዋዲያን ፓሌሰቲኔ ጋዴን ሃሳዬቲያዋ። ፃሊታ ገያዌኔ ቁሚ ገያዌ አማራሱዋ ቃላ ገዴና። ሺን ግሪኪያ ቃላ። * 6:3 አናዲያ፣ ግሪኬ ቢሌላን ሹቻ ዋይ ኡርቃ ሚሊሲዳ ሜዲያ አሳ ገዴ ጎዒቲ።

ቃርጨቲያ፡ ሂንቲው ሚሻ አያኔካ አይቆጥቱ። 9 ሂንቲንቱ ጌዲያን ጫማካ ዋሌቲ፤ ሺን ላዑ ማዩዋ ማዮጥቱ» ያጌዳ። 10 ቃሲካ ኡንቱንታ፡ «ሂንቲንታ አሳይ ሃቃን ሞጥፔኔ፡ ሄዋፔ ከሳና ጋካናው፡ ሄ ጎሊያን ኡቲ አገቱ። 11 ሂንቲንታ አሳይ ሞከናሳ ዋይ ሂንቲ ኡዲያባ ሲሴናሳ ሃቃ ገደፔካ፡ ሄ ጋዲያን ዴዲያ አሳው ሄዋ ማርካ ገደና ማላ፡ ሄዋፔ ከሲዴ፡ ሂንቲ ጌዲያፔ ባና ሾጩቱ» † ያጌዳ።

12 ታማኔ ላዑ አ ካሊያዋንቱ ቢዴ፡ አሳይ ባሬንቱ ናጋራፔ ሲማናዳን፡ ቃላ ኦዴዲና። 13 ኡንቲንቱ አሳፔ ዳሮ ኢታ አያናቱዋ ከሲዴ፡ ሃርጊያ አሳ ጮራ ዛይቲያ ኦኪዴ ፓሌዲና።

ፃማቂያ ዮሃንሳ ሃይቁዋ

(ማት 14:1-12፤ ሉቅ 9:7-9)

14 አሳይ ዬሱሳ ሱንሳ ዴንሌያ ዲራው፡ ካቲያ ሄርዲሴ ሄዋ ኡባ ሲሴዳ፤ አቲ አቲ አሳይ፡ «ፃማቂያ ዮሃንሲ ሃይቁዋፔ ዴንዴዳ፤ ሄዋሲ አው ዋልቃማ ማላታ ኦሌያ ዋልቃይ ዴዔ» ያጌዳ።

15 ሺን ሃራንቱ አ፡ «ሃዌ ኤላሳ» ያጌዲና።

ሃራንቱ ቃሲ፡ «ሃዌ ቤኒ ዋዴ ናባቱዋ ማላቲያ ናቢያ» ያጌዲና።

16 ሺን ሄርዲሴ ሄዋ ሲሴዳ ዋዴ፡ «ሃዌ ታኒ ቆጲያ ሙጨሲዳ ፃማቂያ ዮሃንሳ፡ ኢ ሃይቁዋፔ ፓፃዳ» ያጌዳ።

17 አዩሲ ጎፔ፡ ሄርዲሴ ባሬ ኢሻ ፒሊጶሳ ማቻቶ ሄርዲያዶ አኪ ዋሌዳ፤ ሄርዲሴ ኢዚ ዲራው፡ ባሬ ሁጴው አሳ ኪቲዴ፡ ዮሃንሳ ኦይሌዴ፡ ቃሺሲ ዋሌዳ። 18 አዩሲ ጎፔ፡ ዮሃንሲ ሄርዲሳ፡ «ኔኒ ኔ ኢሻ ማቻቶ አካናው ቤሴና» ያጌ ዋሌዳ።

19 ሄርዲያዳ ዮሃንሳው ኡሉዋን ሞርኪያ ኦይቃዴ አ ዋጲሳናው ኮያዲ፤ ሺን ዳንዳያቤይኩ። 20 ዮሃንሲ ፃሎ አሳኔ ጌሻ አሳ ገዴዳዋ ሄርዲሴ ኤሬዳ ዲራው፡ አው ያዩዴ፡ ሎይሌ ናጌ ዋሌዳ፤ ዮሃንሲ ጊያዋ ሲሲዴ፡ ባሬ ዋዛናን ዳሪሲ ሜቶቲዴካ አባ ናሺቻን ሲሴዳ።

21 ሄርዲሴ ባሬ ዬሌቲዳ ጋላሲ፡ ጋዲያ አዩሲያዋንቶ፡ ሻላቃቱዋሲኔ ጋሊላን ዴዲያ ዋልቃማ አሳው ሾቢያ ገገሴዳ ዋዴ፡ ወርሴላን ሄርዲያዳ ኢንጄ ጋላሳ ዴማዲ። 22 ሄርዲያዳ ናታ ኢማላ ሞኪያሳ ጌላ ዲራዴ፡ ሄርዲሳኔ አ ኢማላቱዋ ናሺቻዲ፤ ሄዋፔ ጉዬ ካቲ ናቲው፡ «ኔና ሎዔዳዋ አያ ገደፔኔ ታና ኦቻ፤ ታኒ ኔው ኢማና» ያጌዳ። 23 ቃሲ ኢዚው ዳሪ ጫቂዴ፡ «ኔኒ

† 6:11 ሂንቲ ጌዲያፔ ባና ሾጩቱ፡ ሃዌ አሳይ ኢፃዳዋ ቤሲያዋ። 6:13 ያይ 5:14

አቸዳዎ አያ ገደፔካ፣ ታኒ ኔው አማና፤ ሃራይ አቶ፣ ታ ካወቴላፔ ባጋ ገደፔካ፣ ታኒ ኔው አማና» ያጌዳ።

24 ናታ ካሬ ከሳዴ ባሬ ዳዮ፣ «አያ አማ ጎ?» ያጋዴ አቸዳ።

ኢ ዳያ፣ «ፃማቂያ ዮሃንሳ ሁጲያ አማ ጋ» ያጋዳ።

25 ናታ ኤሌካ ካቲያኮ ባዴ አ፣ «ፃማቂያ ዮሃንሳ ሁጲያ ዋጪቲያን ዋሳዴ፣ ኔኒ ሃዒ ታው አማናዳን ኮያይ» ያጋዳ።

26 ሄዋፔ ጉዬ ካቲ ዳሪ ቃሬቲዳ፤ ሺን ባሬ ጫቁዋ ዲራወኔ ባሬ አማላቲዋ ዲራው ኢዚው ጫቁዳ ጫቁዋ ኮላናው ኮዪቤና።

27 ሄዋ ዲራው፣ ኤሌካ ናጊያዋ ከቲዴ፣ ዮሃንሳ ሁጲያ አሃና ማላ አዛዜዳ፤ ናጊያዋ ቃሽ ጎሌ ቤዴ፣ ዮሃንሳ ቆጲያ ሙጨዳ። 28 ሄ ሙጨዳዋ ዋጪቲያን ዋላ አሂዴ፣ ናቲው አሜዳ፤ ናታ ቃሲ ባሬ አቲው አማዳ። 29 ዮሃንሳ ካሊያዋንቱ ሄዋ ሲቤዳ ዋዴ ዪዴ፣ አ አጋ አፊዴ ሞጌዲና።

ዩሱሲ አቸሹ ሻዓ አሳ ሚዚዴ ካልሴዳ ታሪኪያ

(ማት 14:13-21፤ ሉቅ 9:10-17፤ ዮሀ 6:1-14)

30 ዩሱሲ ከቲዳዋንቱ ሲሚዴ፣ ዩሱሳና ጋኬቲዴ፣ ባሬንቱ አሉዳባኔ ባሬንቱ ታማርሴዳባ ኡባ ዩሱሳሲ ኦዴዲና። 31 ቢያ አሳይኔ ዪያ አሳይ ዳሪና፣ ሃራይ አቶ ቁማ ማናወካ ኡንቱንታ ጋሉናን ኢዳዳ ዲራው፣ ዩሱሲ ኡንቱንታ፣ «ኮሬካ ጉላ ሸምፔ አካናው አሳይ ባይናሳ ቦይቲ» † ያጌዳ። 32 ዩሱሲኔ ኡንቱንቱ ባሬንቱ ፃላላ ዋንጊሪያን ኡቲዴ፣ አሳይ ባይናሳ ቤዲና።

33 ኡንቱንቱ ቢሺን፣ ጮራ አሳይ ኡንቱንታ ቤዒዴ ኤሬዳ፤ ካታማ ኡባፔ ጌዲያን ዋዲዴ፣ ኡንቱንቱ ቢያሳ ኡንቱንቱፔ ካሴቲዴ ጋኬዲና። 34 ዩሱሲ ዋንጊሪያፔ ከሲዴ፣ ጮራ አሳ ቤዒዳ፤ አሳይ ሄሚያ አሳይ ባይና ደርሳ ማላ ጊዴዳ ዲራው፣ ቃሬቲዴ አሳ ዳርባ ታማሪሱዋ ደሚዳ።

35 ሳዒይ አማርሲያ ዋዴ፣ ዩሱሳ ካሊያዋንቱ አኮ ዪዴ፣ «ሃዌ ሳዒይ አሳይ ባይና ሳዒ፤ ሃዒ ሳዒይካ ቃሚዲጌዳ፤ 36 አሳይ ሄራኔ ቄሪ ካታማቲዋ ጊዶ ቤዴ፣ ባሬንቶ ሚያባ ሻማና ማላ፣ አሳ ሞዪዛ» ያጌዲና።

37 ሺን ዩሱሲ ዛሪዴ ኡንቱንታ፣ «አሳው ሚያባ ሂንቱ አሚቲ» ያጌዳ።

† 6:31 አሳይ ባይናሳ፣ ሃዌ ጋሊላ ጌቲቲያ ዋምባፔ ፑዴሃ ዶላ ባጋና ዴዴ። 6:45 ጻሊቲ። 6:34 ፓይ 27:17፤ 1ካት 22:17፤ 2ኦድ 18:16፤ ሂዝ 34:5፤ ማት 9:36

ሄዋፔ ጉዬ ኡንቱንቱ፣ «ኮኒ ቢዳ፣ ላዑ ያቱ ቢራ ሳንቲሚያ ስ ቁማ ሻሚዳ፣ አሳይ ማናው ኢማኔ?» ያጊዳ ኣ ኦቹዲኖ።

38 ዬሱሲ ኡንቱንታ፣ «ሂንቱንቶ ኣፑን ዳቡ ዳዒ? ቢዳ ቤዒቱ» ያጊዳ።

ኡንቱንቱ ቤዒዳ፣ «ኢቹሹ ዳቡዋኔ ላዑ ሞሊያ» ያጊዲኖ።

39 ዬሱሲ ባሬና ካሊያዋንታ አሳ ኡባ ጨታን ጨታን ሻኪ ሻኪዳ፣ ማታን ኡቲሳና ማላ ኣዛዜዳ። 40 አሳይ ያቱ ያቱኔ ኢሻታሙ ኢሻታሙ ጨታን ጨታን ኡቱዲኖ። 41 ዬሱሲ ኢቹሹ ዳቡዋኔ ላዑ ሞሊያ ኦይቂዳ፣ ፑዳ ሳሉዋ ያሊዳ፣ ያሳ ጋላቲዳ፤ ዳቡቱዋ ሚንሱዳ አሳው ጊሻና ማላ፣ ባሬና ካሊያዋንቱሲ ኢሜዳ፤ ቃሲ ላዑ ሞሊያካ ኡንቱንቱ ኡባው ሻኬዳ። 42 አሳይ ኡባይ ሚዳ ካሌዲኖ። 43 ሄዋፔ ጉዬ አቲዳ ዳቡቱዋ ደካይኔ ሞሊያ ደካይ ታማኔ ላዑ ዛምቤሊያ ኩሚዳዋ ዬሱሳ ካሊያዋንቱ ዳንሱዲኖ። 44 ዳቡዋ ሚዳ አቱማ አሳይ ኢቹሹ ሻዒ።

ዬሱሲ ኣባ ቦላን ሃሚቲዳ ቤዳ (ማት 14:22-33፤ ዮሀ 6:15-21)

45 ኤሌካ ዬሱሲ ሄ ጮራ አሳ ሞዪዲዳ፣ ባሬና ካሊያዋንቱ ዋንጊሪያን ጌሊዳ፣ ኣባፔ ሄሬንጎን ዳዒያ ቤቲሳይዳ ጊያ ካታማ ባሬፔ ሲንጎቲዳ ባናዳን ኣዛዜዳ። 46 ኡንቱንታ ሞዪዲዳዋፔ ጉዪያን፣ ያሳ ዋሳናው ዘዚያ ከሴዳ።

47 ሳዒይ ቃሚያ ዋዳ ዋንጊሪ ዋምባ ጊዲዋን ዳዒሺን፣ ዬሱሲ ዋምባፔ ጋፃን ባሬካ ዳዒ። 48 ጫርኩ ኣ ካሊያዋንቱኮ ጫርኪያ ዲራው፣ ባሬና ካሊያዋንታ ዋምባ ቤታይ ሚቶሊያዋ ዬሱሲ ቤዒዳ፣ ኩቱ ዋሳና ሃኒያ ዋዳ ዋምባ ቦላን ሃሚቲዳ፣ ኡንቱንቱኮ ዬዳ፤ ኡንቱንታ ዬጊ ኣጳናው ኮዬዳ። 49 ሺን ዋምባ ቦላን ኢ ሃሚቲሺን፣ ኡንቱንቱ ኣ ቤዒዳ፣ ባሬንቶ ሞይቲሊያ ማላቲና ዋሴዲኖ። 50 ኣዪሲ ጎፔ፣ ኡንቱንቱ ኡባይ ኣ ቤዒዳ፣ ያሻ ኮኮሬዲኖ፤ ሺን ኤሌካ ዬሱሲ ኡንቱንታ፣ «ኣይኔ ባዋ፤ ታናቲኔ ያዮፕቲ» ያጊዳ። 51 ዬሱሲ ኡንቱንቱና ኢቲፔ ዋንጊሪያን ጌሊና፣ ጫርኩ ዋፑ ጌዳ፤ ኡንቱንቱ ዳር ማላሌቲዲኖ። 52 ኣዪሲ ጎፔ፣ ኡንቱንቱ ዋዛናይ ጆሌዳ ዲራው፣ ኡንቱንቱ ኡኪላባ ኣኬኪቤይኪኖ።

§ 6:37 ቢራ ሳንቲሚያ፡ ቤኒ ዋዲያን ኣሳ ጋዲያን ኢቲ ጋላሳ ኡኒያ ኣሊ ፔሼዳ ኣሳው ኢቲ ቢራ ሳንቲሚ ኢሚቲ። ማት 20:2 ያሊቲ።

ዩሱሲ ገንጎሪዳን ሃርጋንቻቱዋ ፓሌዳ

(ማጥ 14:34-36)

53 ኢንቴንቲ ኣባ ፒኒዳ፡ ገንጎሪዳ ጊያ ቢታ ጋኬዲኖ፤ ያኒ ዋንጊሪያ ጋፃ ሺሺ ቃቼዲኖ። 54 ኢንቴንቲ ዋንጊሪያፕ ዋጂያዋን፤ ኣሳይ ኤሌካ ዩሱሳ ኤሪኔ 55 ሄዋ ሄራን ዳዒያ ጋዲያ ኡባን ዋዳራቲዳ፡ ሃርጋንቻቱዋ ሻንቻማን ቶኪዳ፡ «ዩሱሲ ዳዒ» ገና ሲሴዳሳ ኣሁዋ ደሜዳ። 56 ዩሱሲ ቤዳሳ ኡባን ቄሪ ካታማን ጊዲና፡ ዋልቃማ ካታማን ጊዲና፡ ሄራ ጊዲን ጊዲናካ፡ ጌያ ዳንባን ኣሳይ ሃርጋንቻቱዋ ኣኮ ኣፌ። ዩሱሲ ባሬ ማዩዋ ማጫራ ጊደፔኔ ሃርጋንቻቱዋ ቦሺሳና ማላ፡ ኣሳይ ኣ ዋሴዳ፤ ቦቹዳ ኡባይ ፓዳዳ።

7

ዩሱሲ ኣሳ ዋጋፔ ኮሺናዋ ጳልቁዳ

(ማጥ 15:1-9)

1 ፓሪሳዋቱኔ ዩሩሳላሜፔ ዩዳ፡ ሙሴ ሂጊያ ታማሪሲያ ኣማራዳ ኣሳቱ ዩሱሳኮ ሺቁዲኖ። 2 ዩሱሳ ካሊያዋንቱፔ ኢቱ ኢቱ ቱና ኩሺያን፡ ሄዋ ጊያዌ ሜጤቴናን ቁማ ሚያዋንታ * ቤዒዲኖ።

3 ኣዩሲ ጎፔ፡ ፓሪሳዋቱኔ ኣዩሁዳ ኣሳይ ኡባይ ባሬንቱ ኣዋቱዋ ዋጋ ናጊዳ፡ ባሬንቱ ኩሺያ ሎይሊ ሜጤቴናን ሚኪኖ። 4 ቃሲ ጌያፔ ዩዳካ ሜጤቴናን ዳዒዳ ሚኪኖ። ቃሲ ኡንቲንቲ ባሬንቱ ኣዋቱዋፔ ኣኬዳ ሃራ ጮራ ዋጋይ ዳዒ፤ ሄዌካ ዋንጫ፡ ኬሪያ፡ ቢራታፔ ሜዴዳ ሚሻኔ ኣርሳ ሜጤያ ዋጋ።

5 ፓሪሳዋቱኔ ሙሴ ሂጊያ ታማርሲያዋንቱ ዩሱሳ፡ «ኔና ካሊያዋንቱ ኣዩሲ ኑ ኣዋቱዋ ዋጋ ካሌናን ኢዲዳ፡ ባሬንቱ ኩሺያ ሜጤቴናን ቁማ ሚኖ?» ያጊዳ ኦቹዲኖ።

6-7 ዩሱሲ ኡንቲንታ ሃዋዳን ያጌዳ፤ «ኢሲያሲ ቲምቢቲያ ኦዳዳ ዋዳ፡ ሂንቲንቱባ፡ ሎዓ ማላቲያ ኢታቱባ ፃፌዳዋዳንካ፡ ጭሳይ፡ «ሃዌ ኣሳይ ታና

ባሬ ቦላ ደናን ቦንቹ።
ሺን ኡንቲንቲ ዋዛናይ ታፔ ሃኩዋን ዳዒ፤
ኣሳይ ታው ሚላ ጎዩኔ።
ኣዩሲ ጎፔ፡ ኣሳይ ኦሌዳ ኣዛዙዋ

* 7:2 ሜጤቴናን ቁማ ሚያዋንታ፡ ኣዩሁዳ ኣሳቱዋ ዋጋን ሜጤቴና ኩሺያን ቁማ ሙሳይ ቱናዳን ፓይዳቱ። ሄዋሲ ቁማ ማናፔ ካሴና ኩሺያ ሜቻ ሎይሊ ሚኒሲኖ።

ጾሳ ሂጊያ ማላቲሲዳ ታማርሴ» ጌዳ።
ያጊዳ ቲምቢቲያ ቱሙቀ ኦዳዳ።

8 «ጾሳ አዛዙቀ ሂንቴ አጊዳ፣ አሳ ዋጋ ሚኒሲዳ ናጊታ»
ያጊዳ።

9 ቃሲካ ዬሱሲ፣ «ሂንቴንቴ ሂንቴ ዋጋ ናጋናው ጾሳ አዛዙቀ
አጊታ። 10 አዪሲ ጎፔ ሙሴ፣ ሳ ኣባኔ ኔ ዳዮ ቦንቻ» ቃሲ፣
ጎሬ አባኔ ባሬ አቶ ቦሪያዌ ሃይቁዋን ሙሬቶ» ያጊዳ። 11 ሺን
ኢቲ ኡራው ባሬ አዉዋ ዋይ ባሬ አቶ ማዲያባይ ዳዲሺን ኢ፣
ሳዌ ቁርባኒያ፤ ሃዋ ጉሳይ ጾሳባ ጊያዋ፣ ጎፔ። 12 ኢ ባሬ አዉዋ
ዋይ ባሬ አቶ ዋይፔ ማዳናዋ አይኔ ኮዪኪታ። 13 ሃ ሃናታን ሂንቴ
ሂንቴንቴ ዋጋ ናጋናው፣ ጾሳ ቃላ ኮሊዳ፣ ሄዋ ማላ ዳርባ ኦሊታ»
ያጊዳ።

አሳ ቱኒሲያዋንታ
(ማት 15:10-20)

14 ዬሱሲ ጮራ አሳ ቃሲካ ባሬኮ ያሲዳ፣ «ኡባይ ታኒ ጊያዋ
ሲሲቲኔ አኬኪቲ። 15 አሳፔ ኬሲያዌ አሳ ቱኒሲያዋፔ አቲን፣
ካሬፔ አሳ ጊዶ ጌሊዳ፣ አሳ ቱኒሲያባይ አይኔ ባዋ፤ 16 ሲሳናው
ሃይላይ ዳዲያ ኡራይ ኦኒኔ ሲሶ» ያጊዳ።

17 ዬሱሲ ጮራ አሳ አጊዳ ሶይ ጌሌዳ ዋዳ፣ አ ካሊያዋንቱ
ሄ ለሚሱዋባ አ ኦቼዲና። 18 ኢ ኡንቴንታ፣ «ሂንቴንቶካ ቃሲ
ጌሊቤኔ? ካሬፔ አሳ ዋዛናን ጌሊያባይ አይኔ አሳ ቱኒሳናው
ዳንዳዬናዋ አኬኪቲ? 19 አዪሲ ጎፔ፣ ቁማይ አሳ ኡሉዋ ጊዶ
ጌሊዳ፣ ካሬው ኬሲያዋፔ አቲን፣ አሳ ዋዛና ጊዶ ጌሌና» ያጊዳ።
ሃዋዳንካ ዬሱሲ ቁማ ኡባይ ቱና ጊዳናዋ ኤሪሴዳ።

20 ቃሲካ ዬሱሲ ሃዋዳን ያጊዳ፤ «አሳ ቱኒሲያባይ አሳ ዋዛና
ጊዶፔ ኬሲያባ። 21 አዪሲ ጎፔ፣ አሳ ዋዛና ጊዶፔ ኬሲያዌ ኢታ
ቆፋ፤ ዋሹሚያዋ፤ ዉዲያዋ፤ ዋዲያዋ፤ ጫራቴላ፤ 22 ዮራቴላ፤
ኡዚያ ዋይ ባሬና ዶሲያዋ፤ ኢታቴላ ዋይ ጨሚያዋ፤ ጌኒያ፤
ማጫዋ አሞቲያዋ፤ ቃናቲያዋ፤ ቦሪያዋ ዋይ ዘጊሪያዋ፤ አዩዋ፤
ኤያቴላ። 23 ሃ ኢታባይ ኡባይ አሳ ዋዛና ጊዶፔ ኬሲዳ፣ አሳ
ቱኒሴ» ያጊዳ።

ኢቲ ጊሪኬ ሚሺራቲ አማኑዋ
(ማት 15:21-28)

24 ዬሱሲ ሃዋፔ አጊዳ፣ ዓርሳኔ ሲዶና ጊያ ካታማቱዋ ማታን
ዳዲያ ጋዲያ ቤዳ፣ ኢቲ ጎሊያ ጌሌዳ፤ ቃሲ ኢ ያኒ ዳዲያዋ ኦኒኔ

7:6-7 አሳ 29:13 7:10 ኬሰ 20:12፤ 21:17፤ ዋግ 20:9፤ ዛር 5:16

ኤራናዎ ኮዩቤና፤ ሺን ቆሴቲዳ ጋሚዳናው ዳንዳዩቤና። 25 ሺን ባሬ ጉፋ ናቲ ቦላ ኢታ ኣያናይ ዳዒያ ኢቲ ሚሺራታ ዩሱሳባ ሲሳዳ፣ ኤሌካ ኣኮ ያኔ ኣ ጌዲያን ጉፋና ኣጋዲ። 26 ሄ ሚሺራታ ኣዩሁዳ ኣሳ ጊዲኩ፤ ኣ ዩሌቴዳዌካ ሶሪያ ጊያ ጋዲያና፤ ኣ ባሬ ናቲፕ ፃላሂያ ኬሳና ማላ፣ ዩሱሳ ዎሳዲ።

27 ሺን ዩሱሲ ዛሪዳ፣ «ናናይ ካሴቲዳ ቁማ ካሊኖ፤ ኣዩሲ ጎፔ፣ ናና ቁማ ኣኪዳ፣ ካናቱዋሲ † ኦሊያዌ ሎዓ ጊዳና» ያጌዳ።

28 ሚሺራታ ዛሪዳ፣ «ቱማካ ታ ጎዳው፣ ሃራይ ኣቶ ሳምፓ ሚዩያን ዳዒያ ካናቱካ ናናቱዋፔ ኣቴዳ ሱፓ ሚኖ» ያጋዲ።

29 ዩሱሲ ቃሲ ኢዞ፣ «ሃ ኔኒ ሃሳዬዳ ቃላ ዲራው፣ ፃላሂ ኔ ናቲፕ ኬሴዳ፤ ሲሚ ኔ ሶይ ባ» ያጌዳ።

30 ሚሺራታ ባሬ ሶይ ቢያ ዎዳ፣ ኢዚ ናቲፕ ፃላሂ ኬሲና፣ ሃፃን ጊሴዳዉኖ ዳማዲ።

ዩሱሲ ቱሌኔ ዱዳ ጊዳዳ ኢቲ ቢታኒያ ፓሌዳ

31 ዩሱሲ ፃሮሳ ጋዲያፔ ኬሲዳ፣ ሲደናናኔ ታሙ ካታማ ጊያ ጋዲያና ካንሒዳ፣ ጋለላ ኣባኮ ቤዳ። 32 ኣሳይ ቱሌኔ ዱዳ ጊዳዳ ቢታኒያ ዩሱሳኮ ኣሂዳ፣ ባሬ ኩሺያ ኣ ቦላን ዎላና ማላ፣ ዩሱሳ ዎሴዲኖ። 33 ዩሱሲ ባሬካ ሄ ቢታኒያ ጮራ ኣሳፔ ጋፃ ኬሲዳ፣ ባሬ ቢራዲያ ኣ ሃይላን ዩዳዳ፤ ቃሲ ጨቻ ጨቺዳ፣ ኣ ኢንፃርሳ ቦቺዳ። 34 ሳሉዋ ፑዳ ፃሊዳ፣ ቶኪ ሺምፕዳ፣ «ኤፍታሂ» ‡ ያጌዳ፤ ሄዎ ጊያዌ ደዩታ ጊያዎ። 35 ቢታኒያ ሃይላይ ኤሌካ ደዩቲ ኣጌዳ፤ ቃሲ ኣ ሃሳዬና ኢንፃርሳይካ ቢሌቲ ኣጌዳ፤ ቢታኒ ኣይኔ ዎዩቴናን ሃሳዩ ኣጌዳ።

36 ዩሱሲ ኣሳው፣ «ሃዎ ኦሲኔ ኦደፒቲ» ያጊዳ ኦዳዳ፤ ሺን ኢ ዳሪሲ ሚኒሲ ኦዲና፣ ኣሳይ ቃሲ ኦዲዎ ያ ዳሪሴዳ። 37 ሄዎ ሲሴዳ ኣሳይ ኡባይ ዳሮ ማላሌቲዳ፣ «ኡባባካ ኢ ሎይሒ ኦሌ። ሃራይ ኣቶ ቱሊያካ ሲሴ፤ ቃሲ ዱዲያካ ሃሳዩሴ» ያጌዲኖ።

8

ዩሱሲ ኦይዱ ሻዓ ኣሳ ሚዜዳ (ማት 15:32-39)

1 ሄዎዳ፣ ጮራ ኣሳይ ቃሲ ዩሱሳኮ ሺቄዳ፤ ኣሳው ሚያባይ ቆዩና፣ ዩሱሲ ባሬና ካሊያዎንታ ባሬኮ ፃሲዳ፣ 2 «ሃ ጮራ ኣሳይ

† 7:27 ካናቱዋሲ፡ ሃ ቃላ ኢቲ ኢቲ ኣዩሁዳ ኣሳይ፣ ኣዩሁዳ ጊዳና ኣሳቱዋሲ ጎዳቲያዎ። ‡ 7:34 «ኤፍታሂ»፡ ሃ ቃላይ ዩሱሲ ሃ ኣላሚያን ዳዒዳ ታማሪሲያ ዎዳ፣ ጎዳቲያ ኣራማዩኬ ያጌቲያ ቃላን ሃሳዩዳዎ።

ታናና ሄዙ ጋላሳይ ጋካናው ጋሚዲዳ፡ ሚያባ አይኔ ዳሚቤና ዲራው፡ ታኒ ኡንቱንቶ ቃሬታይ። 3 ታኒ ኡንቱንታ ኮሻና ሶይ ዬዶፔ፡ ቢዳ ኦጊያን ዳቡሪዳ ኩንዳና፤ አዪሲ ጎፔ፡ ኢቱ ኢቱ ሃኮሳፔ ዬዳ» ያጌዳ።

4 እ ካሊያዋንቱ ዛሪዳ፡ «ሃ አሳይ ባዪና ሳን ሃ አሳ ኡባ ሚዛናው ጊዲያ ቁማ ዳማናው ዳንዳዪያዌ እን?» ያጌዲና።

5 ዬሱሲ ኡንቱንታ፡ «ሂንቱንቶ አፑን ዳቡ ዳዒ?» ያጌዳ ኦቼዳ።

ኡንቱንቱ፡ «ላፑ ዳቡ ዳዒ» ያጌዲና።

6 ዬሱሲ አሳ፡ «ሳዓን ኡቲቱ» ያጌዳ አዛዜዳ፤ ቃሲ ላፑ ዳቡዋ አኪዳ፡ ያሳ ጋላቲዳ፤ ሄ ዳቡዋ ሚንሲዳ፡ አሳው ጊሻና ማላ፡ ባሬና ካሊያዋንቶ አሜዳ። ዬሱሳ ካሊያዋንቱ ሄ ጮራ አሳሲ ጊሼዲና። 7 ኡንቱንቶ ቃሲካ አማራዳ ሱፓ ሞሉቱ ዳዒና፤ ዬሱሲ ሄዋንቶካ ያሳ ጋላቲዳ፡ አሳው ጊሻና ማላ፡ ባሬና ካሊያዋንታ አዛዜዳ። 8 አሳይ ኡባይ ሚዳ ካሊና አቲዳ ደካይ ላፑ ዛምቤሊያ ኩሜዳዋ እ ካሊያዋንቱ ዳንሴዲና። 9 ቁማ ሚዳ አሳይ አይዱ ሻዓ ጊዳና፤ ሄዋፔ ጉዪያን፡ ዬሱሲ አሳ ዬዳዳ። 10 ኢ ቃሲ ባሬና ካሊያዋንቱና ኤሌካ ዋንጊሪያን ጌሊዳ፡ ዳልማኦታ * ጊያ ጋዲያ ቤዳ።

ፓሪሳዋቱ ባሬንቶ ማላታይ ኦሴታና ማላ ኦቼዲና
(ማት 16:1-4)

11 ፓሪሳዋቱ ዪዳ፡ ዬሱሳና ፓሉማ ደሚዲና።

ዬሱሳ ፓጫናው ኮዪዳ፡ ሳሉዋፔ ማላታ ባሬንታ ቤሳና ማላ ኦቼዲና። 12 ዬሱሲ ዳሪሲ ቶኪ ሸምፒዳ፡ «ሃ ዋዲያ አሳይ አዪሲ ማላታ ኮዪ? ታኒ ሂንቱንቶ ቱሙዋ ኦዳይ፤ ሃ ዋዲያ አሳው ማላታይ ኡባካ አሜቲና» ያጌዳ። 13 ቃሲ ኡንቱንታ ሄዋን አጊዳ፡ ዛሪ ዋንጊሪያን ጌሊዳ፡ አባፔ ሄፊንሳ ፒኔዳ።

ፓሪሳዋቱዋ ኢርሹዋኔ ሄርዲሳ ኢርሹዋ
(ማት 16:5-12)

14 ዬሱሳ ካሊያዋንቱ ቁማ አፋናዋ ደጌዲና፤ ኡንቱንቶ ዋንጊሪያ ጊደን ኢቲ ኡኪሳፔ ሃራይ ባዋ። 15 ዬሱሲ ኡንቱንታ፡ «ሂንቱንታ ኤሪቲ፤ ፓርሳዋቱዋ ኢርሹዋፔኔ ሄርዲሳ † ኢርሹዋፔ ናጌቲቱ» ያጌዳ አዛዜዳ።

* 8:10 ዳልማኦታ፡ ሃዌ ኤሬቲና ሳዓ። † 8:15 ሄርዲሳ፡ ሃዌ ሄርዲሴ አንቲጳሳ ጌቲቲያ ዋጋ ሄርዲሳ ጌቲቲያዋ ናዓ።

16 ኡንቱንቱ ባሬንቱ ጊደን፥ «ኢ ሃዋ ጊያዌ ኑሲ ቁማይ ባይና ዲራሳ» ያጊዴ ሃሳያ ዶሜዲኖ።

17 ዬሱሲ ኡንቱንቱ ጊያዋ ኤሪዴ፥ «ሂንቱንቶ ዳቡ ባዩናዎ አዲሲ ሃሳዩቱ? ሃሂ ጋካናው ሂንቱው ጌሌኔ? ዎይ አኬኪኪቱ? ሂንቱ ዎዛናይ ጆሌዴ? 18 ሂንቱንቶ አይፊ ዳዔ፤ በዒኪቱ? ቃሲ ሃይላይ ዳዔ፤ ሲሰኪቱ? ሂንቱንቶ ሃሳዩቱኔ? 19 ታኒ ኢቼሹ ዳቡዎ ኢቼሹ ሻዓ አሳው ማንላ ኢሜዳ ዎዴ፥ አፑን ዛምቤሊያ ኩሜዳ ዶካ ዴንሌዲቱ?» ያጊዴ።

ኡንቱንቱ፥ «ታማኔ ላዑ ዛምቤሊያ ኩሜዳ ዶካ ዴንሌዴ» ያጊዲኖ።

20 «ታኒ ቃሲካ ላፑ ዳቡዎ ኦይዲ ሻዓ አሳው ማንላዴ ኢሜዳ ዎዴ፥ አፑን ዛምቤሊያ ኩሜዳ ዶካ ዴንሌዲቱ?» ያጊዴ።

ኡንቱንቱ፥ «ላፑ ዛምቤሊያ ኩሜዳ ዶካ ዴንሌዴ» ያጊዲኖ።

21 ኢ ቃሲ፥ «ሃሂካ አኬኪበይኪቱ?» ያጊዴ።

ዬሱሲ በቴሳይዳን ኢቲ ቆቃ ፓሌዳ

22 ዬሱሲኔ አ ካሊያዎንቱ በቴሳይዳ ጊያ ካታማ ቤዲኖ፤ አሳቱ ቆቃ ቢታኒያ ዬሱሳኮ አሂዴ፥ ሄ ቢታኒያ ቦቻና ማላ፥ አ ዎሴዲኖ። 23 ዬሱሲ ቆቃ ቢታኒያ ኩሺያ ኦይቂዴ፥ ሄራፔ ጋዓ ኬሴዳ፤ አ አይፊያን ጨቺዴ፥ ባሬ ኩሺያ አ ቦላ ዎሊዴ፥ «ኔው አዬንቶ በቴ?» ያጊዴ ኦቺዳ።

24 ቢታኒ ዶቂዴ፥ «ታኒ አሳ በዓይ፤ ሺን አሳይ ሃማቲዴ፥ ሚላ ማላቲ» ያጊዴ።

25 ሄዎፔ ጉዩያን፥ ዬሱሲ ሺሬቲዴ ቢታኒያ አይፊያን ባሬ ኩሺያ ዎሊዴ። አ አይፊ ፓዳዳ፤ ቢታኒካ ሎይሊ ዪሌዳ፤ ቃሲ ኡባባካ ጌሺዴ በዔዳ። 26 ዬሱሲ ቢታኒያ፥ «ሄራ ጌሎፓ» ያጊ አ ሶይ ዬዴዳ።

ጳጳርሳ አማኑዎኔ አ ማርካቲላ

(ማት 16:13-20፤ ሉቅ 9:18-21)

27 ዬሱሲ ባሬና ካሊያዎንቱና ቂሳሪያ ፒሊጶሳ ዳዒያ ቁሪ ሄራቱዎ በዳ፤ ኢ ቢሺን ኦሺያን ዬሱሲ፥ «ታና አሳይ ኦና ጊ?» ያጊዴ ባሬና ካሊያዎንታ ኦቺዳ።

28 አ ካሊያዎንቱ፥ «ኢቲ ኢቲ አሳይ ኔና፥ ፀማቂያ ዮሃኒሳ) ጌ፤ ሃራንቱ፥ (ኤላሳ) ጊኖ፤ ቃሲ ሃራንቱ፥ (ናባቱዎፔ ኢቱዎ) ጊኖ» ያጊዲኖ።

29 ዬሱሲ ኡንቱንታ፥ «ሂንቱሺ ታና ኦና ጊቱ?» ያጊዴ ኦቺዳ።

ጴጥሮስ፡ «ኔኒ ዶራቴዳ ከሪስቶስ» ያጊዴ ዛሬዳ።
30 ዬሱሲ፡ «ታባ ኦሲኔ ኦዶፒቴ» ያጊዴ ኦንቱንታ ኣዛዜዳ።

ዬሱሲ ባሬና ጋካና ሜቱዋባኔ ዋዪያባ ኮይሩዋ ሃሳዬ
(ማጥ 16:21-28፤ ሉቅ 9:22-27)

31 ዬሱሲ ባሬና ካሊያዋንታ፡ «ታኒ፡ ኣሳ ናዓይ፡ ዳሪ ዋዬታናው ቤሴ፤ ጨማቱ፡ ቄሳቱዋ ካፓቱኔ ሂጊያ ታማርሲያዋንቱ ታና ኢፃናው ቤሴ፤ ኦንቱንቱ ታና ዎጳናውኔ ታኒ ሂዜንሲያ ጋላሳፔ ጉዪያን፡ ሃይቁዋፔ ዳንዳናው ቤሴ» ያጊዴ ታማሪሱዋ ደሜዳ።
32 ሄዋ ኢ ኦንቱንቶ ጌሺዴ ኦዴዳ፤ ጴጥሮስ ኣ ኢቲ ባጋ ዛሬዳ፡ ዛሬታ ደሜዳ።

33 ሺን ዬሱሲ ጉዬ ሲሚዳ፡ ባሬና ካሊያዋንታ ጻሊዴ ጴጥሮስ፡ «ሃ ሴፃናው፡ ከቻ ታ ማታፔ! ኔን ኣሳይ ቆፒያዋ ቆፓሳፔ ኣቲን፡ ያሳይ ቆፒያዋ ጊዴና» ያጊዴ።

ዬሱሳ ካሉሳይ ኦቺያ ጋቲያ
(ማጥ 10:38-39፤ 16:24-28፤ ሉቅ 9:23-27፤ 14:26-27)

34 ዬሱሲ ጮራ ኣሳኔ ባሬና ካሊያዋንታ ባሬኮ ጻሲዳ፡ «ታና ካላና ኮዪያ ኡራይ ዳዎፔ፡ ባሬና ካዶ፤ ያቲዴ ባሬ ማሰቃሊያ ቶኪዳ፡ ታና ካሎ። 35 ኣዪሲ ጎፔ፡ ባሬ ሺምፑዋ † ኣሻና ኮዪያ ኡራይ ባዪዛናዋ፤ ሺን ታ ዲራውኔ ዎንጋላ ሚሺራቹዋ ዲራው ባሬ ሺምፑዋ ባዪዚያ ኡራይ ኣሻናዋ። 36 ኢቲ ኡራይ ሳዓን ዳዒያ ኡባባ ባሬው ሺሺዳ፡ ባሬ ሺምፑዋ ባዪዘፔ፡ ኣ ኣያ ማዳኔ? 37 ኢቲ ኡራይ ባሬ ሺምፑዋ ዎዛናው ኣያ ኢማና ዳንዳዪ? 38 ያሳ ኣማኔና ሃ ናጋራንቻ ዬሌታ ዎዲያን፡ ኢቲ ኡራይ ታናኒኔ ታ ቃላን ዬላቶፔ፡ ታኒካ፡ ኣሳ ናዓይ፡ ቃሲ ታ ኣዉዋ ቦንቹዋን ጌሻ ከታንቻቱዋና ዪያ ዎዳካ፡ ኣኒ ዬላታና» ያጊዴ።

9

ዬሱሳ ማላይ ላሜቲዳዋ ኦዲያ ታሪኪያ
(ማጥ 17:1-13፤ ሉቅ 9:28-36)

1 ዬሱሲ ኦንቱንታ፡ «ታኒ ሂንቱንቶ ቱሙዋ ጋይ፤ ኣማሬዳ ኣሳቱ ያሳ ካዉቲሳይ ዎልቃና ዪያዋ ቤዔናን ሃይቁናዋንቱ ሃዋን ዳዒኖ» ያጊዴ።

† 8:35 ሺምፑዋ፡ ግሪኪያ ቃላን ኢዛዋ ዎይ ኣሳ ሺምፑዋ ጌቲቲ ቢሉቲዳ።

2 ዩሱሲ ኡሱፑን ጋላሳ፣ ገደያን፣ ባሬናና ጳጳሮሳ፣ ያዩቆባኔ ዮሃንሳ ኣኪዳ፣ ኡንቱንቱ ፃላላ ዋልቃማ ዳሪያ ቦላ ኬሴዳ፤ ኡንቱንቱ ሲንሳን ላማቲዳ፤ 3 ኣ ማዩካ ጳሌዳ፤ ሳዓን ማዩዋ ማጪያ ኦኒኔ ገሻናው ዳንዳዬናዋ ኬና ዳሪ ቦፃዳ። 4 ሄ ሄዙ ዩሱሳ ካሊያዋንቱ፣ ኤላሲኔ ሙሴ ዩሱሳና ሃሲያዋንታ ቤዔዲኖ።

5 ጳጳሮሲ ዩሱሳ፣ «ታማሪሲያዎ፣ ኦኒ ሃዋን ዳዒያዌ ኦሲ ሎዓ፤ ኦኒ ሄዙ ዳሳቱዋ ኢቱዋ ኔው፣ ኢቱዋ ሙሴው፣ ቃሲ ኢቱዋ ኤላሳሲ ኬፃና» ያጌዳ። 6 ኢ ዋጋኔንቶኔ ኤሪቤና፤ ኣዩሲ ጎፔ፣ ኢካ ዮኮንቱካ ዳሪ ያዩዲኖ።

7 ሄዋፔ ገደያን፣ ሻሪ ዪዳ ኡንቱንታ ካሚና ሻሪያፔ፣ «ሃዌ ታኒ ሲቁያ ታ ናዓ፤ ኢ ጊያዋ ሲሲቱ» ጊያ ቃላይ ዩዳ። 8 ኤሌካ ኡንቱንቱ ዩሺ ኣሲ ጃሊያ ዋዳ፣ ዩሱሳፔ ኣቲን፣ ሃራ ኦናኔ ባሬንቱ ማታን ቤዒቤይኪኖ።

9 ኡንቱንቱ ዳሪያፔ ዋዲሺን፣ ዩሱሲ ኡንቱንታ፣ «ታኒ፣ ኣሳ ናዓይ፣ ሃይቁዋፔ ዳንዳና ጋካናው፣ ሂንቱ ቤዒዳባ ኦሲኔ ኦዶፕቱ» ያጌዳ ኣዛዜዳ።

10 ኢ ኣዛዜዳዋ ኡንቱንቱ፣ « (ኤኖ) ጊዳ፣ ሃ ሃይቁዋፔ ዳንዲያዋ ጊያዌ ዋጊያዌ» ያጌዳ፣ ባሬንቱ ጊዶን ሃሳዬቲዲኖ።

11 ኡንቱንቱ ዩሱሳ፣ «ሂጊያ ታማርሲያዋንቱ ኣዩሲ፣ (ኤላሳ ካሲቲዳ ያናው ቤሴ) ጊኖ?» ያጌዳ ኦቹዲኖ።

12 ኢ ዛሪዳ ያጌዳ፤ «ቱማካ፣ ኤላሳ ካሲት ዪዳ፣ ኡባባ ጊሊሴ፤ ያቲና፣ ኣዩሲ ያሳ ማፃፋይ፣ (ኣሳ ናዓይ ዳሪ ዋዩታናኔ ኢፃታና) ያጌ? 13 ሺን ታኒ ሂንቱንቶ ኦዳይ፤ ኤላሳ ዩዳ፤ ቃሲ ኣባይ ያሳ ማፃፋን ፃፊቲዳዋዳንካ፣ ኣሳይ ኣ ባሬ ኮዩዳባ ኦሌዳ» ያጌዳ።

ዩሱሲ ኢታ ኣያናይ ኦይቁዳ ናዓ ፓሌዳ
(ማጥ 17:14-21፤ ሉቃ 9:37-43)

14 ዩሱሲ፣ ጳጳሮሲ፣ ያዩቆባኔ ዮሃንሲ ዮኮ ዩሱሳ ካሊያዋንቱሮ ሲሚዳ ዪያ ዋዳ፣ ጮራ ኣሳይ ሄ ካሊያዋንቱ ዩሹዋን ኤቁዳዋኔ ሂጊያ ታማሪሲያ ኣማሬዳ ኣሳቱ ኡንቱንቱና ፓሉማቲያዋንታ ቤዔዲኖ። 15 ሄ ጮራ ኣሳይ ዩሱሳ ቤዔዳ ዋዳ ማላሌቲ ዳጋሚዳ፣ ኤሌካ ኣኮ ዋፂ ዪዳ፣ ኣ ሳሮቲዳ። 16 ዩሱሲ ባሬና ካሊያዋንታ «ኡንቱንቱና ኣያ ፓሉማቲቱ?» ያጌዳ ኦቹዲኖ።

17 ሄ ጮራ ኣሳ ጊዶፔ ኢቲ ቢታኒ ዛሪዳ፣ «ታማሪሲያዎ፣ ታ ናዓ ቦላን ሃሳያ ዲጊያ ኢታ ኣያናይ ዳዒያ ዲራው፣ ኣ ኔኮ ኣካዳ

ያዲ። 18 ሃ ኢታ አያናይ አ ኦይቂያ ዋዴ ኡባን፣ አ ኦሌ፤ አ ደናናካ ሆሙ ፓሮቲ፤ ቃሲ አቻ ጋርጨሴ፤ ቦላካ ዘሊሴ። አፔ ሃ ኢታ አያና ኬሳና ማላ፣ ኔና ካሊያዋንቶ ኦዳዲ፣ ሺን ኬሳናው ዳንዳይቤይኪኖ» ያጌዳ።

19 ዬሱሲ ዛሪዳ ኡንቲንታ፣ «አማኔና ሃ ዋዲያ አሳው! ታኒ ሂንቲንቲና አዉዳ ጋካናው ዳዓኔ? ቃሲ ሂንቲንቲባ አዉዳ ጋካናው ዳንዳያኔ? ናዓ ታኮ ሃ አኪ ዪቲ» ያጌዳ። 20 ኡንቲንቲ ናዓ አኮ አሄዲኖ፤ ሄ ኢታ አያናይ ዬሱሳ ቤዔዳ ማንዒያንካ ናዓ ኮኮርሲ አጌዳ፤ ናዓይ ሳዓን ኩንዲዳ፣ ደናና ሆሙ ጎፑ ጊሺን ጎንደራቲዳ። 21 ዬሱሲ ሄ ናዓ አዉዋ፣ «ሃዌ ኔ ናዓ ኦይቆዴፔ ዋይሳ ዋዴ ገዳኔ?» ያጌዳ ኦቹዳ።

ናዓ አቡ፣ «ኢ ናዓቲላን ዳዒያ ዋዲያፔ ደሜዳ። 22 አ ዋቆናው ዳሮ ዋዴ ታማኒኔ ሃላን ኦሌዳ፤ ሺን ኔኒ ዳንዳዮፔ፣ ኩሲ ቃሬታዴ ኦና ማዳሪኪ» ያጌዳ።

23 ዬሱሲ አ፣ «ኔኒ ዳንዳዮፔ ጋይ? አማኒያ አሳው ኡባባይ ዳንዳዮቲ» ያጌዳ።

24 ኤሌካ ናዓ አቡ ባሬ ኮሻ ቶቁ ኦሊዳ፣ «ታኒ አማናይ፤ ሺን ጉጃ አማናናዳን፣ ታና ማዳሪኪ» ያጌዳ።

25 ዬሱሲ አሳይ ዳሪ ዳሪ ቢያዋ ቤዒዳ፣ ኢታ አያና፣ «ናዓ ቱሌኔ ዲዳ ኡዳዳ አያናው፣ ሃ ናዓፔ ኬሳ ጋዴ ኔና ታ አዛዛይ፤ ቃሲ ዛሪላዳ አኒ ጌሎፓ» ያጌዳ።

26 ሄ ኢታ አያናይ ዋሲዳ፣ ናዓ ዳሪሲ ኮኮርሲዳ፣ አፔ ኬሴዳ። ናዓይ ሃይቆዳዋ ማላቲና፣ ዳሮ አሳይ፣ «ናዓይ ሃይቆዳ» ያጌዳ።

27 ሺን ዬሱሳ ናዓ ኩሺያ ኦይቂዳ ዴንሉና፣ ናዓይ ዴንዲ ኤቆዳ።

28 ዬሱሲ ሶይ ጌሌዳዋፔ ጉዪያን፣ አ ካሊያዋንቲ ዬሱሳ ዲማ፣ «ኦኒ ሄ ኢታ አያና ኬሳናው አዪሲ ዳንዳይቤይኮ?» ያጌዳ ኦቹዲኖ።

29 ዬሱሲ ዛሪዳ፣ «ሄዋ ማላይ ዋሳፔኔ ያማፔ አቲን፣ ሃራባን ኬሳናው ዳንዳዬና» ያጌዳ።

ዮሱሲ ባሬና ጋካና ሜቲዋባኔ ሃይቆዋባ ላዕንሉዋ ኦዴዳ (ማት 17:22-23፤ ሉቅ 9:43-45)

30 ኡንቲንቲ ሄዋፔ ዳንዲዳ፣ ጋሊላና አቋይ ቤዲኖ፤ ዮሱሲ ባሬ ዳዒያሳ ኦኒኔ ኤራና ማላ ኮዪቤና። 31 አዪሲ ጎፔ፣ ኢ ባሬና ካሊያዋንታ «ታና፣ አሳ ናዓ፣ አሳይ አሳው አሊዳ አማናኔ ዋቆና፤ ታኒ ቃሲ ሄዙ ጋላሳፔ ጉዪያን፣ ሃይቆዋፔ ዳንዳና» ያጌዳ ታማሪሴ።

32 ሺን ኡንቱንቶ ኢ ጊያዌ ጌሊቤና፤ ቃሲ ኣ ኦቻናዉካ ያዩዲና።

ኡባፔ ኣዲያዌ ኦኔ?
(ማት 18:1-5፤ ሉቅ 9:46-48)

33 ኡንቱንቱ ቂፊሪናሆማ ጊያ ካታማ ቤዲኖ፤ ሶይ ጌሌዳዋፔ ጉዪያን፤ ዩሱሲ ኡንቱንታ፡ «ኦጊያን ኣያ ፓሉሜቲቲ?» ያጊዴ ኦቹዲ። 34 ሺን ኡንቱንቱ ቢዴ ኦጊያን፡ «ኦ ጊዲን ኦ ኡባፔ ኣዲያዌ ኦኔ?» ያጊዴ ፓሉሜቲዲ ዲራው፡ ጮቡ ጌዲና። 35 ዩሱሲ ኡቲዴ፡ ታማኔ ላዑ ባሬና ካሊያዋንታ ዪሲዴ ኡንቱንታ፡ «ኦኒኔ ሲንሳው ኣዳና ኮኖፔ፡ ኡባፔ ጉዬ ኣዲዴ፡ ሄ ኡባው ቆማ ጊዲናው ቤሴ» ያጊዴ።

36 ኢቲ ጉላ ናባ ኦይቂዴ፡ ኡንቱንቱ ጊዲን ኤሴዲ፤ ሄ ጉላ ናባ ኢዲሚዴ ኡንቱንታ፡ 37 «ሃዋንቱ ማላ ጉላ ናናፔ ኢቱዋ ታ ሱንላን ሞኪያ ኦኒኔ ታና ሞኬ፤ ቃሲ ታና ሞኪያ ኦኒኔ ታና ኪቲዳዋ ሞኪያዋፔ ኣቲን፡ ታ ዓላላ ሞኬና» ያጊዴ።

ዩሱሲ፡ «ኦባ ኤቁቴና ኡራይ ኦ ባጋ» ያጊዴ
(ሉቅ 9:49-50)

38 ዮሃንሲ ኣ፡ «ታማሪሲያዎ፡ ኢቲ ኣሳይ ኔ ሱንላን ኢታ ኣያናቱዋ ኬሲያዎ ኦኒ ቤዒዴ፡ ኦ ባጋ ጊዴና ዲራው፡ ኣ ዲጌዶ» ያጊዴ።

39 ሺን ዩሱሲ ያጊዴ፤ «ኦኒኔ ታ ሱንላን ማላታ ኦሊዴ፡ ኤሌካ ታ ቦላ ኢታባ ሃሳያናው ዲንዳዪያዌ ባዪና ዲራው ዲጎፒቲ፤ 40 ኣዪሲ ጎፔ፡ ኦባ ኤቁቴና ኡራይ ኦ ባጋ። 41 ታኒ ሂንቲንቶ ቱሙዋ ኦዳይ፤ ሂንቲ ታዋንታ ኪሪሰቶሳዋንታ ጊዲያ ዲራው፡ ኦኒኔ ሂንቲንቶ ታ ሱንላን ቡሊያ ሃላ ኡሻናው ኣሞፔካ፡ ባሬ ጋቲያ ኣካናዎ።

ናጋራ ጋሱዋ
(ማት 18:6-9፤ ሉቅ 17:1-2)

42 «ታና ኣማኒያ ሃ ጉላቱዋፔ ኢቱዋ ባሌሊያ ኦናኔ፡ ጋጨያ ዋጋ ዋፃ ኣ ቆዲያን ቃቹዴ፡ ኣባን ኣ ኦሊያዌ ኣው ሎዓ። 43-44 ኔ ኩሺ ኔና ባሌላፔ፡ ቃንፃ ኦላ፤ ኔኒ ላዑ ኩሺያና * ቃሲ ኡባካ ቶዔና ጋናሚያ ታማን ጌሊያዋፔ፡ ዲፃ ኩሺያና ዴዑዋ ጌሊያዌ ኔው ሎዓ። 45-46 ኔ ጌዲ ኔና ባሌላፔ፡ ቃንፃ ኦላ፤ ኔን ላዑ ጌዲያና ኡባካ ቶዔና ጋናሚያ ታማን ዩኔቲያዋፔ፡ ደማ ጊዲዴ

* 9:43-44 ሃራ ጌሻ ማፃፋ ቢሌላቲ፡ ጉዲኒ ሙሌ ሃይቁናሳኔ ቃሲ ሙሊካ ቶዔና ጋናሚያ ታማን፡ ያጌ። 9:45፡ 47 ያለቲ።

ደዑዎ ጌሊያዌ ኔው ሎዓ። 47-48 ኔ አይፊ ኔና ባሌሉ፤ ዎጫ ኦላ፤ ኔኒ ላዑ አይፊናና ኡባካ ቶዔና ጋናሚያ ታማን ዩጌቲያዎ፤ ኢቲ አይፊናና ያሳ ካዉቲላ ጌሊያዌ ኔው ሎዓ።

49 «ቁማን ማዲያ ዩጌያዎዳን፤ ታማይ አሳ ኡባ ቦላ ዩጌታና። 50 ማዲያ ሎዓ፤ ሺን ኢ ማልሳና ቆዮ፤ ዛሪዳ አዎቲ ማልዔላኒቲ? ሂንቲንቲን ማዲያ ደዎ፤ † ያቲዳ ኢቲ ኢቲዎና ሳርቲላን ደዒቲ» ያጌዳ።

10

ማቻቶ ዩዳናው ቤሴና (ማት 19:1-2፤ ሉቅ 16:18)

1 ዩሱሲ ሄዎ፤ ደንዲዳ፤ ዮርዳኖስ ሻፋ፤ ሄፊንላ ባጋና ዪሁዳ ጋዲያ ቤዳ። ጮራ አሳይ ሺሬቲዳ አኮ ሺቂና፤ ካሴ ኢ አሊያዎዳንካ ሄ አሳ ታማሪሱዎ ደሚዳ።

2 ኢቲ ኢቲ ፓሪሳዎቲ ፓጫናው ዩሱሳኮ ዩዳ፤ «ኢቲ አሳይ ባሪ ማቻቶ ዩዳናው ኮሲ ሂጊ አዛዚ?» ያጌዳ አ ኦቼዲኖ።

3 ኢ ዛሪዳ፤ «ሙሴ ሂንቲንታ ዋጊ አዛዜዳ?» ያጌዳ።

4 ኡንቲንቲ፤ «ሙሴ፤ ላኢቲ አሳይ ባሪ ማቻቶ ፓሪማ ኢሚዳ ዩዳ» ያጌዳ።

5 ዩሱሲ ዛሪዳ ኡንቲንታ፤ «ሂንቲንቲ ኦዲና ሲሴናዎንታ ጊዲያ ዲራው፤ ሙሴ ሃ አዛዙዎ ሂንቲንቶ ያፊዳ። 6 ሺን ያሳይ ኮይሮ ሜዲያ ዎዳ፤ አቲማ አሳኔ ማጫ አሳ ኦሊዳ፤ ኡንቲንታ ሜዲዳ። 7 ሄዎ ዲራው፤ ኢቲ አሳይ ባሪ አባኔ ባሪ ዳዮ አጊዳ፤ ባሪ ማቻቲና ኢቲዎ ጊዳ፤ 8 ኡንቲንቲ ላባቲ ኢቲ አሾ ጊዲኖ፤ ሄዎ ዲራው፤ ኡንቲንቲ ኢቲ አሳ ጊዲያዎ፤ አቲን፤ ላዑ አሳ ጊዲኪኖ። 9 ሄዎ ዲራው፤ ያሳይ ኢቲ፤ ጋሌዳዎ አሳይ ሻኮ?» ያጌዳ።

10 ኡንቲንቲ ሶይ ሲሜዳ ዎዳ፤ ዩሱሳ ካሊያዎንቲ ሃ ዩዉዎባ ዩሱሳ ዛሪ ኦቼዲኖ። 11 ዩሱሲ ኡንቲንታ፤ «ባሪ ማቻቶ ዩዲዳ፤ ሃራሮ አኪያ ኡራይ ኦኒኔ ኢዚና ዎሹሚ። 12 ቃሲ ማጫዉናካ ባሪ አሲና፤ ኬሳዳ ሃራ አሲና ጌሎ፤ ዎሹማው» ያጌዳ።

† 9:50 ሂንቲንቲን ማዲያ ደዎ፤ ሃዎ ጉሳይ ዩሱሳን አማኒያዎንቲ ባሪንቲ አማኑዎ፤ ደንዲ ጋሱዎን ኡንቲንቲ ቦላ ሜቲ ጋኪንቶካ ኢቲ ኢቲዎና ሳርቲላን ደዳናው ቤሴ።

ዩሱሲ ጉላ ናና አንጄዳ
(ማጥ 19:13-15፤ ሉቅ 18:15-17)

13 ዩሱሲ ጉላ ናና ቦቻና ማላ፡ ኢቲ ኢቲ አሳይ ናና አኮ አሄዳ፤ ሺን ዩሱሳ ካሊያዋንቱ ሄ አሳ ሴሬዲኖ። 14 ዩሱሲ ሄዋ ቤዒዳ፡ ባሬና ካሊያዋንታ ሃንቄቲዳ፤ ኡንቱንታ፡ «ጉላ ናናይ ታኮ ዩያዋንታ ዲጎፒቲ፤ እዩሲ ጎፔ፡ ያሳ ካወቲላይ ሃዋንቱ ማላሳ። 15 ታኒ ሂንቲንቶ ቱሙዋ ጋይ፤ ያሳ ካወቲላ ጉላ ናናደን እኬና ኡራይ ኦኒኔ ሄ ካወቲላ ኡባካ ጌሌና» ያጌዳ። 16 ጉላ ናና ኢዲሚዳ፡ ባሬ ኩሺያ ኡንቱንቱ ቦላ ሁጲያን ሁጲያን ዋሊዳ፡ ኡንቱንታ አንጄዳ።

ሚሻ ሲቁሳይ አሂያ ሜቱዋ
(ማጥ 19:16-30፤ ሉቅ 18:18-30)

17 ዩሱሲ ባናው ኬሴዳ ዋዳ፡ ኢቲ ቢታኒ ዋዳዴ ዩ አ ሲንላን ጉልባቲዳ፡ «ሎዎ ታማርሲያዎ፡ ሜዲና ዴቦዋ ላታናው ታኒ አያ ኦሎ?» ያጌዳ አ ኦቼዳ።

18 ዩሱሲ፡ «አዩሲ ታና ሎዎ ጋይ? ያሳ ዓላላፔ አቲን፡ ሃራ ሎቡ ኦኒኔ ባዋ። 19 ያሳ አዘዙዋ፡ <ዋዲ፣ ዋሹዋ፣ ወደ፣ ዋርዲዋ ማርካቶ፣ ጨዋ፣ ኔ አባኔ ኔ ዳዮ ቦንቻ» ያጌያዋ ኤራሳ» ያጌዳ።

20 ቢታኒ ዩሱሳ፡ «ታማሪሲያዎ፡ ታኒ ሄዋ ኡባ ናናቲላፔ ዶማዴ ሃዒ ጋካናወካ ናጋይ» ያጌዳ።

21 ዩሱሲ ቢታኒያ ዶሴዳ፤ አ ጫዲ ያሊዳ፡ «ኔው ኢቲባይ ፓጩዳ፤ ባዴ ኔው ዴዲያባ ኡባ ዘልዳዳ፡ ሄ ሚሻ ሂዩሳው እማ፤ ኔን ሳሉዋን ዲሬታና። ያቶዋፔ ጉዩያን ያዴ ታና ካላ» ያጌዳ።

22 ሺን ቢታኒ ሄዋ ሲሲዳ፡ ኢ ዳር ዲሬ ገዲያ ዲራው፡ ባሬ ሶምዒያ ዲሚሲዳ፡ ናሹቲናን አገዴ ቤዳ።

23 ዩሱሲ ባሬና ካሊያዋንታ ዩሺ አሏ ያሊዳ፡ «ዳር ዲሬ አሳይ ያሳ ካወቲላ ጌላናው ዋኒ ሜታንዴሻ!» ያጌዳ።

24 አ ካሊያዋንቱ አ ሃሳያ ሲሲዳ ማላሌቲዲኖ፤ ሺን ዩሱሲ ቃሲካ ኡንቱንታ፡ «ናቶ፡ ያሳ ካወቲላ ጌላናው ዋቲ ሜታንዴሻ!»

* 25 ዲሬ አሳይ ያሳ ካወቲላ ጌላናዋ፡ ጋሉ ማርፒያ ያዲያና አቆናዌ ማታቲ» ያጌዳ።

26 ዩሱሳ ካሊያዋንቱ ማላሌቲዳ፡ «ያቲና፡ ኦኒ አታናው ዲንዳዩያዋ?» ያጌዳ ኢቲ ኢቲዋ ኦቼዲኖ።

10:19 ኬስ 20:12-16፤ ዛር 5:16-20 * 10:24 ዋቲ ሜታንዴሻ፡ ሃዋ ኢቲ ኢቲ ቢሉላይ ባሬው ዴዲያባን አማኔቲያ አሳ ያጌ።

27 ዩሱስ ኡንቴንታ ጫዲ ጭሊዳ፡ «ሃዌ ያሳው ዳንዳዬቲያዋፔ ኣቲን፡ ኣሳው ዳንዳዬቲና፤ ኣዩሲ ጎፔ፡ ያሳው ኡባባይካ ዳንዳዬቲ» ያጌዳ።

28 ጳውሎስ ዩሱሳ፡ «ቤዓ፤ ኮኒ ኩባ ኡባ ኣጊዳ፡ ኔና ካሌዶ» ያጌዳ።

29 ዩሱስ፡ «ታኒ ሂንቴንቶ ቱሙዋ ጋይ፤ ታ ዲራዉኔ ዋንጋላ ሚሺራቹዋ ዲራው፡ ጎሊያ ዋይ ኢሻቱዋ ዋይ ሚቻቱዋ፡ ዋይ ኣዉዋ ዋይ ኣቶ ዋይ ማቻቶ፡ ዋይ ናና ዋይ ጋዲያ ኣጌዳ ኣሳይ ኦኒኔ፡ 30 ሃዒ ሃ ዋዲያን ጭቱ ዳኩዋፔ ዳሪያ ጎሊቱዋ፡ ኢሻቱዋ፡ ሚቻቱዋ፡ ኣቶ፡ ናና፡ ጋዲያ፡ ቃሲ ሜቱዋካ ኣካናዋ። ሲንጻፔ ያና ዋዲያንካ ሜዲና ዳዑዋ ኣካናዋ። 31 ሺን ጮራቱ ሃዒ ሲንጻን ዳዒያዋንቱ ጉዬ ኣቆና፤ ቃሲ ጮራቱ ሃዒ ጉዬን ዳዒያዋንቱ ሲንጻው ኣቆና» ያጌዳ።

ዩሱስ ባሬና ጋካና ሜቱዋባኔ ሃይቁዋባ ሄዜንሉዋ ኦዳዳ (ማት 20:17-19፤ ሉቅ 18:31-34)

32 ኡንቴንቱ ዩሩሳሌም ቢዳ፡ ኣጊያን ዳዒና፤ ዩሱስ ባሬና ካሊያዋንቱ ሲንጻና ሃሜቲ። ኡንቴንቱ ማላሌቲዲና፤ ኣ ካሊያዋንቱ ያዬዲና። ዛሪዳ ታማኔ ላዑ ባሬና ካሊያዋንታ ጋዩ ኬሲዳ፡ ባሬና ጋካናባ ዲማዪዳ ኡንቴንቱሲ ሃዋዳን ያጊዳ ኦዳዳ፤ 33 «ቤዒቲ፤ ኮኒ ዩሩሳሌም ሃዒ ኬሶይቲ፤ ያኒ ታና፡ ኣሳ ናና፡ ቁሳቱዋ ካፓቱዋሲኔ ሙሴ ሂጊያ ታማርሲያዋንቱሲ ኣሊዳ ኢማና። ኡንቴንቱ ታ ቦላን ሃይቁዋ ፒርዳ ፒርዳና፤ ቃሲ ኣዩሁዳ ጊዳና ኣሳሲካ ታና ኣሊዳ ኢማና። 34 ሄ ኣዩሁዳ ጊዳና ኣሳይ ታ ቦላ ቁሊጫናኔ ጩቻና፤ ታና ሊሱዋን ሸጫናኔ ዋቆና፤ ታኒ ቃሲ ሄዙ ጋላሳፔ ጉዩያን፡ ሃይቁዋፔ ዳንዳና።»

ያዩቆቢኔ ዮሃኒሲ ዋሴዳ ዋሳ (ማት 20:20-28)

35 ዛቢዲዮሳ ናናይ ያዩቆቢኔ ዮሃኒሲ ዩሱሳኩ ዩዳ፡ «ታማሪሲያዋ፡ ኮኒ ኔና ዋሲያባ ኡባባ ኮሲ ኦላሪኪ» ያጌዲና።

36 ዩሱስ ኡንቴንታ፡ «ታኒ ሂንቴንቶ ኣያ ኦሎ?» ያጌዳ።

37 ኡንቴንቱ ኣ፡ «ኔ ቦንቾ ካዉቲላን ኔኒ ኡቲያ ዋዳ፡ ኦፔ ኢቱዋ ኔፔ ኡሼቻ ባጋና ቃሲ ኢቱዋ ሃዲርሳ ባጋና ኡቲሳሪኪ» ያጌዲና።

38 ሺን ዩሱስ ኡንቴንታ፡ «ሂንቴንቱ ኣያ ዋሳናው ቤሲንቶካ ኤሪኪታ፤ ታኒ ኡሻናው ቤሲያ ሜቱዋ ፀዓ ኡሻናው ዳንዳዩቲ?»

ቃሲ ታኒ ፃማቂታናው ቤሲያ ዲንቃታ † ፃማቂታናው ዳንዳዪቴ?» ያጌዲ።

39 ሄዋፔ ጉዬ ኡንቱንቱ ዛሪዳ፥ «ኤ ዳንዳዪቶ» ያጌዲኖ።

ዬሱሲ ቃሲ፥ «ታኒ ኡሻናው ቤሲያ ሜቱዋ ፀዓ ሂንቴ ኡሻና፤ ታኒ ፃማቂታናው ቤሲያ ዲንቃታካ ሂንቴ ፃማቂታና። 40 ሺን ታፔ ኡሹቻ ባጋናኔ ሃዲርሳ ባጋና ኡታናዋንታ ደሪያዌ ታና ጊዲኬ፤ ሺን ሄ ሳዓይ ያሳይ ኢማናው ገገሲ ዋሴዳዋንቱሳ» ያጌዲ።

41 ዮኮ ታው ዬሱሳ ካሊያዋንቱ ሄዋ ሲሴዳ ዋዴ፥ ያዩቆባኔ ዮሃንሳ ሃንቄቲዲኖ። 42 ዬሱሲ ኡንቱንታ ኡባ ባሬኮ ያሲዳ፥ ሃዋዲን ያጌዲ፤ « (አዪሁዳ ጊዴናዋንታ ሞዲያዋንታ) ጊዴ ቆፒያዋንቱኔ ሄዋንታ ካሌሊያ አሳቱ ባሬንቱ አሳ ሞዲያዋ ኤሪታ።

43 ሺን ሂንቴ ጊደን ሄዋ ማላ ጊዴና፤ ሂንቴ ጊደን ዋጋታና ኮዪያ ኦኒኔ ሂንቴንቶ ቆማ ጊደናው ቤሴ። 44 ቃሲ ሂንቴ ጊደን ኡባፔ ቦላ ጊደና ኮዪያ ኦኒኔ ሂንቴ ኡባው አዪሌ ጊደናው ቤሴ። 45 አዪሲ ጎፔ፥ ሃራይ አቶ ታኒ፥ አሳ ናዓይካ፥ አሳው አላናዉኔ ጮራቱዋ ዋዛናው ዬዳዋፔ አቲን፥ አሳይ ታው አላና ማላ ያበይኬ» ያጌዲ።

**ዬሱሲ ቆቃ ባርፃሞሳ አይፊያ ፓሴዳ
(ማጥ 20:29-34፤ ሉቅ 18:35-43)**

46 ኡንቱንቱ ኢያርኮ ጊያ ካታማ ቤዲኖ፤ ዬሱሲ ባሬና ካሊያዋንቱናኔ ጮራ አሳና ኢያርኮፔ ኬሲሺን፥ ዲሞሳ ናዓይ ቆቃይ፥ ባርፃሞሳ ጊያዌ፥ ኦጊያ ዶናን ዋሲዳ ኡቴዳ። 47 ባርፃሞስ ናዚሬቲያ ዬሱሳ ጊዴዳዋ ሲሲዳ፥ ባሬ ኮሻ ቶቁ ኦሊዳ፥ «ዳዊቲ ናዓ ፥ ዬሱሳ፥ ታና ማራሪኪ!» ያጉሳ ደሜዳ።

48 ጮራ አሳይ አ፥ «ሃይዛ!» ጊዴ ሃንቄቲዳ።

ሺን፥ ኢ ባሬ ኮሻ ካሴዋፔካ ዳሪሲ ቶቁ ኦሊዳ፥ «ዳዊቲ ናዓው፥ ታና ማራሪኪ!» ያጌዲ።

49 ዬሱሲ ኦጊያን ኤቂዳ፥ «አ ሃ ያሲቴ» ያጌዲ።

ኡንቱንቱ ቆቃ፥ «አይኔ ባዋ፤ ዳንዳ ኤቃ፤ ኔና ያሲ» ያጌዴ ያሲዲኖ። 50 ቆቃይ ባሬ ማዩዋ ኦሊ አጊዳ፥ ጉፒ ዳንዲ ኤቂዳ፥ ዬሱሳኮ ቤዳ።

51 ዬሱሲ አ፥ «ታኒ ኔው አያ አላናው ኮያይ?» ያጌዲ።

ቆቃይ፥ «ታማሪሲያዎ፥ ታኒ ያላናዋ ኮያይ» ያጌዲ።

† 10:38 ዲንቃታ፡ ሃዋ ጉሳይ ዬሱሳ ጋኬዳ ሜቱዋ ፀዓ ጉሳ። ፥ 10:47 ዳዊቲ ናዓ፡ አዪሁዳ አሳቱ ያሳን ኦኬቶዌ ዳዊቲ ዜሬላፔ ዬሌታናዋ ያጊዴ ቆፒያ ዲራው፡ ያሳን ኦኬቶዌ «ዳዊቲ ናዓ» ያጌቲ ያሲቴ።

52 ዩሱሲ አ፡ «ባ፤ ኔ አማኑ ኔና ፓሌዳ» ያጌዳ። ኤሌካ አ አይፊ ያሊ አገና፡ ኦጊያን ዩሱሳ ካሊ አጌዳ።

11

ዩሱሲ ዋልቃማ ቦንቹዋን ዩሩሳሌም ጌሌዳ

(ማት 21:1-11፤ ሉቅ 19:28-40፤ ዮሀ 12:12-19)

1 ኡንቱንቱ ዩሩሳሌም ማቲዳ፡ ዳብሬ ዛይቲ ዳሪያ ማታን ዳዒያ ቤቴፋጌኔ ቢታኒያ ጋኬዲኖ፤ ዩሱሲ ባሬና ካሊያዋንቱፔ ላዑዋ ሲንላው ከቲዳ፡ 2 «ሂንቱንቱ ሲንላን ዳዒያ ሂራ ቤቲ፤ ያ ጌሎሳና ኦኒኔ ኡባ ቶጊቤና ቃሹዋን ዳዒያ ሃሬ ማራ ሂንቱ ዳማና፤ አ ቢሊ ሃ አኪዳ ዩቲ። 3 ኦኒኔ ሂንቱንታ፡ «ሂዋ አዩሲ ኦሊቲ?» ያጊዳ ኦቾፔ፡ ሳዳው * ሃዌ ኮሼ፤ ኤሌካ ዛሪ ሃ ዩዳናዋ) ያጊቲ» ያጌዳ።

4 ኡንቱንቱ ቢዳ፡ ሃሬ ማራ ፔንጊያ ማታን ኦጊያን ቃቺ ዋሌዳዋ ዳሚዳ ቢሌዲኖ። 5 ሄዋን ኤቄዳ ኢቲ ኢቲ አሳቱ ኡንቱንታ፡ «ሃሬ ማራ ዋታናው ቢሊቲ?» ያጌዲኖ። 6 ዩሱሳ ካሊያዋንቱ ዩሱሲ ባሬንታ አዘዘዳዋ ኦዲና፡ አሳቱ ዩዲ አጌዲኖ። 7 ኡንቱንቱ ሃሬ ማራ ዩሱሳኮ አሂዳ፡ ባሬንቱ ማዩዋ አ ዘኪያን ዋሌዲኖ፤ ዩሱሲ ሄ ሃሬ ማራ ቶጌዳ። 8 ጮራ አሳይ ባሬንቱ ማዩዋ ኦጊያን ሃዳዳ፤ ቃሲ ሃራንቱ ሚላ ሃይላ ካር ካሪዳ፡ ኦጊያን ሃዳዲኖ። 9 ዩሱሳፔ ሲንላና ሃሜቲያ አሳይኔ አ ጌዲዋ ካሊያ አሳይ ባሬንቱ ኮሻ ቶቄ ኦሊዳ፡

«ዖሳይ ጋላቲቶ!

ጎዳ ሱንላን ዩያዌ አንጄቲዳዋ።

10 ጎዳ ሱንላን ዩያ ኑ አዉዋ ዳዊቲ ካዉቴላይ አንጄቲዳዋ። ሳሉዋ ኡባፔ ቦላ ሳሉዋን ዳዒያ ዖሳይ ጋላቲቶ» ያጌዲኖ።

11 ዩሱሲ ዩሩሳሌም ቢዳ፡ ጌሻ ጎሊያ ጌሌዳ፤ ቃሲ ኡባባ ዩዩ ዩዩ ያሌዳዋፔ ጉዩያን፡ ሳዓይ ቃሚያ ዲራው፡ ታማኔ ላዑ ዩሱሳ ካሊያዋንቱና ቢታኒያ ቤዳ።

ዩሱሲ ሽቄዳ ባላሲያ ሚላቶ (ማት 21:18-19)

* 11:3 ጎዳ፡ ሃዋ ጉሳይ ሃሪያ ጎዳ። 11:9 ማዘ 118:25-26

12 ዋንቱላ ጋላሲ ኡንቱንቱ ቢታኒያፔ ኬሲዳ ቢሺን፣ ዩሱሲ ኮሻቱዳ። 13 ሃኩዋን ኢቲ ባላሲያ ጊያ ሚላቶ ሃይላ ማያ ኡቴዳወኖ ቤዒዳ፣ ኦኒ ኤሪ ኢ ቦላ ኣይፊ ቤቶፔኔ ጊዳ፣ ቤዓናው ኢዚኮ ቤዳ፤ ሺን ኢዚኮ ኢ ቢያ ዋዳ፣ ሃይላ ፃላላፔ ኣቲን፣ ኣይኔ ኣይፊያ ዳሚቤና፤ ኣዩሲ ጎፔ፣ ባላሲ ኣይፊያ ዋዳ ጋኪቤና። 14 ዩሱሲ ሄ ባላሳቶ፣ «ኔፔ ሺሬቲዳ ሜዲናው ኦኒኔ ኣይፊያ ዋፖ» ያጌዳ። ዩሱሳ ካሊያዋንቱ ኢ ጊያዋ ሲሴዲኖ።

ዩሱሲ ጌሻ ጎሊያን ዛሊዒያዋንታ ኬሴዳ
 (ማጥ 21:12-17፤ ሉቅ 19:45-48፤ ዮሀ 2:13-22)

15 ኡንቱንቱ ዩሩሳላሚ ቤዲኖ፤ ዩሱሲ ጌሻ ጎሊያ ጌሊዳ፣ ሄዋን ዛሊዒያዋንታኔ ሻሚያዋንታ ካሬ ዩዳርሱዋ ደሜዳ፤ ቃሲ ሚሻ ለሚያዋንቱ ፃራጴዛኔ ደጎሙዋ ዛሊዒያዋንቱ ኦይዲያ ኣሊ ዩጊዳ፣ 16 ኦኒኔ ኣዩንቶ ቶኪዳ፣ ጌሻ ጎሊያ ጊቢያ ጊደና ኣዳናዋ ዲጌዳ። 17 ዩሱሲ ኣሳ ሃዋዳን ያጊዳ ታማሪሴዳ፣ «ፆሳ ማፃፋን፣ ናጎ ጎሊ ኣዩሁዳ ጊዳና ኣሳይ ኡባይ ፆሳ ዋሲያ ጎሌ ጌቲታና» ያጊቲዳ ፃፊቲ ኡቴዳ፤ ሺን ሂንቲ ኣ ቦንቃንቻቱ ቆሴቲያ ጎንጎሉዋ ኬሴዲታ።»

18 ቄሳቲዋ ካፓቲኔ ሙሴ ሂጊያ ታማርሲያዋንቱ ሄዋ ሲሲዳ፣ ኣ ዋዳና ኦጊያ ኮሻ ደሜዲኖ፤ ሺን ጮራ ኣሳይ ኢ ታማሪሲያዋን ማላሌቲያ ዲራው፣ ኣው ያዩዲኖ።

19 ሳባይ ኦማርሴዳ ዋዳ፣ ዩሱሲኔ ኣ ካሊያዋንቱ ካታማፔ ጋፃ ኬሴዲኖ።

ባላሲያ ጊያ ሚላታ ሚላዳ
 (ማጥ 21:20-22)

20 ኡንቱንቱ ዋንቱላ ጋላሲ ጉራ ኦጊያና ኣዲዳ፣ ሄ ባላሳታ ፃጴዋና ሚላዲጌዳወኖ ቤዒዲኖ። 21 ጳይሮሲ ሃሳዩዳ፣ «ታማሪሲያዋ፣ ቤዓ፤ ኔን ሸቄዳ ባላሳታ ሚላዲጋዲ» ያጌዳ።

22 ዩሱሲ ዛሬዳ፣ ኡንቱንታ ሃዋዳን ያጌዳ፤ «ፆሳ ኣማኒቲ። 23 ታኒ ሂንቲንቶ ቱሙዋ ጋይ፤ ኦኒኔ ባሬ ዋዛናን ሲዲናን ባሬ ጌዳባይ ሃናናዋ ኣማኒዳ፣ ሃ ዳሪያ፣ ሩዳዳዳ ኣባን ኩንዳ) ጎፔ ሃናና። 24 ሄዋ ዲራው፣ ፆሳ ሂንቲ ዋሲያባኔ ኦቲያባ ኡባ ኣኪዲጎዋዳን ኣማኒቲ፤ ሂንቲ ኣካና። 25 ፆሳ ዋሳናው ሂንቲ ኤቂያ ዋዳ፣ ሳሉዋን ዳዒያ ሂንቲ ኣጢ ሂንቲ ናጋራ ኣቶ ጋና ማላ፣ ኦኒኔ ሂንቲንታ ናቄዳባይ ዳፆፔ፣ ኣው ኣቶ ጊቲ። 26 ሺን ኣሳ ናጋራ

ሂንቲ አቶ ጋና ጳዮፔ፣ ሳሉዋን ዳዲያ ሂንቲ አጫካ ሂንቲ ናጋራ ሂንቲንቶ አቶ ጌና።»

ዩሱሲ አያ ማታኒ ኦሴ ጊያ ኦሻ
(ማት 21:23-27፤ ሉቅ 20:1-8)

27 ኡንቲንቲ ቃሲካ ዩሩሳላሜ ቤዲኖ፤ ዩሱሲ ጌሻ ጎሊያን ሃሜቲሺን፣ ቁሳቱዋ ካፓቱ፣ ሙሴ ሂጊያ ታማሪሲያዋንቲኔ ጨማቱ ዩሱሳኮ ዩዲኖ። 28 አ፣ «ኔኒ ሃዋ ኦሳናው ኔው አይ ማታይ ዳዲ? ዋይ ኔው ሃ ማታ ኢሜዳዌ ኦኔ?» ያጌዲኖ።

29 ዩሱሲ ዛሪዬ ኡንቲንታ፣ «ታኒካ ሂንቲንታ ኢቲባ ኦቻና፤ ታው ኦዲቲ፤ ታኒ ቃሲ ሃዋ አይ ማታን ኦሳይታንቶ፣ ሂንቲንቶ ኦዲና። 30 ዮሃኒሲ ፃማቂያ ማታ ኦኬዳዌ ያሳፔዬ ዋይ ኦሳፔ? ታው ኦዲቲ» ያጌዲኖ።

31 ኡንቲንቲ ባሪንቲ ጊደን ፓሉማ ደሚዳ፣ «ኦኒ፣ (ያሳፔ ዩዳ) ያጎፔ፣ ኢ ኦና፣ (ያቲና፣ ዮሃኒሲ ኦዳዳዋ ኦዲሲ ኦማኒቤይኪቲ?) ያጋና። 32 ሺን፣ (ኦሳፔ ዩዳ ጋኔ?) » ያጌዲኖ፤ ቃሲ ኦሳይ ኡባይ ዮሃኒሲ ናቢያ ጊዳዳዋ ኤሪያ ዲራው፣ ኦሳው ያዩዲኖ። 33 ሄዋ ዲራው፣ ኡንቲንቲ ዩሱሳው፣ «ኦኒ ኤርኮ» ያጊዳ ዛሪዲኖ፤

ዩሱሲ፣ «ታኒካ ሃዋ አይ ማታን ኦሳይታንቶ፣ ሂንቲንቶ ኦዲኬ» ያጌዲኖ።

12

ዋዪኒያ ቱራ ቶኪያ ኦሳንቻቱዋ ለሚሱዋ
(ማት 21:33-46፤ ሉቅ 20:9-19)

1 ዩሱሲ ኡንቲንቶ ኦዲዋ ለሚሱዋን ያጊዳ ደሚዳ፤ «ኢቲ ቢታኒ ዋዪኒያ ጊያ ቱራ ቶኪዳ፣ ዲርሳ ዩሺ ኦሴዳ ዲራዳ፤ ቃሲ ሄ ዋዪኒያ ጉሚዲያ ኦሳካ ቦኬዳ፤ ሄዋ ናጊያ ኦሳው ናጊያሳ ኬዳዳ፤ ሄዋፔ ጉዪያን፣ ኮሳ ኦሴያ ኦሳው ኢሚዳ፣ ሃራ ጋዴ ቤዳ።

2 ዋዪኒያ ኦይፊያ ማዲያ ዋዲ ጋኪና፣ ባሪና ጋኪያዋ ኦኪዳ ያና ማላ፣ ኢቲ ቆማ ባሪ ኮሳዋቱዋኮ ኪቲዳ። 3 ኮሳ ኦሴያዋንቲ ኦ ቆማ ኦይቂ ዋዲዳ፣ ኩሼ ሜላ ዩዳዲኖ። 4 ላዔሉዋ ሃራ ቆማ ኡንቲንቲኮ ኪቲዳ፤ ኡንቲንቲ ሄ ቆማ ሁጲያ ጳልቂዳ ፖኪሲ ዩዳዲኖ። 5 ዋዪኒያ ቱራ ጎዳይ ቃሲካ ሃራ ቆማ ኪቲዳ፤ ሄ ቆማ ዋዲዲኖ፤ ቃሲ ሃራ ጮራቱዋካ ሄዋዳን ኦሴዲኖ፤ ኢቲዋ ኢቲዋ ዋዲዳ፣ ሃራቱዋ ዋዲዲኖ።

12:1 ኢሳ 5:1-2

6 «ዎዲኒያ ቱራ ጎዳው ኪታናው ኡባፔ ወርሴላን ኢ ዳሪ ሰቋያ አ ናዓ ፃላላይ አቴዳ፤ ኢ፡ ለኢንቴንቴ ታ ናዓ ቦንቹናን ኣጊሲና» ጊዴ፡ ባሬ ናዓ ኢንቴንቴኮ ኪቴዳ።

7 «ሺን ኮላ ኦሴያዎንቴ ባሬንቴ ጊደን፡ ለታናዌ ሃዎ፤ ቢዴ አ ዎዲይቴ፤ አው ደዒያዌ ኦዎ ጊዳና!» ያጌዲኖ። 8 ናዓ ኦይቂ ዎዲዴ፡ አ አጋ ዎዲኒያ ቱራ ጊደፔ ጋፃ ኬሲ ኦሌዲኖ።

9 «ሲሚ ዎዲኒያ ቱራ ጎዳይ ዎታኔ? ዪዴ ሄ ኮላዎቱዎ ዎዲ ወርሲዴ፡ ዎዲኒያ ቱራ ኮላ ኦሴያ ሃራ አሳው ኢማናዎ።

10-11 ገምቢያዎንቴ ካዲ ኢዴዳ ሹቻይ

ጎዳ ፃጶዎ ሚኒሲያ፡
ኡባፔ አዲያ ሹቻ ጊዴዳ።

ሃዌ ጎዳይ ኦሴዳዎ፤
ቃሲ ኦናካ ማላሊሲያዎ)
ያጊያዎ ያሳ ማፃፋፔ ናባቢቤይኪቴ?» ያጌዳ።

12 ቄሳቱዎ ካፓቱ፡ ሂጊያ ታማሪሲያዎንቴኔ ጨማቱ ዬሱሲ ሄ ለሚሱዎ ባሬንቴን ለሚሴዳዎ ኤሬዳ ዲራው፡ አ ኦይቃናው ኮዬዲኖ፤ ሺን አሳው ያዪዴ፡ ባሺ ቤዲኖ።

ጊራ ጊራኔ አጋኔ ጊያ ኦሻ
(ማት 22:15-22፤ ሉቅ 20:20-26)

13 ቃሲ አ ሃሳያፔ ባላ ዳማና ማላ፡ ፓሪሳዎቱዎፔኔ ሄርዲሳ ባጋቱዎፔ * አማራዳዎንቴ አኮ ኪቲና ዪዴ፡ 14 «ታማሪሲያዎ፡ ኔኒ ቱሙዎ ሃሳዪያዎኔ አሳፔ አሳ ሻኬናዎ ኦኒ ኤሬቶ፤ አዪሲ ጎፔ፡ ኔኒ አሳ ዲማያካ፤ ቃሲ ያሳ ኦጊያ ቱማቴላን ታማሪሳ። ኦኒ ሮማ ካቲያ ቄሳሬው ጊራ ጊሪያዌ ዎጌዬ ዎጋ ጊዴኔ? ጊራ ጊራኔዬ ዲጋኔ?» ያጌዲኖ።

15 ሺን ኢንቴንቴ ሎዓ ማላቲያ ኢታ አሳ ጊዴዳዎ ዬሱሲ ኤሪዴ፡ «ታና አዪሲ ፓጩቴ? ኢቲ ሳንቲሚያ ሃ ታኮ አሂቴ፤ ታኒ አኔ ቤናና» ያጌዳ። 16 ኢንቴንቴ አው አሄዲኖ፤ «ሃ ማላይኔ ሰንሳይ ኦዌ?» ያጊዴ ኢንቴንታ ኦቹዳ።

ኢንቴንቴ፡ «ቄሳሬዎ» ያጌዲኖ።

17 ዬሱሲ ዛሬዴ ኢንቴንታ፡ «ያቶፔ፡ ቄሳሬዎ ቄሳሬሲ፡ ያሳዎ ያሳሲ ኢሚቴ» ያጊና ኢንቴንቴ አባ ማላሊቴዲኖ።

12:10-11 ማዝ 118:22-23 * 12:13 ሄርዲሳ ባጋቱዎ፡ ሃዎንታ ጉሳይ ሄዎዴ ዳዒያ ካወቱላ ፖሌቲካ ባጋና ካሴ ዎጋ ሄርዲሳኔ አ ናዓ ሄርድ አንቲጳሳ ባጋቱዎኔ ኢንቴንታ ካሊያ አሳቱዎ።

ሃይቁዋፔ ዴንዲዋ ኦሻ
(ማት 22:23-33፤ ሉቅ 20:27-40)

18 ሃይቁዳ አሳይ ዴንዴና ጊያ ሳዲቃዋናቱዋፔ ኢቲ ኢቲ አሳቲ ዩሱሳኮ ዩዴ፣ ሃዋዳን ያጊዴ፣ አ ኦቼዲና፤ 19 «ታማሪሲያዎ፣ ሙሴ ኩሲ ሂጊያ ፃፊዴ፣ ሮማቻቶ አኩዳ አሳይ ናዓ ዩሌናን ሃይቆፔ፣ ሄ ሃይቁዳዋ አሻይ አ ማቻቶ ላቲዴ፣ ባሬ አሻው ናዓ ዩላናው ቤሴ) ያጊያዋ ፃፊዴ። 20 ኢቲ ዋዴ ላፑ አሻቲ ዴዒያዋንቲፔ ባይራይ ማቻቶ አኩዴ፣ ናዓ ዩሌናን ሃይቁዳ። 21 ላዔሊያ አሻይ ኢዞ አኩዳ፤ ኢካ ናዓ ዩሌናን ሃይቁዳ፤ ሄዜንሊያዊካ ሄዋዳን ሃኔዳ። 22 ላፑናቲካ ኢዞ አኩዴ፣ ናዓ ዩሌናን ሃይቁዲና፤ ኡባፔ ጉዩያን፣ ቃሲ ሄ ሚሺራታ ሃይቃዲ። 23 ያቲና፣ ሃይቁዳ አሳይ ሃይቁዋፔ ዴንዲያ ዋዴ፣ ኢዞ ኡንቲንቲፔ ሃቃዋ ማቼ ጊዳኔ? አዩሲ ጎፔ፣ ላፑናቲካ ኢዞ አኩዲና»።

24 ዩሱሲ ዛሪዴ ኡንቲንታ፣ «ሂንቲንቲ ባሌቲያዎ፣ ያሳ ማፃፋቲዋኔ አ ዋልቃ ኤሬና ዲራሳ! 25 አዩሲ ጎፔ፣ ሃይቁዳ አሳይ ሃይቁዋፔ ዴንዲያ ዋዴ፣ ሳሉዋን ዴዒያ ከታንቻቲዋ ማላ ጊዳናፔ አቲን፣ አቲማ አሳይኔ አኬና፤ ማጫ አሳይኔ ጌሌና። 26 ሺን ሃይቁዳዋንቲ ዴንዲዋባ ጊዳፔ፣ ሙሴ ማፃፋን ፃፊቲዳ ፃራጋይ ሚያ ቡራባ ኦዲያ ሳዓን፣ ያሳይ ሙሳ፣ ጎታኒ አብራሃሜ ያሳ፣ ዩሳቃ ያሳ፣ ያዩቆባ ያሳ) ጊዲያዋ ኡባካ ናባቢቤይኪቲ? 27 ኢ ፓፃ ዴዒያዋንቲ ያሳ ጊዲያዋፔ አቲን፣ ሃይቁዳዋንቲ ያሳ ጊዴና፤ ሂንቲ ዳሪሲ ባሌዲታ» ያጌዳ።

ኡባፔ አዲያ አዛዙዋ
(ማት 22:34-40፤ ሉቅ 10:25-28)

28 ሂጊያ ታማሪሲያዋንቲፔ ኢቲ ኡንቲንቲ ፓሉሜቲያዋ ሺቂዴ ሲሴዳ፤ ቃሲ ዩሱሲ ኡንቲንቲ ሎፃ ዛሪዳዋ ሲሲዴ፣ «አዛዙዋ ኡባፔ አዲያ አዛዙ ሃቃዌ?» ያጊዴ ዩሱሳ ኦቼዳ።

29 ዩሱሲ ዛሪዴ፣ አ «አዛዙዋ ኡባፔ አዲያ አዛዙዋ፣ ሲሲራዔሊያ አሳይ ሲሲቲ፣ ጎዳይ ኑ ያሳይ ኢቲ ጎዳ። 30 ሂንቲንቲ ጎዳ ሂንቲ ያሳ ሂንቲ ኩሚንሳ ዋዛናፔ፣ ሂንቲ ኩሚንሳ ሺዎፑዋፔ፣ ሂንቲ ኩሚንሳ ቆፋፔ፣ ሂንቲ ኩሚንሳ ዋልቃፔ ሲቂቲ» ያጌ። 31 ቃሲ አዛዙዋ ኡባፔ አዲያ ላዔንላ አዛዙ ሃዋ፤ ሳኒ ኔ ሸሩዋ ኔ ሁጲያዳን ሲቃ) ጊያዋ፤ ሃዋንቲፔ አዲያ ሃራ አዛዙ ባዋ» ያጌዳ።

12:19 ዛር 25:5 12:26 ኬስ 3:6 12:29 ዛር 6:4-5 12:31 ዋግ 19:18

32 ሂጊያ ታማሪሲያዊ ዬሱሳ ያጌዳ፤ «ታማሪሲያዎ፡ ቱሙዋ ጋዳ፤ ኔኒ ሩዳይ ኢቲ ያሳ ፃላላ። ኣፔ ኣቲን፡ ሃራይ ባዋ) ጌዳዌ ቱማ። 33 ያሳ ኩሚንሳ ዋዛና፤ ኩሚንሳ ቆፋፔኔ ኩሚንሳ ዋልቃፔ ደሲያዌኔ ቃሲ ባሬ ሸሩዋካ ባሬ ሁጲያዳን ሲቂያዌ፡ ጉዲያ ያርሹዋፔኔ ሃራ ያርሹዋ ኡባፔ ኣጼ» ያጌዳ።

34 ዬሱሲ ሂጊያ ታማሪሲያዊ ዛሩ ኣጼ ኤራንቻ ኣሳ ዛሩዋ ጊዳዳዋ ቤዒዳ፡ «ኔኒ ያሳ ካጫቲላፔ ሃካቤይካ» ያጌዳ፤ ሄዋፔ ጉዲያን፡ ዬሱሳ ሃራባ ኣቻናው ኦኒኔ ፃሊቤና።

«ዬሱሲ ኦ ናዔ» ያጊያ ኦሻ
(ማት 22:41-46፤ ሉቅ 20:41-46)

35 ዬሱሲ ጌሻ ጎሊያን ታማሪሲዳ፡ «ሂጊያ ታማሪሲያዋንቱ ኪሪሰቶሳ ዋቲ ዳዊቲ ናዓ ጊኖ? 36 ዳዊቲ ባሬና ጌሻ ኣያናይ ሃሳዪሲና፡

ሳሳዳይ ታ ጎዳ፡ «ታኒ ኔ ሞርኬቱዋ ኔኒ ዬጳ ኤቂያባ ኣላና ጋካናው፡

ሃዋን ታፔ ቦንቹታዳ ኡሼቻ ባጋና ኡታ» ጌዳ) ያጌዳ። 37 ዳዊቲ ባሬ ሁጲው ኪሪሰቶሳ፡ ሳሳዳ) ጊዳ ፃሪፔ፡ ያቲና፡ ኪሪሰቶሲ ዋኒዳ፡ ዳዊቲ ናዓ ጊዲ?» ያጌዳ።

ጮራ ኣሳይ ዬሱሲ ጊያዋ ናሼቻን ሲሴዳ።

ዬሱሲ፡ «ሙሴ ሂጊያ ታማሪሲያዋንቱና ናጌቲቲ» ያጌዳ
(ማት 23:1-36፤ ሉቅ 20:45-47)

38 ዬሱሲ ታማሪሲዳ፡ «ሂጊያ ታማሪሲያዋንቱና ናጌቲቲ፤ ኡንቱንቱ ኣዲሳ ማዳዋ ማዪዳ ዩዪያዋኔ ጌያ ሄራንካ ኣሳይ ኡንቱንታ ቦንቹዳ ሳርቲያዋ ደሲኖ። 39 ኡንቱንቱ ኣዪሁዳ ዋሳ ጎሌቱዋን ዳሪ ሎዒያ ኦይዲያ ደሲኖ፤ ቃሲ ኣሳይ ባሬንታ ኣማላቲላን ሞኪያሳንካ ቦንቹ ሳዓ ደሲኖ። 40 ኡንቱንቱ ኣምዔቲ ጎሊያ ቦንቁዳ፡ ባሬንቶ ሎዓ ማላታናው ያሳ ዋሳ ኣዲሲኖ፤ ኡንቱንቱ ኡባፔ ኣጼያ ሙራ ኣካናዋንታ» ያጌዳ።

ኣምዓቲ ሚፀዋታ
(ሉቅ 21:1-4)

41 ዬሱሲ ጌሻ ጎሊያን ኣሞታ ዬጊያ ሳፀኒያ ማታን ኡቲዳ፡ ኣሳይ ባሬ ሚሻ ሄ ሳፀኒያን ዬጊያዋ ቤዒዳ፤ ጮራ ዲሬ ኣሳይ ዳር ሚሻ ሄ ሳፀኒያን ዬጌዲኖ። 42 ኢቲ ሂዬሳ ኣምዓታ ያዳ፡ ኢቲ ሳንቲሚያን ላሚቴያ ላዑ ሴምቤራቱዋ ሄ ሳፀኒያን ዬጋዲ።

43 ዩሱሲ ባሬና ካሊያዋንታ ያሲዳ፡ «ታኒ ሂንቴንቶ ቱሙዋ ጋይ፤ ኢሞታ ሳፀኒያን ዩጌዳ አሳ ኡባፔ ሃ ሂዩሳ ኣሞዓታ ዳሪሳዴ ዩጋዲ። 44 ኣዩሲ ጎፔ፡ ሃራቱ ኡባይ ባሬንቶ ፓላሄዳ ሚሻፔ ዩጌዲኖ፤ ሺን ኢዛ ባሬ ፓጫፔ፡ ባሬው ዳዒያ ዳዑዋ ሙሉካ ኢማ ኣጋዲ» ያጌዳ።

13

ዩሱሲ ጌሻ ጎሊ ኮሌታናዋ ካሴቲዳ ኦዳዳ
(ማት 24:1-2፤ ሉቅ 21:5-6)

1 ዩሱሲ ጌሻ ጎሊያፔ ኬሲሺን፡ ኣ ካሊያዋንቱፔ ኢቱ ኣ፡ «ታማሪሲያዎ፡ ሃዌ ኣይቤ ሎ? ሹቻቴንቶኔ ቃሲ ኣይቤ ሎ? ሹቻ ጎላቱዋ ቤዓይ!» ያጌዳ።

2 ዩሱሲ ዛሪዳ፡ «ሃ ዋልቃማ ሹቻ ጎላቱዋ ቤዓይ? ሃ ጎላቱዋን ዳዒያ ኢቲ ሹቻይኔ ኣቴናን ኡባይ ኮሌታና» ያጌዳ።

ጎዳይ ያናፔ ካሴቲዳ ጋካና ዩዳርሱዋኔ ዋዪያ
(ማት 24:3-14፤ ሉቅ 21:7-19)

3 ዩሱሲ ጌሻ ጎሊያፔ ሂኒ ባጋና ዳብሬ ዛይቲ ዳሪያ ቦላን ኡቲዳ ዋዴ፡ ጳዒርሲ፡ ያዪቆቤ፡ ዮሃኒሲኔ ኢንዲራሲ ባሬንቱ ያላላ ኣኮ ዪዳ ኣ፡ 4 «ሄዌ ኣዉዳ ሃናኔንቶ፡ ኑሲ ኦዳሪኪ፤ ቃሲ ሄዌ ኡባይ ፖሌታና ዋዲያ ኤሪሲያ ማላቱ ኣያ ጊዳኔ?» ያጌዳ ኦቹዲና።

5 ዩሱሲ ቃሲ ኡንቴንቶ ሃዋዳን ያጌዳ፡ ኦዲዋ ደሜዳ፤ «ሂንቴንታ ኦኒኔ ባሌጱና ማላ ናጌቲቲ። 6 ጮራ ኣሳቱ ታ ሱንላን፡ ናታኒ ኪሪሰቶሳ» ያጌዳ ያናዋ፤ ጮራ ኣሳ ባሌላና። 7 ማታን ዳዒያ ኦላ ኮሻኔ ሃኩዋን ዳዒያ ኦላ ኦዲዋ ሂንቴ ሲሲያ ዋዴ፡ ሂርጎፔ፤ ሄዋ ማላባይ ሃናናው ቤሴ፤ ሺን ዉርሴላይ ቢራ። 8 ኣዩሲ ጎፔ፡ ኢቲ ጋዴ ኣሳይ ሃራ ጋዴ ኣሳና ኦሌታና፤ ቃሲ ኢቲ ካዉቴላይ ሃራ ካዉቴላና ኦሌታና፤ ቢታ ቃላይ ኡባሳን ዳዒና፤ ኮሻይካ ዳዒና፤ ሺን ሄዌ ኮይሮ ዩሉዋ ኦይላ ማላ።

9 «ሺን ሂንቴ ሂንቴንቱ ሁጳው ናጌቲቲ፤ ኣዩሲ ጎፔ፡ ኣሳይ ሂንቴንታ ኦይቂዳ፡ ፒርዳ ጎሌው ኣሊዳ ኢማና፤ ቃሲ ባሬ ኣዪሁዳ ዋሳ ጎሌቱዋኒካ ሂንቴንታ ሊሱዋን ሸጫና፤ ጋዲያ ሞዲያዋንቱ ሲንላኒኔ ካታቱዋ ሲንላን ታ ዲራው ሂንቴ ማርካታናው ኤቃና። 10 ሚሺራቹዋ ቃላይ ኮይሮና ኣሳው ኡባው ኦዲቲዲጋናው ቤሴ። 11 ኡንቴንቱ ሂንቴንታ ፒርዳ ጎሌ ኣሂያ ዋዴኔ ኣሊዳ ኢማያ ዋዴ፡ ዋቲ ሃሳያንቴንቶ ኮይሮና ሂርጎፔ፤ ሄ ሳቲያን ያሳይ

ሂንቴንቶ አሚያባ ሃሳዬቴ። አዩሲ ጎፔ፣ ጌሻ አያናይ ሃሳያናፔ አቴን፣ ሃሳዩያዋንቱ ሂንቴንታ ጊዲኪታ።

12 «ኢሻይ ባሬ ኢሻ፣ አዉ ባሬ ናባ ዎቋሳና፤ ቃሲ ናናይ ባሬንቱ አዎቱዎ ቦላኒኔ ባሬንቱ አዬቱዎ ቦላ ዴንዲዴ፣ ኡንቴንታ ዎቋሳና።

13 አሳይ ኡባይ ሂንቴንታ ታ ሱንሳ ዲራው ኢፃና፤ ሺን ዉርሴላይ ጋካናው ገንጨያዌ አታና።

ዩሩሳሌሜ ጋካና ዎልቃማ ኢታ ሜቱዎ

(ማት 24:15-28፤ ሉቅ 21:20-24)

14 «ሺን ናቢያ ዳኔል ኦዴዳ ባሻ ቱናቴላይ ኤቃናው ቤሴናሳን ኤቁሺን ሂንቴ ቤዒያ ዎዴ፣ ሄዌ ዋጊያዌንቶ፣ ናባቢያዌ አኬኮ፤ ዩሁዳ ጋዲያን ሄ ዎዴ ዴዒያዋንቱ ዴሪያኮ ቤቲኖ። 15 ጎሊያ ሁጲያን ዴዒያ ኡራይካ ኢቲባ አካናው ዲጌ ዎቋዴ፣ ባሬ ሶይ ጌሎፖ። 16 ጋዴን ዴዒያዌካ ባሬ ማዩዎ አካናው ጉዬ ሲሞፖ።

17 ሄ ዎዴ ሻሃራ ማጫዋንቶኔ ቋንጢያ ማጫዋንቶ አዬር። 18 ሺን ሃዌ ኡባይ ሃኒያ ዎዲ ባልጉዎ ጊዴና ማላ፣ ያሳ ዎሲቲ፤ 19 አዩሲ ጎፔ፣ ያሳይ ሳባ ኮይሮ ሜዴዳዋፔ ደሚዴ፣ ሃሩ ጋካናው፣ ኡባካ ዴዒቤና ሜቱ፣ ቃሲ ሃዋፔ ሲንጻዉካ ኡባ ዴዒና ሜቱ አሳ ቦላ ሄ ዎዴ ዴዒና። 20 ጎዳይ ሄ ጋሳሳቱዎ ፓይዱዎ ጉሊያዌ ባዌንቶ፣ አሳ ጊዴዳ ኦኒኔ አቴና፤ ሺን ኢ ባሬ ዶሬዳ አሳቱዎ ዲራው፣ ሄ ጋሳሳቱዎ ፓይዱዎ ጉሊዳ።

21 «ሄ ዎዴ ኦኒኔ ሂንቴንታ፣ «ቤዒቲ፤ ኪሪሰቶሲ ሃዋን ዴዒ» ዎይ፣ «ቤዒቲ፤ ኪሪሰቶሲ ሃዋን ዴዒ» ያሳፔ፣ ሄዎ አማኖፒቱ።

22 አዩሲ ጎፔ፣ ዎርዳንቻ ኪሪሰቶሳቱኔ ዎርዶ ናባቱ ዴንዲዴ ባሬንቶ ዳንዳዬቶፔ፣ ሃራይ አቶ ያሳይ ዶሬዳዋንታካ ባሌላናው ማላታኔ ማላሊሲያባ ቤሳና። 23 ሺን ሂንቴ ናጌቲቲ፤ ታኒ ሂንቴንቶ ኡባባ ካሴታዴ ኦዳዲ።

ኪሪሰቶሳ ላዒንጾ ዩሳ

(ማት 24:29-31፤ ሉቅ 21:25-28)

24 «ሺን ሄ ዎዴ ሄ ዋዩያፔ ጉዩያን፣ አዎይ ቋማና፤

አጌናይ ፖዒያዎ አጋና፤

25 ያሊንታቱ ሳሉዋፔ ኩንዳና፤

ቃሲ ሳሉዋን ዴዒያ ዎልቃቱካ ቃዴታና።

13:14 ዳን 9:27፤ 11:31፤ 12:11 13:19 ዳን 12:1፤ ሳፅ 7:14 13:24
ኢሳ 13:10፤ ሂዝ 32:7፤ ኢዩ 2:10፣ 31፤ 3:15፤ ሳፅ 6:12 13:25 ኢሳ 34:4፤
ኢዩ 2:10፤ ሳፅ 6:13

26 ሄ ዎዴ ታኒ፡ አሳ ናዓይ፡ ዎልቃማ ዎልቃናኔ ቦንቹዋና ሻሪያ ጊዶና ዪሺን፡ ኡንቴንቴ ቤዓና። 27 ሄ ዎዴ ታኒ ኪታንቻቱዎ ሳዓ ኦይዲ ባጋ ኪታና፤ ሳዓ ጋፃፔ ሳሉዎ ጋፃ ጋካናው፡ ፆሳይ ዶሬዳ አሳ ሺሻና።

ዎዲያ ዉርሱላይ ጋኬዳዎ ማላታ ቤሲያ ባላሲያ ሚላቶ (ማት 24:32-35፤ ሉቅ 21:29-33)

28 «ለሚሱዎ ባላሳቶ ጊያ ሚላቲፔ ታማሪቴ፤ ባላሳታ አጨያ ዎዴኔ ኢዚ ሃይላይ ሃይቲያ ዎዴ፡ ቦኒ ማቴዳዎ ሂንቴ ኤሪታ። 29 ሃዎዳንካ ሂንቴ ሄ ኡባባይ ሃኒያዎ ቤዒያ ዎዴ፡ ኢ * ማታቲዴ ፔንጊያ ሺቄዳዎ † ኤሪቴ። 30 ታኒ ሂንቴንቶ ቱሙዎ ኦዳይ፤ ሃ ኡባባይ ሃናና ጋካናው፡ ሃ ዎዲያ ዬሌታይ ሃይቄዲጌና። 31 ሳሉኔ ሳዓይ አዳና፤ ሺን ታ ቃላይ ኡባካ አዴና።

ዉርሱላ ጋላሳኔ ሳቲያ ኦኒኔ ኤሬና (ማት 24:36-44)

32 «ሺን ሄ ጋላሳኔ ሄ ሳቲያ አዉዎ ፃላላፔ አቲን፡ ሃራይ አቶ ሳሉዎን ዳዒያ ኪታንቻቱዎ ጊዲና፡ ዎይ ታና ናዓ ጊዲናካ ኦኒኔ ኤሪያባይ ባዎ። 33 ሄ ዎዲ አዉዴ ጊዳኔንቶ፡ ሂንቴ ኤሬና ዲራው፡ ናፔቴቴ፤ ሚኒቴ፤ ፆሳ ዎሲቴ። 34 ታ ዩሳይ ባሬ ጎሊያ አጊዴ፡ ኦጊያ ቢያ ቢታኒያ ማላ፤ ቢታኒ ባሬ ቆማቱዎሲ ሁጲያን ሁጲያን ኦሱዎ አሚዴ፡ ኡንቴንታ ባሬ ኦሱዎሲ ካፖ ኦሌዳ፤ ቃሲ ካሪያ ናጊያዌካ ሚኒሲዴ ናጋና ማላ አዛዜዳ።

35 «ሄዎ ዲራው፡ ሚኒቴ፤ አዩሲ ሳፔ፡ ጎሊያዉ ኦማርሳ ጊዲና፡ ዎይ ቃማ ቢላሄ ጊዲና፡ ዎይ ኩቱ ዎሲያ ዎዴ ጊዲና፡ ዎይ ጉራ ዎንቴማላና ጊዲና አዉዴ ያኔንቶ፡ ሂንቴ ኤሪኪታ። 36 ሂንቴንቱ አከከናን ኢ ዮፔ፡ ሂንቴንታ ጌሚዒሺዳዎንታ ዴማና ማላ ሚኒቴ። 37 ታኒ ሂንቴንቶ ኦዲያዎ አሳ ኡባው ኦዳይ፤ ሚኒቴ።»

14

ኪሪስቶሳ ቦላ ማቄቴዲኖ (ማት 26:1-5፤ ሉቅ 22:1-2፤ ዮሀ 11:45-53)

1 ፓሲጋ ባላ ጊያዎ ቦንቹያ ጋላሳይኔ ጫሊቤና ኡኪላ ሙሳ ቦንቹያ ባላ ጋላሳይ ጋካናው ላዑ ጋላሳይ አቴዳ፤ ቄሳቱዎ ካፓቴኔ ሂጊያ ታማርሲያዎንቱ አሳይ ኤሬናን ዬሱሳ ኦይቄዴ ዎዳና ኦጊያ

13:26 ዳን 7:13፤ ሳፀ 1:7 * 13:29 ኢ፡ ዬሱሳ ጉሳ። † 13:29 ማቲዴ ፔንጊያ ሺቄዳዎ፡ ጉሳይ፡ ዬሱሳ ዩሳይ ማቴዳ ጉሳ።

ኮዩኖ። 2 «አሳይ ዋላሳ ከሴና ማላ፣ ፓሲጋ ቦንቺያ ጋላሲ ሄዋ አሉኮ» ያጌዲኖ።

ዩሱሳ ሺቱዋ አኬዳ ሚሺራቶ
(ማት 26:6-13፤ ዮሀ 12:1-8)

3 ዩሱሲ ቢታኒያ ጋዲያን ኦሎዋ ሃርጊያ ሲሞና ሶዪን ቁማ ማናው ኡቴዳ ዎዴ፣ ኢቲ ሚሺራታ ቢልቃሲያ ኩሜዳ ናርዶሳ ጊያ ዳሪ አልዎ ሺቱዋ * አካዴ ያዱ፤ ሄ ቢልቃሲያ ሚንጻዴ ሺቱዋ ዩሱሳ ሁጲያን ቲጋዲ። 4-5 ሄዋን ዴዒያ አሳፔ ኢቱ ኢቱ ሃንቁቲዴ፣ «ሃ ሺቱዋ ጮ አያው ባዪዛይ? ሃ ሺቱዋ ሄዙ ቃቱ ቢራ ሳንቲሚያን † ዛሊዒዴ፣ ሚሻ ሂዩሳው ኢማናው ዳንዳዬቴ» ያጊዴ ባሬንቱ ጊደን ሃሳዩኖ፤ ያቲዴ ሄ ሚሺራቶ ዳሪሲ ሃንቁቲዲኖ።

6 ሺን ዩሱሲ ሃዋዳን ያጌዳ፤ «ሃ ሚሺራቶ አይኔ ጎፐቲ፤ ኢዞ አዩሲ ሜቶሊቲ? ኢዞ ታው ሎዎባ አላዲ። 7 ሂዩሳቱ ኡባ ዎዴ ሂንቲንቱና ዴዒኖ፤ ሂንቲ ኮዬዳ ዎዴ አዉዴኔ ኡንቲንታ ማዳናው ዳንዳዪታ፤ ሺን ታኒ ኡባ ዎዴ ሂንቲንቱና ዴዒኬ። 8 ኢዞ ባሬው ዳንዳዬቴዳዎ አላዲ፤ ቃሲ ታ አሳቴሳይ ሞጌታናፔ ካሴታዴ ሞጎ ገጊሳናው ሺቱዋ አካዲ። 9 ታኒ ሂንቲንቶ ቱሙዋ ኦዳይ፤ ሳባ ኡባን ዎንጋላ ሚሺራቸዋ ኦዲያሳን ሃቃኒኔካ፣ አሳይ ኢዞ ቆፓና ማላ፣ ሃ ኢዞ አሴዳዌ ኦዴታና» ያጌዳ።

ዪሁዳ አሰቆሮቱ ዩሱሳ አሴዴ ኢማናው ዞሬታ ኤኖ ጌዳ
(ማት 26:14-16፤ ሉቅ 22:3-6)

10 ታማኔ ላዑ ዩሱሳ ካሊያዎንቱፔ ኢቱ ዪሁዳ አሰቆሮቱ ‡ ጊያዌ፣ ዩሱሳ ቄሳቱዋ ካፓቱዋሲ አሴዴ ኢማናው ኡንቲንቲኮ ቤዳ። 11 ኡንቲንቲ ሄዋ ሲሴዳ ዎዴ ናሹቲዴ፣ «ኮኒ ኔው ሚሻ ኢማና» ያጌዲኖ፤ ዪሁዳ አሰቆሮቱ ዩሱሳ አሴዴ ኢማናው ኢንጃቲያ ዎዲያ ዎቸ።

ዩሱሲ ባሬና ካሊያዎንቱና ፓሲጋ ቁማ ሜዳ
(ማት 26:17-25፤ ሉቅ 22:7-14፤ 21-23፤ ዮሀ 13:21-30)

12 ጫሊቤና ኡኪላ ሚያ ባላ ጋላሳ ቦንቺያ ኮይሮ ጋላሲ፣ ፓሲጋ ቁማ ማናው ደርሳ ሹኪያ ዎዴ፣ ዩሱሳ ካሊያዎንቱ አ፣

14:1 ኬስ 12:1-27 * 14:3 ዳሪ አልዎ ሺቱዋ፡ ጉሳይ ሎይሊ ሳዊያዎ ጉሳ።
† 14:4-5 ቢራ ሳንቲሚያ፡ 6:37 ጻሊቲ። 14:7 ዛር 15:11 ‡ 14:10 ዪሁዳ አሰቆሮቱ፡ 3:19 ጻሊቲ።

«ፓሲጋ ቦንቹያ ጋላሲ ኔኒ ማና ቁማ ኑኒ ሃቃ ቢዴ ገረሳኔ?»
ያገዴ ኦቹዲኖ።

13 ዩሱሲ ባሬና ካሊያዋንቱ፤ ለዓቱዋ ሃዋዲን ያገዴ ከቲዳ፤
«ካታማ ቢቲ፤ ሂንቲ ቢሺን፤ ኦቹዋን ሃላ ቶኩዳ ኢቲ ቢታኒ
ሂንቲንቱና ጋኬታናዋ፤ እ ካሊቲ። 14 ኢ ቢዴ ጌሊያ ጎሊያዉዋ፡
ጎታማሪሲያዌ ኔና፡ «ታኒ ታና ካሊያዋንቱና ፓሲጋ ቁማ ማናው
ታ ኢማላ ከፊሊ ሃቃኔ?» ያጌ፤ ያገቲ። 15 ጎሊያዉ ሂንቲንታ
ፖቂያ ቦላን ዴዲያ ገረ ኡቲዳ እኮ ከፊሊያ ቤሳና፤ ሄዋን ኑሲ
ገረሰቲ» ያጌዳ።

16 ሄ ላዑ ዩሱሳ ካሊያዋንቱ ከሲዴ፡ ካታማ ቤዲኖ፤ ዩሱሲ
ባሬንቶ ኦዴዳዋዲንካ ኡባባ ዴሚዴ፡ ፓሲጋ ቁማ ገግሴዲኖ።

17 ሳዓይ ኦማርሲያ ዎዴ ዩሱሲ ታማኔ ላዑ ባሬና
ካሊያዋንቱና ያ ቤዳ። 18 ኡንቲንቲ ኡቲዴ ሳምፓፔ ቁማ ሚሺን፡
ዩሱሲ ኡንቲንታ፡ «ታኒ ሂንቲንቶ ቱሙዋ ኦዳይ፤ ሂንቲንቲ፤ ኢቲ
ታናና ሚያዌ፡ ታና አሊዴ ኢማናዋ» ያጌዳ።

19 እ ካሊያዋንቱ ሎይሊ ሲሴቲና፡ ሁጺያን ሁጺያን እ፡
«ቱሙ ታኔሻ?» ገያዋ ዶሜዲኖ።

20 ዩሱሲ ዛሬዴ፡ «ኢ ሃ ሂንቲንቲ ታማኔ ለዓቱዋ፤ ኢቲዋ፤
ኢ ታናና ኢቲ፤ ቱሻናው ባሬ ዳቡዋ ሻታን ዩዲያዋ። 21 ታኒ፡ አሳ
ናዓይ፡ ያሳ ማፃፋይ ሃይቃና ጌዳዋዲን ሃይቃና፤ ሺን ታና፡ አሳ
ናዓ፡ አሊዴ ኢሚያ ኡራው አዩር፤ ሄ ኡራይ ዩሌቲናን አቴዳንቶ፡
አው ሎዓ ሺን» ያጌዳ።

ጎዳ ካዉዋ እኪያ ዎጋ

(ማጥ 26:26-30፤ ሉቅ 22:14-20፤ 1ቆር 11:23-25)

22 ኡንቲንቲ ሚሺን፡ ዩሱሲ ዳቡዋ እኪዴ፡ ያሳ ጋላቲዳ፤ ሄ
ዳቡዋ ሚንሊዴ፡ ባሬና ካሊያዋንቶ ኢሚዴ፡ «ሄይቲ፤ ሃዌ ታ
አሹዋ» ያጌዳ።

23 ፀዓ እኪዴ፡ ያሳ ጋላቲዴ፡ ኡንቲንቶ ኢሚዳ፤ ኡባይ ሄ
ፀዓ፤ ኡሹዲኖ። 24 ዩሱሲ፡ «ሃዌ ኦራሳ ጫቁዋን ስ ጮራ አሳ
ዲራው ጉኪያ ታ ሱላ። 25 ታኒ ሂንቲንቶ ቱሙዋ ኦዳይ፤ ታኒ ያሳ
ካዉቲላን ኦራሳ ዎዴኒያ ኤሳ ኡሻና ጋላሳይ ጋካናው፡ ለዓንሉዋ
ሃ ዎዴኒያ ኤሳ ኡባካ ኡሺኬ» ያጌዳ።

14:18 ማዘ 41:9 ስ 14:24 ኦራሳ ጫቁዋ፡ ያሳይ ባሬ አሳሲ ዩሱሳ ሃይቁዋ
ባጋና ቃላ ጌሊዳ ኦራሳ ቃላ ጫቁዋ፡ ሄዌኔካ እ ጋኪያ ፀዓ፡ ኢ ባሬ ሱላ ጉሲዴ አሊ
ኢሚዳ እ ደዑዋ፡ ሄዌኔካ፡ ኑ ኤጫ አሳቲላይ ኡባይ ለሚቲና፡ ኦራዲዳ ያሳ ሂጊ ኑ
ዎዛናጊ ፃፊቲዳዋ ኦዴ። 14:24 ከሰ 24:8፤ ኤርሞ 31:31-34

26 ማዚሙሪያ ዩዌዳዎፔ ጉዩያን፣ ዳብሬ ዛይቲ ዳሪያ ቤዲኖ።

ጳጳሮሲ ካዳናዎ ዩሱሲ ካሴቲዳ ኦዳዳ
(ማት 26:31-35፤ ሉቅ 22:31-34፤ ዮሀ 13:36-38)

27 ዩሱሲ ባሬና ካሊያዎንቶ፣ «ሂንቴንቴ ኡባይ ታና ዩጊዴ ዎፃኒታ፤ እዩሲ ጎፔ፣ ያሳ ማፃፋይ፣
የሳይ ደርሳ ሄሚያዎ ዎቆና፤
ሄዎፔ ጉዩያን ደርሳይ ኡባይ ላሌታና ጌ»

ያጌዳ። 28 ሺን ታኒ ሃይቁዎፔ ዳንዳዳዎፔ ጉዩያን፣ ሂንቴንቴፔ ካሴታዳ ጋሊላ ባና» ያጌዳ።

29 ጳጳሮሲ ዛሬዳ፣ «ኡንቴንቴ ኡባቲ ኔና ዩጊዴ ቦፔካ፣ ታኒ ኔና ሙሌካ ዩጊኬ» ያጌዳ።

30 ዩሱሲ ጳጳሮሳ፣ «ታኒ ኔው ቱሙዎ ኦዳይ፤ ሃቺ ቃማ ኩቱ ላዒፋዎ ዎሳናፔ ካሴ፣ ኔን ታና ሄዙ ጌዴ ካዳናሳ» ያጌዳ።

31 ሺን ጳጳሮሲ ካሴዎፔካ ሚኒሲዳ፣ «ታኒ ሃራይ ኣቶ፣ ኔናና ኢቲፔ ሃይቁንቶካ፣ ኔና ሙሌካ ካዲኬ» ያጌዳ። ቃሲ ሃራቲ ኡባቲካ ሄዎዳን ጌዲኖ።

ዩሱሲ ጌቲሴማኒያን ዎሴዳ
(ማት 26:36-46፤ ሉቅ 22:39-46)

32 ጌቲሴማኔ ጊያ ሳዓ ቤዲኖ፤ ዩሱሲ ባሬና ካሊያዎንታ «ታኒ ያሳ ዎሳናሲ፣ ሂንቴንቴ ሃዎን ኡቲሺቴ» ያጌዳ።

33 ዩሱሲ ጳጳሮሳ፣ ያዩቆባኔ ዮሃኒሳ ባሬናና ኣፌዳ፤ ዳሪ ካዮቲዳኔ ሜቶቲዳ። 34 ቃሲ ኡንቴንታ፣ «ታኒ ሃይቃና ጋካናዉካ ካዮታይ፤ ሃዎን ታኪሺቴ፤ ጌሚዒሾፐፔ» ያጌዳ።

35 ጉላ ሲንሳኮ ሸቂዳ፣ ሳዓን ጉፋኒዳ፣ ዳንዳዬቲያዎ ጊደፔ፣ ሄ ዎዲ ባሬፔ ኣቆና ማላ፣ ያሳ ዎሴዳ። 36 ቃሲካ፣ «ኣባቦ፣ * ታ ኣቦ፣ ኡባባይ ኔው ዳንዳዬቲ፤ ሃ ፀዓ ታፔ ዲጋ፤ ሺን ኔ ሸኒያዳን ሃናፔ ኣቲን፣ ታ ሸኒያዳን ሃናፔ» ያጌዳ።

37 ዩሱሲ ባሬና ካሊያዎንቲኮ ሲሚ ዪዳ፣ ጌሚዒሾዳዎንታ ዳሜዳ ጳጳሮሳ፣ «ሲሞና፣ ጌሚዒሻዲ? ኔን ኢቲ ሳቲንቶኔ ናጋናው ዳንዳያቤይኪ? 38 ፓጨያን ሂንቴ ጌሌና ማላ፣ ናፔቲቲኔ ያሳ ዎሴቲ፤ ኣያናይ ገቢ ኡቲዳ፤ ሺን ኣሹ ዳቡራንቻ» ያጌዳ።

39 ቃሲካ ቢዴ ካሴዎዳንካ ያሳ ዎሴዳ። 40 ኣ ካሊያዎንቲኮ ጉዩ ሲሚዳ ኢ ዪያ ዎዳ፣ ጌሚዒሾዳዎንታ ዳሜዳ፤ ኡንቴንቴ

14:27 ዛክ 13:7 * 14:36 ኣባ፡ ጉሳይ ግሪኬ ቃላንካ «ኣባ» ጊዲያ ዎዳ፣ ኣራማዩኬ ቃላኒ «ኣባ» ጊያዎ።

አይፊያ ጌሚዲሹ ጎዚ ዋሌዳ ዲራው፡ አው አያ ሃሳዩናጎቶካ ኤሪቤይኪኖ።

41 ሄዜንሉዋ ኡንቱንቱኮ ዪዳ፡ «ሃዲ ጋካናወካ ጌሚዲሹቴኔ ሸምፕፕ፣ ጊዳና፤ ዎዲ ጋኬዳ፤ ቤዲቴ፤ ታና፤ አሳ ናባ፤ ናጋራንቻ አሳቱዋ ኩሺያን አሊዳ ኢሚያ ዎዲ ጋኬዳ። 42 ዳንዲና ቦይቴ፤ ቤዲቴ፤ ታና አሊዳ ኢሚያዌ ሃዌኩ ጋኬዳ» ያጌዳ።

ዩሱሲ ባሬ ሞርኬቱዋ ኩሺያን ኦይቄቴዳ
(ማት 26:47-56፤ ሉቅ 22:47-53፤ ዮሀ 18:3-12)

43 ዩሱሲ ሄዎ ቢሮ ሃሳዩሺን፡ ታማኔ ላዑ አ ካሊያዎንቱፕ አቱ፡ ዪሁዳ አስቆርቱ፡ ኤሌካ ጋኪ ዎዴዳ፤ ቃሲ ቄሳቱዋ ካፓቱ ሂጊያ ታማሪሲያዎንቱኔ ጨማቱ ኪቲና፡ ማሻኔ ፃምዓ ኦይቄዳ ጮራ አሳይ አናና ኢቲፕ ዩዳ። 44 ዩሱሳ አሊ ኢሚያዌ ሄ ጮራ አሳው፡ «ታኒ ዩሪያዌ አ፤ አ ኦይቄዳ ሎይሊ ናጊዳ፡ አፊቴ» ያጊዳ ማላ ኦዲ ዎሌዳ።

45 ዪሁዳ አስቆርቱ ጋኮሳናካ ዩሱሳኮ ሸቄዳ፡ «ታማሪሲያዎ» ያጊዳ ዩሱሳ ዩሪ አኬዳ። 46 ሄ ጮራ አሳይ ዩሱሳ ሚኒሲ ኦይቄዳ። 47 ሺን ማታን ኤቄዳዎንቱፕ አቱ ባሬ ጨቢያ ሾዲኔ ቄሳቱዋ ኡባቱዋ ካፕዋ ቆማ ሾጪዳ፡ አ ሃይላ ቃንፃ ኦሌዳ።

48 ዩሱሲ ዛሪዳ፡ ሄ ሸቄዳ ጮራ አሳ፡ «ታና ቦንቃንቻ ኬሲዳ፡ ቦንቃንቻ ኦይቄያዎዳን ኦይቃናው ጨቢያኔ ፃምዓ ኦይቄዳ ዩዲቱ? 49 ታኒ ጌሻ ጎሊያን ታማሪሳዳ፡ ጋላሳን ጋላሳን ሂንቱንቱና ዳዒያ ዎዳ ታና ኦይቄቤይኪታ፤ ሺን ያሳ ማፃፋቱ ጌዳዌ ፖሌታናው ቤሴ» ያጌዳ።

50 ዩሱሳ ካሊያዎንቱ ኡባቱ አ ዩጊዳ ቢ አጌዲኖ።

51 ናፃላ ፃላላ ማዬዳ ኢቲ ያላጋ ቢታኒ ዩሱሳ ካሊያዎ አሳይ ኦይቄዳ። 52 ሺን ሄ ቢታኒ ናፃላ ኦሊዳ፡ ካሎ ፃራ ዎፃዳ።

ዩሱሳ ፐርዲያ ሻንጋቱዋኮ አፊዲኖ
(ማት 26:57-68፤ ሉቅ 22:54-55፤ 63-71፤ ዮሀ 18:13-14፤ 19-24)

53 አሳይ ዩሱሳ ቄሳቱዋ ኡባቱዋ ካፕዋ ሶይ፡ ቄሳቱዋ ካፓቱዋ ኡባቱ፡ ጨማቱኔ ሂጊያ ታማሪሲያዎንቱ ሸቄዳሳ አፊዲኖ። 54 ጳዲርሲ ቄሳቱዋ ኡባቱዋ ካፕዋ ዲርሳ ጊዲዎ ጋካናሲ ሃኩዋን አ ካሌዳ፤ ያኒ ናጊያዎና ታማ ካሺዳ፡ ኡቲ አጌዳ።

55 ቄሳቱዋ ካፓቱኔ ሄዎን ሸቄዳ አሳይ ኡባይ ዩሱሳ ዎጳናው አ ቦላ ማርካ ኮዬዲኖ፤ ሺን አይኔ ዳሚቤይኪኖ። 56 አዪሲ

ጎፐ፣ ጮራ አሳቱ አ ቦላን ዎርዲዎ ማርካቴዲኖ፤ ሺን ኡንቱንቱ ማርካቴላይ ኢቲ ማላ ገደና።

57-58 ኢቲ ኢቲ አሳቱ ዳንዲ ኤቂዳ ዬሱሳ ቦላ፡ «ኢ፣ ታኒ አሳይ ከዳዳ ሃ ጌሻ ጎሊያ ኮላዳ፣ አሳይ ከደቤና ሃራ ጌሻ ጎሊያ ሄዙ ጋላሳ ገደን ከፃና፣ ገሺን፣ ኑኒ ሲሴዶ» ያገደ ዎርዲዎ ማርካቴዲኖ። 59 ሺን ሃራይ አቶ ኡንቱንቱ ማርካቴላይ ሄዋን ኢቲ ማላ ገዲቤና።

60 ቂሳቱዎ ኡባቱዎ ካፑ አሳ ኡባ ሲንሳን ዳንዲ ኤቂዳ ዬሱሳ፡ «ሃዋንቱ ኔና ሞቲያ ሞቶ ኔው ዛሪያባይ ባዌ?» ያገደ ኦቹዳ።

61 ሺን ዬሱሲ ጮዑ ገደ፣ አይኔ ዛሪቤና፤ ቂሳቱዎ ኡባቱዎ ካፑ አ፡ «አንጃቲዳ ያሳ ናዓይ ኪሪሰቶሲ ኔኔ?» ያገደ ላዔንሉዎ ኦቹዳ።

62 ዬሱሲ ዛሪዳ፡ «ኤ፣ ታና፤ ሂንቲ ታና፣ አሳ ናዓ፣ ዎልቃማ ያሳፔ ኡሺቻ ባጋና ኡቲዳዲሺናኔ ሳሉዎ ሻሪያና ዪሺን ቤዓና» ያገደዳ።

63 ቂሳቱዎ ኡባቱዎ ካፑ ባሬ ማዩዎ ፔጂ አሊዳ፡ «ኑና ሃዋፔ ሲንሳን አዩሲ ሃራ ማርካ ኮሺ? 64 ሂንቱንቱ አ ቦሪያ ሲሴዲታ፤ ሂንቲ ቆፋይ አዩ?» ያገደዳ፤ ኡንቱንቱ ኡባይ፡ «ኢ ሃይቃና ቤሴ» ያገደ አ ቦላ ፐርዳዲኖ።

65 ኡንቱንቱፔ ኢቱ ኢቱ አ ቦላ ጩሽላ ዶሜዲኖ፤ አ አይፊያ ካሚ ዳቺዳ፡ «ኔና ዳቺዳዌ ኦኔ? አኔ ቲሞቢቲያ ኦዳ!» ያገደዲኖ፤ ቃሲ ናገያዎንቱካ አ ቂንፃሊያ ባቂዳ አፊዲኖ።

ጳዊሮሲ ዬሱሳ ካዳዳ
(ማት 26:69-75፤ ሉቅ 22:56-62፤ ዮሀ 18:15-18፣ 25-27)

66 ጳዊሮሲ ዲርሳ ገደን ሂርኪና ዳዲሺን፣ ቂሳቱዎ ኡባቱዎ ካፑዎ ማጫ አሺካራቱዎፔ ኢቲና ያዲ። 67 ጳዊሮሲ ታማ ካሺያዎ ቤዓዳ፣ ጫዳ ያላዳ፡ «ኔኒካ ናዚሬቲያ ዬሱሳና ኢቲፔ ዳዓ» ያገደዳ።

68 ሺን ጳዊሮሲ፡ «ኔኒ ገያዌ አዩንቶ ታኒ ኤሪኬ፤ ታው አኬኬቲና» ያገደ ካዳዳ፤ ያቲዳ ዲርሳ ፔንገያኮ ኬሴዳ፤ ኩቱካ ዋሴዳ። †

14:62 ዳን 7:13 14:64 ዎግ 24:16 † 14:68 ኩቱካ ዋሴዳ፡ ሃ ቃላይ ቤኒ ቢሉቲዳ ኢቲ ኢቲ ቢሉላኒ ባዎ።

69 ሄ አሺካራታ ጳጳሮሳ ቤዓዳ፥ አ ማታን ኤቁዳ አሳቱዋ፥ «ሃ ቢታኒካ ኡንቱንቱና ዴዔ» ጋዴ ጉጃዴ ኦዲዋ ደማዲ። 70 ሺን ጳጳሮሲ ቃሲካ ካዳዳ።

ጉላ ጋሚዒሺን፥ ማታን ኤቁዳ አሳቱ ላዔንሉዋ ጳጳሮሳ፥ «ኔኒ ቱማ ኡንቱንቱና ኢቲፔ ዴዔ፤ አዪሲ ጎፔ፥ ኔኒ ጋሊላ ጋዲያ አሳ» ያጌዲኖ።

71 ሺን ጳጳሮሲ፥ «ታኒ ሄዋ ሂንቱ ጊያ ቢታኒያ ኤሪኬ!» ያጌዴ ባሬና ሸቃኔ ጫቁዋ ደማዳ።

72 ኤሌካ ኩቱ ላዔሉዋ ዋሲ አጌዳ፤ ጳጳሮሲ ባሬና ዩሱሲ፥ «ኔኒ ኩቱ ላዔሉዋ ዋሳናፔ ካሴ ሄዙ ጌዴ ታና ካዳናሳ» ጌዳዋ ሃሳዪዳ፥ ዳሪ ዩኬዳ።

15

ዩሱሳ ጲላዖሳኮ አፌዲኖ

(ማጥ 27:1-2፥ 11-14፤ ሉቅ 23:1-5፤ ዮሀ 18:28-38)

1 ዋንታ ጉራን ኤሌካ ቁሳቱዋ ካፓቱ ጨማቱዋናኔ ሙሴ ሂጊያ ታማሪሲያዋንቱና ሄዋን ሸቁዳ አዪሁዳ ሻንጋቱዋ ኡባና ማቁቲዳ፥ ዩሱሳ ቃቺ አፌዳ፥ ጲላዖሳው አሊዳ አሜዲኖ።

2 ጲላዖሲ አ፥ «ኔኒ አዪሁዳቱዋ ካቱ?» ያጌዴ ኦቼዳ።

ዩሱሲ ዛሪዳ አ፥ «ኔ ጊያዋዳና» ያጌዳ።

3 ቁሳቱዋ ካፓቱ ዩሱሳ ዳርባን ሞቲዲኖ። 4 ጲላዖሲ ሺሬቲዳ ዩሱሳ፥ «ኔው ዛሪያባይ ባዌ? ኡንቱንቱ ኔ ቦላ ዋዪሳ ሞቲዋ አሂንቶ ቤዒኪ?» ያጌዴ ኦቼዳ።

5 ሺን ዩሱሲ ሃራባ ዛሬናን ኢጻና፥ ጲላዖሲ ማላሌቲዳ።

ዩሱሳ ቦላ ሃይቁዋ ፒርዴዲኖ

(ማጥ 27:15-26፤ ሉቅ 23:13-25፤ ዮሀ 18:39-40፤ 19:1-

16)

6 ጲላዖሳው ፓሲጋ ባላ ቦንቺያ ጋላሳን አሳይ ኮዪያ ኢቲ ኡራ ቃሹዋፔ ቢሊያ ዋጋይ ዴዔ። 7 ሄ ዋዴ ኢቲ ባርባና ጊያ ቢታኒ ዋላሳ ኬሲዳ ሸምቼዋ ዋዴዳ አሳቱዋና ኢቲፔ ቃሽ ጎሊያን ዴዔ። 8 ሸቁዳ ጮራ አሳይ ጲላዖሲ ካሴ ኤራቶዋዳንካ ባሬንቶ ማርታ ኦላና ማላ፥ አ ኦቼዲኖ። 9 ጲላዖሲ አሳ ዛሪዳ፥ «ታኒ ሂንቱንቶ አዪሁዳቱዋ ካቲያ ቢሊያዋ ኮዪቲ?» ያጌዴ ኦቼዳ። 10 አዪሲ ጎፔ፥ ቁሳቱዋ ካፓቱ ዩሱሳ ቃናቲዳ አሊ አሜዳዋ ጲላዖሲ ኤሬዳ።

11 ሺን ቄሳቱዋ ካፓቱ ዩሱሳ ኮታ ባርባና ቢላናዳን፣ ሄ ሺቄዳ አሳይ ጲላዎሳ ዋሳና ማላ፣ አሳ ማቄዲኖ። 12 ጲላዎሲ ላዔንሱዋ ዛሪዳ፣ «ያተና፣ ሃ አዪሁዳ ካቲያ ሂንቲንቱ ጊያዋ ዋቶ?» ያጌዳ።

13 አሳይ ጲላዎሳው ዛሪ ዛሪ ባሬንቱ ኮሻ ቶቁ ኦሊዳ፣ «አ ካቃ» ያጌዲኖ።

14 ጲላዎሲ አሳ፣ «አዪሲ? ኢ አይ ኢታባ ኦሴዳ?» ያጌዳ።

ሺን አሳይ ካሴዋፔካ ባሬ ኮሻ ቶቁ ኦሊዳ፣ «አ ካቃ» ያጌዲኖ።

15 ጲላዎሲ አሳ ናሼቻናው ኮዪዳ፣ ባርባና አሳው ቢሌዳ፤ ያቲዳ ሊሱዋን ዩሱሳ ዋታዳራቱዋን ሾጪሲዳ፣ ካቃና ማላ ኡንቲንቶ አሊ ኢሜዳ።

ዋታዳራቱ ዩሱሳ ቂሊጩዲኖ

(ማት 27:27-31፤ ዮሀ 19:2-3)

16 ሄዋፔ ጉዪያን፣ ዋታዳራቱ ዩሱሳ ጋዲያ ሞዲያዋ ጊቢያ አፊዳ፣ ሃራ ዋታዳራቱዋ ኡባ ኢቲፔ ጻሴዲኖ። 17 ቃሲ ዘዎ ማዩዋ አ ማዪዜዲኖ፤ አጉንጎላ አኪሊሊያ ጊቢሲዳ፣ አ ሁጲያን ዋሴዲኖ።

18 ሄዋፔ ጉዪያን አ፣ «አዪሁዳቱዋ ካቲው፣ ሳርታይ ኔው ጊዶ» ያጊ ሳርቲዳ፣ አ ቂሊጩዋ ደሜዲኖ። 19 ዩሱሳ ሁጲያ ማቃ ፃምዓን ሾጩዲኖ፤ ቃሲ አ ቦላን ጩቹዲኖ፤ ጉልባቲዳ አው ጎዪኔዲኖ። 20 አ ቦላ ቂሊጩዳዋፔ ጉዪያን፣ ዘዎ ማዩዋ አፔ ቃሪ አኪዳ፣ አ ማዩዋ አ ማዪዜዲኖ፤ ያቲዳ ማሰቃሊያ ቦላን ሚሲማሪያን ጲሺዳ፣ አ ካቃናው አፊዲኖ።

ዩሱሳ ካቄዲኖ

(ማት 27:32-44፤ ሉቅ 23:26-43፤ ዮሀ 19:17-27)

21 ኡንቲንቱ ቢዳ፣ ኢሰኪንዲራኔ ሩፎሳ ዩሌዳ አወዋ፣ ኢቲ ሲሞና ጊያ ቄሪና ጋዲያ አሳይ፣ ጋፃፔ ካታማ ዪያዋና ጋኬቲዳ፣ ዩሱሳ ማሰቃሊያ ዋልቃን ቶሴዲኖ። 22 ያቲዳ ጎልጎታ ጌቲቲያሳ ዩሱሳ አፊዲኖ። «ጎልጎታ» ጊያዌ «ሁጲያ ጎሲያሳ» * ጊያዋ።

23 ካዋራ ጊያ ጳሊ ዋላኬቲዳ ዋዪኒያ ኤሳ ዩሱሳው ኡሻናው ኢሜዲኖ፤ ሺን ኢ ኡሼናን ኢፄዳ። 24 ኡንቲንቱ አ ካቄዲኖ፤ ቃሲ ኦና ኦና ጋካኔንቶ ኤራናው አ ማዩዋ ሻኪዳ፣ ሳማ ዩጌዲኖ።

25 ኡንቲንቱ አ ካቄያ ዋዳ፣ ዋንታፔ ሄዙ ሳቲ።

26 «አዪሁዳቱዋ ካቲያ» ያጊ አ ሞቲያ ፃፋ ፃፊቲ ኡቲዳ።

27 ዩሱሳና ላዑ ካዪሳቱዋ ኢቲዋ አፔ ኡሼቻ ባጋና፣ ቃሲ ኢቲዋ

15:21 ሮሞ 16:13 * 15:22 «ሁጲያ ጎሲያሳ» ጌቲቲያዌ፣ አሳ ሁጲያ ማላቲያ ሹቻይ ሄዋን ዳዒያ ዲራው፣ ሁጲያ ጎሲያሳ ጌቲቲዳ። 15:24 ማዝ 22:18

አፔ ሃዲርሳ ባጋና ማስቃሊያ ቦላ ሚሲማሪያን ጂሺዴ ካቄዲኖ።
28 ያሳ ማፃፋይ፡ «ኢታባ ኦሴዳ አሳቱዋና ኢ ፓይዴቴዳ» ያጊያዋ ፖሌቴዳ።

29 ኦጊያና ኦጂያ አሳይ ዩሱሳ ካጂዴ፡ ባሪንቱ ሁጲያ ቃሊዴ ቦሪዲኖ፤ «ሲሚ፡ ጌሻ ጎሊያ ኮላዴ ሄዙ ጋላሳ ጊደን ኬዲያዎ፡

30 እኔ ማስቃሊያ ቦላፔ ዎጃዴ፡ ኔ ሁጲያ አሻ» ያጊዲኖ።

31 ሃዎዳንካ ቄሳቱዋ ካፓቱ ሙሴ ሂጊያ ታማሪሲያዋንቱና ኢቲፔ ዩሱሳ ቦላ፡ «ሃራ አሳቱዋ አሼዳ፤ ሺን ባሪና አሻናው ደንዳዩና፤ 32 ኩኒ ቤዒዴ አማናና ማላ፡ ኪሪሰቶሲ ኢሰራዔሊያ ካቲ፡ እኔ ማስቃሊያ ቦላፔ ሃዒ ዎጃ» ጊዴ ቂሊጨዲኖ። ቃሲ ሃራይ አቶ፡ እናና ማስቃሊያ ቦላ ሚሲማሪያን ጂሺቴዴ ካቄቱዳዋንቱካ ኦ ቦላ ቂሊጨዲኖ።

ዩሱሳ ሃይቁዋባ

(ማቴ 27:45-56፤ ሉቅ 23:44-49፤ ዮሀ 19:28-30)

33 ኡሱፑን ሳቲያፔ ደሚዴ፡ ኡዲፑ ሳቲያ ጋካናው፡ ጋዲያ ኡባይ ጁሚዳ። 34 ኡዲፑ ሳቲያን ዩሱሲ ባሪ ቃላ ቆቁ ኦሴዳ፡ «ኡሎሄ፡ ኡሎሄ፡ ላማ ሳባቂታኒ?» † ያጊዳ። ሄዋ ጊያዌ፡ «ታ ያሳው፡ ታ ያሳው፡ ታና አዩሲ አጋዲ?» ጊያዎ።

35 ሄዋን ኤቄዳ አሳፔ ኢቱ ኢቱ ሄዋ ሲሲዴ፡ «ቤዒቴ፤ ኤላሳ ያሴ» ያጊዳ። 36 ሄ አሳፔ ኢቱ ዎዲ ዩዴ፡ ዛንዛ ማላቲያዋን ጨላ ዎዩኒያ ኤሳ ኩንሌዳ፤ ሄዋ ማቃ ጋቲማ ያራን ዎሴዴ፡ «ዴዒሺቴ እኔ፤ ኤላሰ ማስቃሊያፔ ኦ ዎላናው ያኔንቶኔ እኔ ቤዖይቴ» ያጊዴ ዩሱሳ ደናኮ ኡሻናው ሺሼዳ።

37 ዩሱሲ ቃላ ቆቁ ኦሴ ዋሲዴ፡ ሃይቂ አጌዳ።

38 ጌሻ ጎሊያን ቃሼቴዳ ጋሪዲ ቆዎፔ ዲጌ ጋካናው፡ ላዑ ኬሲዴ ፖሼቲ ዎጃዳ። 39 ማስቃሊያፔ ሲንሳ ባጋና ሄዋን ኤቄዳ ኢቲ ያቱዋ ካቱ፡ ሄዋ ከና ዩሱሲ ዋሲዴ ሃይቄዳዎ ቤዔዳ ዎዴ፡ «ሃ ቢታኒ ቱሙ ያሳ ናዓ» ያጊዳ።

40 ሄዋን ሃኩዋን ኤቄዴ ያሊያ አማራዳ ማጫዋንቱ ደዒኖ፤ ኡንቱንቱ ጊደን ማግዳላ ጊያ ካታማፔ ዩዳ ማይራማ፡ ቴፋ ያዩቆባኔ ዮሳ ዳያ ማይራማኔ ሳሎማ ደዒኖ። 41 ሄ ማጫ አሳቱ ዩሱሲ ጋሊላን ደዒያ ዎዴ፡ ኦ ካሌዳዋንታኔ ኦ ማዴዳዋንታ፤

15:28 እሳ 53:12 15:29 ማዝ 22:7፤ 109:25፤ ማር 14:58፤ ዮሀ 2:19
† 15:34 «ኡሎሄ ... ላማ ሳባቂታኒ»: ሃ ቃላቱ ዩሱሲ ሃ አላሚያን አሹዋ ማዩዴ ሲሜራቲያ ዎዴ ሃሳዩቲያ አራማዩኬ ጌቲቲያ ቃላን ሃሴዬቶዎ። 15:34 ማዝ 22:1 15:36 ማዝ 69:21 15:38 ኬስ 26:31-36

ቃሲ ዬሱሳና ኢትፔ ዬሩሳሌም ቤዳ ሃራ ጮራ ማጫ አሳቱ ሄዋን ደዒኖ።

ዬሱሳ ሞጉዋባ

(ማጥ 27:57-61፤ ሉቅ 23:50-56፤ ዮሀ 19:38-42)

42-43 ሳዓይ እማርሴዳ ዎዴ፡ ሄዋን ሸቄዳ አሳን ቦንቼቴዳ ኢቲ ዮሴፋ ጊያ ቢታኒ፡ ያሳ ካወቴላይ ያናዋ ናጊ ኡቴዳዌ፡ አርማቲያሳ ጊያ ካታማ አሳይ ዬዳ፤ ሄ ጋላሳይ ዎንቴላ ሳሞባታው ጊጌቲያ ጋላሳ ጊዴዳ ዲራው፡ ዮሴፎ ፃሊዴ ጰላዎሳኮ ቢዴ፡ ዬሱሳ አጋ አካናው ዎሴዳ። 44 ጰላዎሳ፡ ዬሱሴ ማንዒያንካ ሃይቄዲጌዳዎ ሲሴዳ ዎዴ ማላሌቴዳ፤ ዪቲዎ ካፑዎ ዪሴዴ፡ «ኢ ሃይቆዴፔ ጋማዒዴ?» ያጊዴ ኦቼዳ። 45 ጰላዎሳ ዬሱሴ ሃይቄዳዎ ዪቲዎ ካፑዎፔ ሲሴዴ፡ አ አጋ ዮሴፎ አካናዳን ኡዴዳ። 46 ዮሴፎ ሞጉዎ ማዩዎ ሻሜዳ፤ ዬሱሳ አጋ ማስቃሊያፔ ዎሴ ማዩዎን ፃዒዴ፡ ሹቻ ዎጩዳ አሳ ሞጊያ ጎንጎሉዎ ጊዶን አ አጋ ዎሴዳ፤ ቃሲ ሄ ጎንጎሉዎ ዶናን ዎልቃማ ሹቻ ጎንዶርሲዴ ዎሴዳ። 47 ማግዳላ ካታማፔ ዬዳ ማይራማኔ ዮሳ ዳያ ማይራማ ዬሱሳ አጋ ኡንቲንቲ ሃቃን ዎሴንቶ ቤዒኖ።

16

ዬሱሴ ሃይቄዎፔ ዴንዴዳ

(ማጥ 28:1-8፤ ሉቅ 24:1-12፤ ዮሀ 20:1-10)

1 ሳሞባታይ አጴዳዎፔ ጉዩያን፡ ማግዳላ ካታማፔ ዬዳ ማይራማ፡ ያዩቆባ ዳያ ማይራማኔ ሳሎማ ቢዴ፡ ዬሱሳ አጋ አካናው ሸቲዎ ሻሜዳኖ። 2 ዎጋ ጋላሲ ዎንቴማላ ዳሮ ጉራን ፃልቄ ኬሲሺን፡ ሄ ጎንጎሉዎ ቤዲኖ። 3 ኡንቲንቲ ባሬንቲ ጊዶን ኢቲ ኢቲዎና፡ «ጎንጎሉዎ ዶናፔ ኑሲ ሹቻ ኦኔ ጎንዶርሲዴ ዲጋናዌሻ?» ያጊዴ ሃሳዩኖ።

4 ኡንቲንቲ ዪሊያ ዎዴ፡ ሄ ዳሮ ዎልቃማ ሹቻ ጎንዶርሲዲጌዳዎ ቤዒዲኖ። 5 ዬሱሴ ሞጌቴዳ ጎንጎሉዎ ጊዶ ጌሊያ ዎዴ፡ ኢቲ ዎዳላ ቢታኒ ቦላ ማዩዎ ማዩዴ፡ ኡሺቻ ባጋና ኡቴዳዎ ቤዒዴ ዲጋማዲኖ።

6 ሺን ኢ ኡንቲንታ፡ «ዲጋሞፒቴ። ማስቃሊያ ቦላ ካቄቴዳ ናዚሬቲያ ዬሱሳ ሂንቲንቲ ኮዩያዎ ኤራይ። ኢ ሃዎን ባዎ፤ ዴንዲዲጌዳ። ኡንቲንቲ አ ዎሴዳሳ ሃዎ ቤዒቴ። 7 ሺን ቢዴ ዬሱሴ ባሬና ካሊያዎንቶኔ ጳጳርሳው፡ «ዬሱሴ ሂንቲንቲፔፔ

ካሴቲዳ ጋሊላ ቤ፤ ኢ ሂንቲንቶ ኦዴዳዋዳንካ ሂንቲንቱ ኣ ያኒ ቤዓናን ያጊዴ ሃዋ ኦዲቲ» ያጌዳ።

8 ማጫ አሳቱ ያሻን ኮኮሪዳ፣ ዩሱሲ ሞጌቲዳ ጎንጎሉዋፕ ኬሲዳ ባቃቲ አጌዲኖ፤ ቃሲ ኡንቲንቱ ያዩዳ ዲራው፣ አሳው ሄዋ ኦሲኔ አይኔ ኦዲቤይኪኖ።

ማጫ አሳቱ ቢዳ፣ ባሬንቶ ኦዴቲዳባ ኡባ ጳዲርሳዉኔ አናና ዴዲያዋንቶ ቃንጻን ኦዴዲኖ፤ ሂዋፕ ጉዩያን፣ ዩሱሲ ባሬ ሁጳው ባሬና ካሊያዋንቱ ቦላ፣ ሜጲናው አሺያ ላሜቲና ጌሻ ሚሺራቹዋ ቃላ፣ አዋይ ሞኪያሳፕ ዉሊያሳ ጋካናው ከቲዳ።

**ዩሱሲ ማግዳላ ማይራሚው ቤቲዳ
(ማት 28:9-10፤ ዮሀ 20:11-18)**

9 ዩሱሲ ሃይቁዋፕ ዴንዴዳዋፕ ጉዩያን፣ ዋጋ ጋላሲ ጉራ፣ ላፕ ኢታ አያናቱዋ ኬሴዳ ማግዳላ ካታማፕ ዩዳ ማይራሚው ካሴቲዳ ቤቲዳ። 10 ኢዛ ባዴ ካሴ አናና ዴዲያዋንቶ፣ ቃሬቲዲኔ ዩኪዴ ኡቲዳዋንቶ ኦዳዲ፤ 11 ሺን ዩሱሲ ፓፃ ዴዲያዋንቱ ኢዚው ቤቲዳዋ ኡንቲንቱ ሲሴዳ ዋዴ፣ ኢዚ ኦዲዋ ቱማ ጊቤይኪኖ።

**ዩሱሲ ላዑ ባሬና ካሊያዋንቲሲ ቤቲዳ
(ሉቅ 24:13-35)**

12 ሄዋፕ ጉዩያን፣ ኡንቲንቲፕ ላዓቱ ካታማፕ ኬሲዴ ቢሺን፣ ኦጊያን ዩሱሲ ኮይርዋፕ ዲማቲዳ፣ ኡንቲንቶ ቤቲዳ። 13 ኡንቲንቱ ጉዩ ሲሚዳ፣ ሃራቱዋሲ ኦዴዲኖ፤ ሺን ሄዋንቱ ኡንቲንቱ ኦዲዋ ቱማ ጊቤይኪኖ።

**ዩሱሲ ታማኔ ኢቲ ባሬና ካሊያዋንቲሲ ቤቲዳ
(ማት 28:16-20፤ ሉቅ 24:36-49፤ ዮሀ 20:19-23፤ ከት**

1:6-8)
14 ጉዩፕ ታማኔ ኢቲ ዩሱሳ ካሊያዋንቱ ቁማ ሚሺን፣ ዩሱሲ ኡንቲንቶ ቤቲዳ። ኡንቲንቶ አማኑ ባይና ዲራው፣ ኢ ኡንቲንታ ሴሬዳ፤ ቃሲ ሃይቁዋፕ ኢ ዴንዴዳዋ ቤዴዳዋንቱ ኡንቲንቶ ኦዲኖ፣ ኡንቲንቱ አማኔናን ኢፄዳ ዲራዉኔ ኦዲና ሲሴናዋንታ ጊዲያ ዲራው፣ ኢ ኡንቲንታ ሴሬዳ።

15 ኢ ኡንቲንታ ሃዋዳን ያጌዳ፤ «አላሚያ ኡባ ቢዳ፣ አሳ ኡባው ዋንጋላ ሚሺራቹዋ ቃላ ኦዲቲ። 16 አማኖዌ ፃማቁቶዌ አታና፤ ሺን አማኔናዋ ቦላ ያሳይ ፒርዳና። 17 ታናን አማኒያዋንቱ ሃ ማላታቱዋ ኦላናዋንታ፣ ኡንቲንቱ ታ ሱንጻን ኢታ አያናቱዋ ኬሳናዋንታ፤ ቃሲ ኡንቲንቱ ዲማ ዲማ ኦራሳ ቃላን ሃሳናዋንታ። 18 ኡንቲንቱ ሾሻ ኦይቆፕካ፣ ዋይ ኣያኔ ዋጲያ ማርዚያ ኡሺንቶካ

ኢንቴንታ ቆሄና። ቃሲ ኢንቴንቱ ባሬንቱ ኩሺያ ሃርጋንቻቱዋ ቦላ ዋላና፤ ሄ ሃርጋንቻቱ ፓፃና» ያጌዳ።

ዩሱሲ ሳሉዋ ፑዴ ኬሴዳ
(ሉቅ 24:50-53፤ ኪት 1:9-11)

19 ጎዳ ዩሱሲ ባሬና ካሊያዋንቱና ሃሳዬዳዋፔ ጉዩያን፣ ያሳይ ኣ ፑዴ ሳሉዋ ኣፊና፣ ያሳፔ ኡሺቻ ባጋና ኡቴዳ። 20 ኣ ካሊያዋንቱ ቢዴ፣ ኡባሳን ዎንጋላ ሚሺራቹዋ ኦዴዲኖ። ጎዳይካ ኢንቴንቱና ኢቲፔ ኦሴ፤ ኢንቴንቱ ኦዲያ ቃላይካ ቱማ ጊዴዳዋ ኢንቴንቱ ኦሴያ ማላታቱዋን ኤሪሴዳ። *

* 16:20 ኢቲ ኢቲ ቤኒ ጌሻ ማፃፋቱዋን ሃ ፓይዳቱ ባዋ።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source
files dated 29 Jan 2022
585b63ca-b8e6-55c8-bfef-10bdc95ad69c